

କାରାଗାର

ସମ୍ମତ ରାୟ, ଏମ. ଏ.

ପଞ୍ଚାକ୍ଷ

ପୌରାଣିକ ନାଟକ

ଅନୋମୋହନ ଥିଏଟ୍ରାରେ ଅଭିନୀତ

ଦ୍ୱିତୀୟ ସଂସ୍କରଣ

ଉଦ୍ଘୋଷନ ରଞ୍ଜନୀ—୨୫ଶେ ଡିସେମ୍ବର, ୧୯୭୦ ।

ଲକ୍ଷ୍ମୀନିଳୟ ।

প্রাতিষ্ঠান—

শ্রীঅখিল নিয়োগী,

নিয়োগী নিকেতন,

১৯২।এ কর্ণওয়ালিশ স্ট্রীট, কলিকাতা ।

এবং গুরুদাস লাইব্রেরী,

২০৩।১।১ কর্ণওয়ালিশ স্ট্রীট, কলিকাতা ।

মূল্য পাঁচসিকা

**মহাশয় রায় কর্তৃক শ্রীগৌরানন্দ প্রেস, ৭১।১নং মির্জাপুর স্ট্রীট, কলিকাতা হইতে
মুদ্রিত এবং “বরদা-স্তবন”, বালুরঘাট (দিনাজপুর) হইতে প্রকাশিত ।**

শ্রীযুক্তেশ্বরী সরোজিনী দেবী

মাতাঠাকুরাণী

শ্রীশ্রীচরণকমলেষু ।

সেবকাধম সন্তান

মন্মথ রায় ।

“यदायदाहिधर्मस्तृणानिर्भवति भारत ।
अभुक्थानमधर्मस्तदात्मानं सृजामाहम् ॥
परित्राणायसाधूनां विनाशायचदुष्कृताम् ।
धर्मसंस्थापनार्थाय संभवामि युगेयुगे ॥”

इत्थं यदा यदा वाधा दानबोधाभविष्यति
तदातदावतीर्याहं करिष्याम्यसि संश्रयम् ॥

লেখকের কথা ।

নটসূর্য্য শ্রীযুক্ত অহীন্দ্র চৌধুরী মিনার্ভা থিয়েটারে যোগদান করিয়া তাঁহাদের জন্ম একখানি নাটক লিখিয়া দিতে গত জুলাই মাসে আমাকে অনুরোধ করেন । তদনুযায়ী গত ১২ই আগষ্ট আমি “কারাগার” রচনায় ব্রতী হই, এবং ২৫শে আগষ্ট মধ্যে উহার প্রাথমিক গঠন শেষ করিয়া পাণ্ডুলিপি শ্রীযুক্ত অহীন্দ্র চৌধুরীর হস্তে সমর্পণ করি । নানাকারণে মিনার্ভা থিয়েটারে উহার অভিনয় সম্ভব হয় না । কিন্তু তথাপি এই নাটক প্রণয়নে শ্রীযুক্ত চৌধুরীর নিকট হইতে যে অণুপ্রেরণা লাভ করিয়াছি তজ্জন্ম তাঁহার নিকট চিরকৃতজ্ঞ রহিব ।

গত ১৭ই নভেম্বর মনোমোহন থিয়েটারের সর্বাধ্যক্ষ অগ্রজ-প্রতিম শ্রীযুক্ত প্রবোধচন্দ্র গুহ আমাকে জানান যে তিনি আমার “কারাগার” মনোমোহন থিয়েটারে অবিলম্বে অভিনয় করিতে কৃতসঙ্কল্প হইয়াছেন এবং তাহার যথাযথ ব্যবস্থাও করিয়াছেন । শ্রীযুক্ত প্রবোধদার এই সম্বন্ধে আমন্ত্রণ উপেক্ষা করিবার শক্তি আমার ছিল না, এবং তাঁহার আগ্রহে ২৫শে নভেম্বর হইতে ১৩ই ডিসেম্বর মধ্যে আমি “কারাগার”কে বর্তমান রূপে সজ্জিত করি । শ্রীযুক্ত প্রবোধদার ঐকান্তিক সহায়ত, সম্মোহন স্নেহ, কলানিপুণ ইন্দ্রিত এবং প্রাজ্ঞ উপদেশ পাইবার সৌভাগ্য হইয়াছিল বলিয়াই এত অল্প সময়ের মধ্যে আমার “কারাগার” আজ অভিনয়োপযোগী হইতে পারিয়াছে । তাঁহাকে ধন্যবাদ দিয়া গঙ্গাজলে গঙ্গাপূজা করিবার ইচ্ছা নাই ।

গান রচনার আমি অক্ষম। কিন্তু, আমার এই অক্ষমতা সার্থক হইয়াছে সেই এক পুণ্য-প্রভাতে যেদিন সারা-বাঙলার কবি-তুলাল কাজী নজরুল ইসলাম আমার হাত ছ'খানি পরম স্নেহে ধরিয়া বলিয়াছিলেন “আপনি আপনার নাটকের জন্ত আমাকে দিয়া গান লেখাইয়া না লইলে আমার অভিমানের কারণ হইবে!” যে আন্তরিক স্নেহে তিনি আমার “মহরার” কণ্ঠে গান দিয়াছিলেন, এবারও আমার “কারাগারে”র জন্ত তেমনি আন্তরিক স্নেহে তিনি গান রচনা করিয়াছেন। রাজদণ্ডে দণ্ডিত হইবার পূর্বে মুহূর্ত্তেও তিনি “কারাগারে”র জন্ত শুধু গান রচনা করিয়াই ক্ষান্ত হন নাই, পরমোল্লাসে উহাতে স্বয়ং সুরযোজনা করিয়াছেন। আমার আরো সৌভাগ্য বাঙলার অগ্রতম শ্রেষ্ঠ-সঙ্গীতকার দরদী-কবি শ্রীযুক্ত হেমেন্দ্রকুমার রায়ও আমার প্রতি তাঁহার অসীম স্নেহে এবং মমতার “কারাগারে”র জন্ত কয়েকটি গান রচনা করিয়া দিয়াছেন। এইরূপ মহা সৌভাগ্যে, আজ আমার শুধু এই প্রার্থনাই মনে জাগিতেছে, জন্মে জন্মে যেন গীত রচনার এই অক্ষমতা নিয়াই জন্ম গ্রহণ করি, এবং জন্মে জন্মে যেন সে অক্ষমতা এমনি ভাবেই সার্থক হয়।

ধরিত্রীর গান গুলি শ্রীযুক্ত নজরুল ইসলাম রচনা করিয়াছেন, এবং বাকী গান গুলি শ্রীযুক্ত হেমেন্দ্র কুমার রায়ের রচনা। গান গুলিতে সুর যোজনাও তাঁহারাই করিয়াছেন।

মুখ চিত্রে আর একজনের কথা স্মরণ করি। তিনি বাঙলার নাট্য জগতের কলালক্ষ্মী-কল্পা শ্রীযুক্তা নীহার বালা। মাতার মমতার, ভগিনীর স্নেহে আমার এই নাটক রচনার তিনি আমাকে উৎসাহিত ও সঙ্গীবৃত্ত রাখিয়াছিলেন। নাটকের নৃত্য পরিকল্পনা তাঁহার, এবং

সে পরিকল্পনা যাহারা প্রত্যক্ষ করিয়াছেন তাহারাষ্ট আমার হইয়া তাঁহাকে ধন্যবাদ দিবেন, আমি বিশ্বাস করি।

এই নাটক রচনায আরো অনেকের নিকট হইতেই সাহায্য পাঠিয়াছি। সকলকেই আমার আন্তরিক ধন্যবাদ জ্ঞাপন করিতেছি, তাঁহাদের মধ্যে শিশু-সাহিত্যিক শিল্পী-কবি আত্মীয় প্রতিম শ্রীযুক্ত অখিল-নিয়োগী, সুসাহিত্যিক শ্রীযুক্ত মনোরঞ্জন গুপ্ত, সুপণ্ডিত ডাঃ শ্রীযুক্ত ইন্দুভূষণ রায়, এম-বি, এবং ভোক্তরঙ্গ সম্পাদক শ্রীকৃষ্ণেন্দু ভৌমিক মহাশয়গণের নাম উল্লেখ না করিলে আমি তৃপ্ত হইতে পারি না।

নাটকের প্রযোজনা স্বরূপে বলিতে গিয়া সর্বপ্রথমে শ্রীযুক্ত প্রবোধ-দাস প্রশান্ত উচ্চারণ করিয়াই ক্ষান্ত হইব, কারণ এ বিষয়ে তাঁহার দক্ষতার পরিচয় দিতে হইলে একখানি স্বতন্ত্র পুস্তক লিখিতে হয়। সাজসজ্জা এবং কপ পরিকল্পনা যাহারা করিয়াছেন তাঁহাদের নাম উল্লেখ করিয়াই তৃপ্ত হইব, তাঁহাদের সম্যক পরিচয় দিবার শক্তি আমার নাই। তাঁহারা শ্রীযুক্ত চাকু রায় এবং শ্রীযুক্ত যামিনী রায়। ধন্যবাদ দিয়া তাঁহাদের স্নেহের ধন শোধ করিবার ধৃষ্টতা আমার নাই।

আজ আবার তাঁহার কথাই বারে বারে স্মরণ হইতেছে, যাহাকে এই নাটক দেখাইতে গারিলে ধন্য হইতাম, তৃপ্ত হইতাম, সার্থক হইতাম, তিনি আমার স্বর্গগত পিতৃদেব। শুধু এই প্রশ্নটিই বারে বারে মনে হয় দেবতার কি চোখ নাই? তিনি কি এই মরুভূমির পানে একটিবারও তাকান না?

“বরদা-ভবন”
বালুরঘাট।
১৯শে ডিসেম্বর, ১৯৩০।

মহম্মদ রায়।

नारायणं नमस्कृत्य नरकैव नरोत्तमम् ।
देवीं सरस्वतीं व्यासं ततो जयमुदीरयेत् ॥

পরিচয়

উগ্রসেন	...	ভোজবংশাবতংস মথুরাধিপতি ।
কংস	...	ঐ পুত্র ।
বসুদেব	.	যতুকুল-শ্রেষ্ঠ ।
কৌর্টিয়ান	...	ঐ জ্যেষ্ঠ-পুত্র ।
বিদূরথ	...	কংস সেনাপতি । (যাদব) ।
কঙ্কণ	...	ঐ পুত্র ।
রঞ্জন	...	ঐ কনিষ্ঠ পুত্র ।
নরক	...	কংসের মন্ত্রী ।
দেবকী	...	বসুদেব-পত্নী ।
কঙ্ক	...	করক-বাহিনী ।
চন্দন	...	যাদব-তরুণী ।
অঞ্জনা	...	বিদূরথ-পত্নী ।

নর্সকীগণ, মদিরা, যাদবগণ, সৈন্তগণ, পুজারী, পুজরিণী ও প্রহরীগণ ।

প্রস্তাবনা

ধরিত্রী—

জাগো জাগো শব্দ-চক্র-গদা-পদ্যধারী ।

কাদে ধরিত্রী নিপীড়িতা, কাদে ভয়ার্ত্ত নরনারী ॥

ঐ বাজে তব আরতি-বোধন,

কোটা অসহায় কণ্ঠে রোদন ।

ব্যথিত হৃদয়ে ফেলিয়া চরণ,

বেদনা-বিহারী এস নারারণ,

রুদ্ধ-কারার অন্ধ-প্রাকার-বন্ধন অপসারি ॥

প্রথম অঙ্ক

—এক—

[মথুরানগরী ।

নারায়ণ মন্দির ।

বিস্তীর্ণ সোপান শ্রেণী ।

সম্মুখে প্রাঙ্গণ ।]

*

*

*

[প্রভাত ।

একদল ভয়ান্ত্রী যাদব । চোখে মুখে আতঙ্ক । কোথা হইতে
ছুটিয়া আসিয়াছে ; আশ্রয়-প্রার্থী । রুদ্ধ মন্দির-দ্বারে ব্যাকুল
করাঘাত]

যাদবগণ ॥ [সমস্বরে]

বসুদেব !

বসুদেব !

খোল দ্বার—

দ্বার খোল—

[ছয়ার খুলিয়া গেল ।

—বসুদেব ।

শালগ্রামশিলার পূজাবেদী দেখা গেল]

কান্নাপান

যাদবগণ ॥ বসুদেব, রক্ষা কর—

বসুদেব । [তাহাদিগকে ঠিক চিনিতে না পারিয়া]

তোমরা—...

যাববগণ ॥—যাদব ।

১ম যাদব ॥ তোমার স্বজাতি, তোমার স্বগোষ্ঠী ।

বসুদেব ॥ কি হয়েছে—?

১ম যাদব ॥ অত্যাচার—

২য় যাদব ॥ অত্যাচার—

যাদবগণ ॥ নিদারুণ অত্যাচার ।

বসুদেব ॥ কে অত্যাচার করল ?

যাদবগণ ॥ কংস ।

বসুদেব ॥ কি অত্যাচার ?

১ম যাদব ॥ কি অত্যাচার নয় ? সে ঘোষণা করিয়েছে, রাজ্যের
যত পূজা সব রাজার প্রাপ্য, দেবতার নয় । রাজ্যে রাজার
পূজা ভিন্ন দেবতার পূজা নিষেধ ।

বসুদেব ॥ তোমরা তা মেনে নিয়েছ ।...এ মন্দিরের নারায়ণ
পূজায় বহুদিন তোমরা যোগদান কর না...

১ম যাদব ॥ ...হাঁ, করি না, প্রাণভয়েই করি না, কিন্তু ঘরে ঘরে
গোপনে আমরা নারায়ণ পূজা করতাম.—কিন্তু সে কথাও...

বসুদেব ॥—কংস ছেনেছে, তোমাদেরই কারো মুখে । তোমরাই
আজ কংসের দৈত্য, তোমরাই তার গুপ্তচর, অহুচর, সহায়
সম্পদ !

১ম যাদব ॥—অস্বীকার করবার উপায় নাই ।...কিন্তু এত করেও

কান্নাপান্ন

তো প্রভুর মন পেলাম না। অত্যাচারের মাত্রা ক্রমেই বেড়ে
চলেছে।

বসুদেব ॥—যেহেতু অত্যাচার সইবার ক্ষমতাও তোমাদের বেড়ে
চলেছে।

১ম যাদব ॥ আমাদের ঘরে ঘরে তাঁর সশস্ত্র সৈন্য প্রহরী হল।
...তারাও যাদব। যাদব হয়েও তারা যত্নকুলের আরাধ্য দেবতা
নারায়ণ বিগ্রহ ধ্বংস করল! যে বাধা দিতে গেল, সে প্রাণ
হারাল। যে বাধা দিল না, সে বেঁচে গেল। আরো অপমান
আরো উৎপীড়ন—আরো অত্যাচার কপালে লেখা রয়েছে, তাই
আমরা মর্মে পারলাম না—

বসুদেব ॥ যে অত্যাচার সহ করে, মৃত্যু তাকে ঘৃণা করে।...মৃত্যু
তাকে পদাঘাত করে পরশ দেয়...মৃত্যু যজ্ঞা দেয়, কিন্তু
আলিঙ্গন দিয়ে মুক্তি দেয় না...শান্তি দেয় না—।

১ম যাদব ॥ ...সে কথা মর্মে মর্মে বুঝি। উৎপীড়ন সহ করে
প্রাণ বাঁচিয়েই চলেছি, কিন্তু...এতটুকু শান্তি পাচ্ছি না।
আমাদেরই একটি মেয়ে, নাম চন্দনা—

বসুদেব ॥ হাঁ, চন্দনা...। সে এই মন্দিরে এসে প্রত্যহ পূজা দেয়,
সন্ধ্যায় আরতি করে, প্রভাতে প্রভাতী গায়। কাল সন্ধ্যায়—

১ম যাদব ॥—সে এসেছিল, কিন্তু আজ আর আসবে না। কাল রাতে
ছুর্তরা তাকে আমাদের চোখের সামনে বলপূর্বক হরণ করে
নিয়ে গেল—

বসুদেব ॥ আ—হা—হা...পিতৃমাতৃহীনা সেই অনাথাকে ধরে নিয়ে
গেল...তোমরা কেউ বাধা দিলে না ?

করাপার

১ম যাদব ॥ বাধা দেব মনে করে অসিতে হাত দিতে যাচ্ছিলাম...

অমনি তারা কুখে এসে বলল—“অসি দাও, অঙ্গধারণে তোমাদের কোন অধিকার নেই, বিশেষ আমাদের বিরুদ্ধে—!”

বসুদেব ॥ এত বড় সত্য কথা জগতে আর কেউ কোনদিন বলেছে কিনা সন্দেহ। তোমরা অঙ্গত্যাগ করলে ?

১ম যাদব ॥ [সোৎসাহে] না।

বসুদেব ॥ তবে কি যুদ্ধ হল ?

১ম যাদব ॥ না—

বসুদেব ॥ তবে ?

১ম যাদব ॥ আমরা “দ্বিচ্ছ” বলে ঘরে এসে...খিড়কির দরার দিয়ে পালিয়ে এলাম।—[সকলে সগন্ধে বজ্রাবরণতল হইতে অঙ্গ বাহির করিয়া দেখাইল] এই আমাদের অঙ্গ—

বসুদেব ॥ চমৎকার !...আর তবে ভয় নাই...খাপের ভেতর ভরে রাখা...বাইরের ঠাণ্ডা হাওয়ায় ওদেব অস্থিত হতে পারে। কিন্তু তোমাদের জীপুহ ?

১ম যাদব ॥ - সেই কথা ভেবেই আমরা মারুত হইছি।...আমরা নির্ঘাতিত উৎপীড়িত নিঃসহায় যাদব। আপনার পিতা মহামতি শূর সেনের হাত হতে যেদিন ছরাখা উগ্রসেন রাজদণ্ড কেড়ে নিয়ে মথুরায় ভোজবংশের আসিপত্য স্থাপন করল, সেই দিন হতেই যুদ্ধকালের এই দুর্দশা। মহামতি শূরসেন আজ নেই, আছেন আপনি... আপনি আপনার স্বজাতি...স্বগোষ্ঠী রক্ষা করুন—

বসুদেব ॥ এখন এ কলন রূপা ! যেদিন উগ্রসেন পিতার হাত হতে রাজদণ্ড কেড়ে নিতে এসেছিল সেদিন তোমরা কথাটি কওনি,

বরং ঘরভেদী বিভীষণের মতো তোমরাই হয়েছিলে তার সহায়,
তার সৈন্য ! ভেবেছিলে প্রতিদানে পাবে প্রচুর পুরস্কার...
কিন্তু কি পেয়েছ আজ বুঝ—! শাস্ত্র বাক্য মিথ্যা নয়—

স্বধর্ম্মে নিধনং শ্রেয়ঃ

পরধর্ম্মো ভয়াবহঃ ॥

নিজ হাতে যে বিষবৃক্ষ রোপন করেছ, তার ফলভোগ তুমি না কর...
তোমার পুত্র, তোমার পৌত্র, প্রপৌত্র...বংশানুক্রমে কর্কে...। যদি
বল উপায় কি ? উপায়—প্রায়শ্চিত্ত...এক জীবনেও তা শেষ হবে না
...এ প্রায়শ্চিত্ত কর্তে হবে জন্মে জন্মে !

[বাহিরে জয়ধ্বনি :—

সম্রাট জয়তু !

সম্রাট জয়তু !

সম্রাট জয়তু !]

যাদবগণ ॥ বসুদেব -- বসুদেব—

[সভয়ে সম্রাটের আগমন প্রতীক্ষা করিতে লাগিল]

* * *

[সানুচর উগ্রসেনের প্রবেশ ।]

উগ্রসেন ॥ —বসুদেব !

বসুদেব ॥ —আজ্ঞা করুন...

উগ্রসেন ॥ আমি আমার পাপের প্রায়শ্চিত্ত কর্তে এসেছি...

বসুদেব ॥ পরিহাস কেন রাজা ?

উগ্রসেন ॥ না বসুদেব, পরিহাস নয় । তোমার পিতার হাত হতে

যেদিন রাজদণ্ড কেড়ে নিয়ে, মথুরায় যাদবরাজস্বের অবসান

কান্নাপার

করি, সেদিন মনে আশা ছিল, সুশাসনে যাদবদের মন হতে তাদের পরাজয়ের ঝানি মুছে দেব। আশা ছিল—বিজয়ী ভোজবংশ এবং বিজিত যদুবংশ আমার সুশাসনে ভ্রাতৃত্ববন্ধনে আবদ্ধ হয়ে সুখে কালাতিপাত করবে। আমার সে আশা সমূলে নির্মূল করেছে আমারি কুলাঙ্গার পুত্র কংস... তারি চক্রান্তে, ইঙ্গিতে, আদেশে, ভোজবংশ, বিজয়ীর গর্ভ নিয়ে বিজিত যদুবংশের ওপর অমানুষিক অত্যাচার করছে, আমি বহু চেষ্টা করেও তা নিবারণ করতে সমর্থ হইনি।—

বসুদেব ॥ আমরা তা মর্মে মর্মে উপলব্ধি করেছি এবং করছি।

উগ্রসেন ॥ অথচ এই অত্যাচার... এই অনাচার আমারি নামে অনুষ্ঠিত হচ্ছে... উৎপীড়িত নরনারী আমাকে অভিশাপ দিচ্ছে... অথচ—
অথচ—আমি এর জন্তে এতটুকু দায়ী নই!

বসুদেব ॥ তথাপি আপনি রাজা,—প্রজার ওপর অপরের অত্যাচারের জন্তেও রাজাই দায়ী—

উগ্রসেন ॥ ধিক্ একরূপ রাজত্বে। বসুদেব, এই নাও রাজদণ্ড... এই নাও রাজমুকুট। অত্যাচারীকে দমন কর... রাজ্যের ক্রন্দন নিবারণ কর... আমার বিবেক তুমি নলে দগ্ধ হচ্ছে... তোমার রাজত্ব তুমি গ্রহণ কর... আমাকে মুক্তি দাও... আমাকে রক্ষা কর—

বসুদেব ॥ এ দান গ্রহণে আমি সম্পূর্ণ অনুপযুক্ত। আমি জানি, দান গ্রহণে কখনো স্বাধিকার প্রতিষ্ঠা হয় না। আমরা রাজ্যচ্যুত... অত্যাচারিত... উৎপীড়িত; কিন্তু... ভিক্ষুক নই। আমাদের কোন আবেদন নাই—নিবেদন নাই। আমরা শক্তি সাধনা করছি... সেই শক্তি... যা এই অত্যাচার-উৎপীড়ন দমন করতে

পারে... যা আমাদের হৃত সম্পদ পুনরুদ্ধার কর্তে পারে। সেই শক্তিতে শক্তিমান হয়ে ঐ রাজদণ্ড ঐ রাজমুকুট অর্জন করব... ভিক্ষা করে নয়, দান গ্রহণেও নয়—!

উগ্রসেন ॥ কিন্তু বসুদেব... এ রাজদণ্ড এ রাজমুকুট আর আমি বহন কর্তে পারি না... এরা যেন তপ্ত লৌহশলকা, আমায় নিয়ত দগ্ধ কচ্ছে... গ্রহণ কর বসুদেব, গ্রহণ কর— [দানোত্তম—]

[ইতিমধ্যে কংসানুচর বিদূরথ এবং নরক প্রবেশ করিয়াছিলেন।]

নরক ॥ ভৃত্যরা যখন উপস্থিত রয়েছে, তখন ও বোঝা ছুটি অপরের স্কন্ধে কেন নিক্ষেপ করছেন...? বিদূরথ... ভার বহন কর।... শুনুন মহারাজ, আপনার ঔষধ সেবনের সময় অতিবাহিত হয়... যুবরাজ মহা চিন্তিত হয়ে রাজবৈজ্ঞ সঙ্গে করে প্রাসাদে আপনারই অপেক্ষায় বসে আছেন।

[বিদূরথ রাজদণ্ড ও রাজমুকুট গ্রহণ করিবার জন্ত সন্মুখে আসিয়া দাঁড়াইয়াছে।]

উগ্রসেন ॥ [বিষম ব্যাকুলতায়] গ্রহণ কর বসুদেব, গ্রহণ কর—

নরক ॥ মহারাজের ভয়ানক গাথা ধরেছে।... বিদূরথ, মহারাজ রাজমুকুটটি পর্য্যন্ত মাথায় রাখতে পাচ্ছেন না... তুমি হাঁ করে চেয়ে দেখছ কি? এমনি করেই কি রাজসেবা করবে?

উগ্রসেন ॥ বসুদেব—বসুদেব—

[বিদূরথ রাজদণ্ড ও রাজমুকুট একরূপ কাড়িয়া লইতেই উত্তম হইল—]

নরক ॥ শিরঃপীড়া তো নয়, শিরঃশূল। ভয় নেই মহারাজ, রাজবৈজ্ঞকে দিয়ে উত্তম মধ্যম... মধ্যম নারায়ণ ব্যবস্থা করলেই—

কান্নাপান

উগ্রসেন ॥ দুর্ভৃত্ত পুত্র আমার রাজ্যসম্পদ কেড়ে নিচ্ছে... রক্ষা কর
বসুদেব, রক্ষা কর—

নরক ॥ শিরঃপীড়া থেকে শিরঃশূল... শিরঃশূল থেকে বিকার... বিকার !

বসুদেব ॥ দিন্... [উগ্রসেনের হাত হইতে রাজদণ্ড ও রাজমুকুট
লইলেন ।] নাও— [বিদূরথের হাতে দিলেন ।] যাও—
...গিয়ে সেই সময়তানকে বল, যত্নকুলের এই হত রাজমুকুট...
এই হত রাজদণ্ড... এই হত মথুরারাজ্য যত্নসন্তান... দান
গ্রহণে নয়, স্বকীয় সাধনার পুনরুদ্ধার করবে... [নরকঃ এবং
বিদূরথ বিনা বাক্যব্যয়ে তাহা লইয়া উল্লসাসে প্রস্থান করিল ।]

উগ্রসেন ॥ [উহা লক্ষ্য করিয়া] ধন্—ধর্—ওরে ওদের ধর্—

[উদ্ভ্রান্তভাবে তাহাদের পশ্চাৎ পশ্চাৎ প্রস্থান]

বসুদেব ॥ [সমাগত যাদবগণ ও রাজানুচরগণের প্রতি] ...ঐ উদ্ভ্রান্ত
উন্মত্ত হতভাগ্য বৃদ্ধরাজাকে ফিরিয়ে আন...নইলে সেই দুর্ভৃত্ত
ওকে বধ করতেও কুণ্ঠিত হবে না— [তাহারা উপদেশ পালন
করিল] ভগবান— ! নারায়ণ— ! একটিবার চোখ মেল
...চেয়ে দেখ এ জগৎ হ'তে বেদ অন্তর্হিত, দর্শন অদৃশ্য, উপনিষদ
লুপ্ত... ! সংসারে আজ আচার নাই, আছে শুধু অত্যাচার,
প্রীতি নাই, আছে শুধু ঘেঁষ, প্রেম নাই, আছে শুধু হিংসা !
ধরণী রক্তাক্ত ! ধর্ম লুপ্ত ! ...ভগবান ! নারায়ণ ! ... এখনো
কি তুমি ঘুমিয়েই রইবে ? এখনো কি তুমি জাগবে না— ?
জাগবে না ?

[মন্দিরাভ্যন্তরে প্রস্থান]

...[ক্ষণপর বিদূরথ-পুত্র কঙ্কণের প্রবেশ । তাহার শিরে

সেনানায়কের শিরজ্ঞান এবং হাতে একটি পুষ্পডালা। সে আসিয়া চারিদিকে কাহাকে খুঁজিল। তাহাকে না পাইয়া প্রাক্‌গের এক পার্শ্বে রক্ষিত একটি শিলাবেদীর উপর বসিয়া পুষ্পডালা হইতে পুষ্প প্রভৃতি নামাইয়া রাখিল। তৎপরে পরিচ্ছদান্তরাল হইতে একটি চন্দন-পাত্র বাহির করিয়া একটি জলপদ্ম-পাতায় চন্দনাক্ষরে কি লিখিল। লিখিয়া তাহা উঁচু করিয়া ধরিয়া পড়িল। তৎপর তাহা ডালাতে রাখিয়া তত্পরি রাখিল একটি পুষ্পমালা। তাহার পর ফুলে ফুলে পুষ্পডালা ভরিয়া ফেলিল। পুষ্পডালাটি বেদীর অন্তরালে লুকাইয়া রাখিয়া সে উঠিয়া দাঁড়াইতেই বাহির হইতে আসিল মন্দিরের করঙ্কবাহিনী কঙ্কার গীত লহরী। সে উৎকর্ণ হইয়া তাহা শুনিতে লাগিল।...

ধূপ দীপ নৈবেদ্য, ফুল ফল, আম্রমুকুল, নবপল্লব, পদ্মপাতা, মৃগালমালা নবীনধানের নবমঞ্জরী প্রভৃতি নানাবিধ পূজোপকরণ লইয়া মন্দিরের পূজারী পূজারিণীগণ নাচিতে নাচিতে গাহিতে গাহিতে আসিল। কঙ্কা তাহাদের মধ্যমণি।...

কঙ্কণের এই উৎসব এতই ভালো লাগিল যে সে তাহার শিরজ্ঞান একরূপ জোর করিয়া টানিয়া খুলিয়া ফেলিয়া সেই উৎসবে আর দশজনের মতো যোগদান না করিয়া পারিল না। অতঃপর সকলের নিকট এই সুবক অজ্ঞাত হইলেও কঙ্কার নিকট সে সুপরিচিত ছিল।—]

জয় জয় জয় ভগবান !

পাথরের মত বৃকে, ঝরণার ধারা মত

আনো নব-জীবনের গান।

আঁধারের-ছেলে মোরা খুঁজে মরি শিশু-উষা,

শ্যামলী ধরণী ভ'রে চাই অরণের ভূষা,

মুছে স্বপনের-স্মৃতি, চাই তপনের-গীতি,

চাই চির-আলোকিত প্রাণ।

করাগার

পাথরের ঘুম ভেঙে জাগো তুমি শিলাময় !
পৃথিবীর খেলাঘরে জাগো, জাগো লীলাময় !
জাগো চোখে, জাগো বৃকে, জাগো সব সুখে-দুখে,
অমৃতের বাণী দাও মৃতদের মুখে মুখে,
ঘুমভরা জাগরণে এস মহা-জাগ্রত !

অরূপ-রতন কর দান ।

[গাহিতে গাহিতে মন্দিরের প্রতি সোপানের দুই পার্শ্বে এক একজন করিয়া উঠিয়া দাঁড়াইয়া নারায়ণোদ্দেশ্যে অর্ঘ্য নিবেদন করিয়া প্রণাম করিল । কঙ্কণ স্বপ্নাবিষ্টের মত মধ্য সোপান বাহিয়া একেবারে মন্দিরের দ্বারদেশে গিয়া দাঁড়াইয়াছে । সকলে যখন সমস্বরে—

ভগবন্ জাগৃহি !

ভগবন্ জাগৃহি !

ভগবন্ জাগৃহি !

ধ্বনি করিয়া উঠিল, তখন তাহার চমক ভাঙিল । সে একবার নীচে নামিল, আবার উপরে উঠিল. আবার তখনি আত্মস্থ হইয়া ছুটিয়া গেল তাহার শিরস্জাগ পরিতে...গিয়া দেখে, কঙ্কা তাহা হাতে করিয়া দাঁড়াইয়া রহিয়াছে !—]

কঙ্কণ ॥ আমার শিরস্জাগ কঙ্কা— ?

কঙ্কা ॥ আমার পুষ্পডালা ?

কঙ্কণ ॥ এনেছি, তোমার পুষ্পডালা ফুলে ফুলে ভরে এনেছি কঙ্কা—
এই নাও—

কঙ্কা ॥ আগে কৈফিয়ৎ চাই । তুমি গত রাত্রে মন্দিরে এসে আরতির অবসরে আমার পুষ্পডালা নিয়ে গালিয়েছিলে । কেন ?

কঙ্কণ ॥ তোমার সেই শূণ্ডালাটি আমার মালধের ফুলে ভরে দেব বলে। এই সামান্য অধিকারটুকুও কি আমার নেই? মনে করে দেখ তোমার স্বর্গীয় পিতার ইচ্ছা ছিল, তুমি আমার স্বামী হও। আমার নাম “কঙ্কণ”, তাই তিনি তোমারও নাম রেখেছিলেন “কঙ্কা”।

কঙ্কা ॥ সুখের বিষয় তিনি সে বিবাহ দেন নি। দুঃখের বিষয় আজ তিনি বেঁচে নাই, ...থাকলে, তিনি আমার এই কলঙ্কিত নাম পরিবর্তন করতেন—

কঙ্কণ ॥ আমি জানি, আমার প্রতি তোমার ঘৃণা—

কঙ্কা ॥ সে ঘৃণা কি অকারণ? তুমি আমাদেরই স্বজাতি, স্বগোষ্ঠী, পুণ্য যজ্ঞবংশে তোমার জন্ম। ...কিন্তু—

কঙ্কণ ॥ —কিন্তু— ?

কঙ্কা ॥ ভোজবংশের দাসত্ব বরণ করে তুমি এবং তোমার পিতা এই যজ্ঞবংশের উপরই অমানুষিক অত্যাচার কর্তে কুণ্ঠিত হও নি। মনুষ্যত্ব হারিয়েছ, ধর্ম ও হারিয়েছ—। আজ তোমার সাধ্য নেই—তুমি আমার কর্তে কঠ মিশিয়ে শুধু এইটুকু বল—

ভগবন্ জাগৃহি !

কঙ্কণ ॥ ভগবানের আরাহন আমার প্রভুর নিষেধ। ‘আমার’ প্রভুর দেবতা ভগবান নন, সয়তান।

অগ্ন্যান্ত সকলে। কে তোমার প্রভু ?

কঙ্কণ ॥ মহামহিম কংস !

কঙ্কা ॥ দিক্ সেই ক’টি স্বর্ণমুদ্রা যা মানুষের মনুষ্যত্ব ক্রয় করে। শত

করাপার

দিক্ তাকে, যে ঐ স্বর্ণমুদ্রার লোভে তার আত্মা...তার
ধর্ম...তার বিবেক বিক্রম করে !

কঙ্কণ ॥ [দীর্ঘশ্বাসে] পিতাপুত্রে যেদিন ভোজবংশের দাসত্বগ্রহণ
করেছি, পিতা বলেন সেইদিনই জাতি ধর্ম বিবেক সব
জলাঞ্জলি দিয়েছি—

অন্য সকলে । কে তোমার পিতা ?

কঙ্কণ ॥ দানবদাস যাদবসেনাপতি বিদুরথ !

সকলে ।—কুলাঙ্গার !

কঙ্কণ ॥ আমার ঘৃণা কি অকারণ কঙ্কণ ?...যাক্, দাও আমার পুষ্প-
ডালা—

কঙ্কণ ॥ [ছুটিয়া গিয়া পুষ্পডালা আনিয়া অস্বাভাবিক আগ্রহে] নাও—
নাও—! হঃসহ ব্যঙ্গ, অসহনীয় উপহাস সহিতে হবে জেনেও
আমি ছুটে এসেছি তোমাকে এই পুষ্পডালা—তোমারি মন্দিরের
এই পুণ্যপ্রাঙ্গণে প্রত্যর্পণ করতে—[নতজানু হইয়া] নাও দেবী,
নাও ...

কঙ্কণ ॥ [হাসিয়া তাহা গ্রহণ করিয়া] তোমার এই চৌর্য্যবৃত্তিতে
নূতনত্ব আছে কঙ্কণ ।...

কঙ্কণ ॥—হাঁ, এর মধ্যে নিহিত রয়েছে আমার অন্তরের কামনা, ওরি
মধ্যে লুকিয়ে আছে আমার কামনা পূরণের শেষ সাধনা...। ঐ
পুষ্পডালায় লেখা আছে আমার ললাটলিপি । সেই ললাট-লেখা
তুমি পাঠ করবে, সেই আশায় আমি এই মন্দিরে লাক্ষিত হয়েও
পড়ে থাকব, গদাহত হলেও পড়ে থাকব ।...তুমি আমার
শিরস্ত্রাণ দাও—

কঙ্ক। ॥ শিরজ্ঞান ?

কঙ্কণ ॥ হাঁ, শিরজ্ঞান...। শিরজ্ঞান ত্যাগ করে আমি আমার পদ-
মর্যাদার অবমাননা করেছি—

কঙ্ক। ॥ বটে ! যদি এ শিরজ্ঞান আর না দি—?

কঙ্কণ ॥ আমি পদচ্যুত হব ।

কঙ্ক। ॥ পদচ্যুত হবে ?

কঙ্কণ ॥ পদচ্যুত হব ।

কঙ্ক। ॥ একথা জেনেও তবে শিরজ্ঞান ত্যাগ করেছিলে কেন ?

কঙ্কণ ॥ রক্তের ডাক ! রক্তের ডাক ! বহুকাল পর যখন জাতীয় উৎসব
দেখলাম, আত্মবিস্মৃত হলাম । শিরজ্ঞান ত্যাগ করে, আমাদের
ঐ আর সবার মতো কখন যে উৎসবে মত্ত হয়েছি, নিজেই জানি
নি—

কঙ্ক। ॥ পাপ ! মহাপাপ হয়েছে ! তা যখন পাপ করেইছ, তখন তার
দণ্ড নিয়ে যাও । তোমার এই ফুলগুলি ঐ আর সব পাপীদের
বিলিয়ে দি...উৎসবের এই যন্ত্রণাটুকু সহ করলে তবে শিরজ্ঞান
পাবে—

কঙ্কণ ॥ তাই হোক—তাই হোক—আমি ও তাই চাই কঙ্ক। !

কঙ্ক। ॥ [বামহস্তে কঙ্কণের শিরজ্ঞান লইল এবং দক্ষিণ হস্তে
পুষ্পডালা হইতে এক একটি ফুল লইয়া তাহা সোপানাবস্থিত সকলকে
একে একে বিতরণ করিয়া চলিল—সঙ্গে সঙ্গে গাহিতে লাগিল—

ফুল-বাড়ীতে ফুটল যে ফুল, খায় মধু তার ফুলটুকি,
ভোমর-বঁধু পালিয়ে গেছে, মধুহারার মুখ শুঁকি !

কারাপান্ন

সেই ফুলে আজ ভরলে ডালা
কেমন ক'রে গাঁথব মালা,
চোখের জলেই ভিজিয়ে তারে করবে মধুর বন্ধু কি ?
বুক-শুকানো ফুলের বাটায়
ছেয়ে দিলেম চোরা-কাঁটায়,
ধরায়-সে ফুল ছড়িয়ে দিতে হয়না আমার মন দুখী ।

যখন মন্দিরের ছুয়ারে গিয়া উঠিল, তখন গান শেষ হইল, ফুলও
শেষ হইল, রহিল শুধু একটি মালা—]

কঙ্ক। : ফুল শেষ, গান শেষ, এখন অবশিষ্ট এই মালা, এ মালা নেবে
কে ?

কঙ্কণ ॥ [বিষম আগ্রহে] ঐ মালার তলে রয়েছে পদ্মপত্র, তাতে
চন্দন-লেখা ; সেই চন্দন-লেখা তোমার ঐ প্রশ্নের উত্তর দেবে ।
পাঠ কর সেই চন্দন-লেখা...

কঙ্ক। ॥ তাই ত' ! কি যেন লেখা ! তুমি লিখেছ ?

কঙ্কণ ॥ ঐ চন্দন-লেখা আমার ভাগ্যা-লেখা । তুমি পাঠ কর...তুমি
পাঠ কর—

কঙ্ক। ॥ [পাঠ করিল] “ধর্ম সাক্ষী, আমার স্বামী—[শেষ কথাটি আর
পাঠ করিল না—]

কঙ্কণ ॥ ...থেমোনা...থেমোনা...আর আছে মাত্র একটি কথা, পাঠ কর—

সুকলে ॥ ধর্ম সাক্ষী, তোমার স্বামী ?

কঙ্ক। ॥ [পাঠ—] “—কঙ্কণ ।”

কঙ্কণ ॥ [সয়তানের মতো হাসিয়া উঠিল] হাঃ হাঃ হাঃ—

কঙ্কা ॥ [অবাক হইয়া] সে কি ?

কঙ্কণ ॥ তোমার নারায়ণের এই পুণ্য-পুত মন্দিরে, ধর্ম সাক্ষী করে
তুমি উচ্চারণ করেছ—আমি তোমার স্বামী !

কঙ্কা ॥ [একবার কঙ্কণের দিকে তীব্র কটাক্ষে তাকাইল। কিন্তু
তখনি সপ্রতিভ হইয়া পার্শ্বস্থ দেবদাসীর হস্তে রক্ষিত প্রদীপের
অগ্নিশিখায় কঙ্কণের শিরঙ্গাগ ধরিল—] ধর্ম সাক্ষী, নারায়ণ সাক্ষী
...সবার ওপর প্রত্যক্ষ এই অগ্নিদেব সাক্ষী, আমার স্বামী
পদচ্যুত...দাসত্ব মুক্ত—ঐ কঙ্কণ—[শিরঙ্গাগ ভস্মীভূত হইয়া
গেল !]

কঙ্কণ ॥ [পরমোল্লাসে] মুক্ত আমি ! মুক্ত আমি ! আমার নয়তান
প্রভু...আমার নয়তান মন, আমার দাসত্ববন্ধন...ধর্ম সাক্ষী...
নারায়ণ সাক্ষী...ঐ কল্যাণী অগ্নিশিখায় আজ ভস্ম হোল।
[ছুটিয়া কঙ্কার কাছে যাইতে যাইতে] ভগবন্ জাগৃহি—ভগবন্
জাগৃহি—[কঙ্কার সম্মুখে গিয়া] এইবার দাও তোমার মালা
[কঙ্কা কঙ্কণের গলায় মালা দিল। দেবদাসীগণ হৃলুধ্বনি
করিল। মন্দিরে শাঁখ বাজিয়া উঠিল। বসুদেব ও দেবকী
মন্দির দ্বারে আসিয়া দাঁড়াইলেন।]

বসুদেব ॥ ঘরের ছেলে আজ ঘরে ফিরে এলো। তোমাদের এই নবজীবনে
...আশীর্বাদ করি—

“গম্যতামর্থলাভায় ক্ষেমায় বিজয়ায় চ।

শক্রপক্ষ বিনাশায় পুনরাগমনায় চ।”

[মন্দিরাভ্যন্তরে সকলের প্রস্থান। সর্বশেষে ছিলেন দেবকী ও
বসুদেব। এমন সময় বিদূরথের প্রবেশ]

কংসপার

বিদূরথ ॥—বসুদেব—

[বসুদেব ও দেবকী দাঁড়াইলেন ।]

বিদূরথ ॥ রাজাজ্ঞা অবহিত হও—

বসুদেব ॥ কার আজ্ঞা ?

বিদূরথ ॥ ভোজ-সত্রাট মহামহিম কংসের আজ্ঞা—

দেবকী ॥ সে কি ? পিতৃব্য উগ্রসেন এখনো জীবিত—

বিদূরথ ॥ হাঁ, জীবিত, কিন্তু সিংহাসনচ্যুত । তাঁর সুষোণ্য পুত্র মহামহিম
কংস এই সত্ত্ব রাজ্যভার গ্রহণ করেছেন ।

দেবকী ॥ কিন্তু কোন অধিকারে ?

বসুদেব ॥ সে আলোচনা আমাদের নিপ্রয়োজন দেবকী । বিদূরথ,
তোমার রাজাজ্ঞা ঘোষণা কর—

বিদূরথ ॥ আজ হতে এ মন্দিরে নারায়ণ পূজা নিষেধ । এ রাজ্যে পূজা
পাবার অধিকার একমাত্র রাজ্যার । এখন হতে প্রতি প্রজাকে
ঘরে ঘরে কংস মহারাজ্যার মূর্তি বা প্রতিকৃতি রক্ষা কর্তে হবে,
এবং নিয়মিত ভাবে প্রতি প্রভাতে এবং প্রতি সন্ধ্যায় ধূপ দীপ
আরতি সহকারে পূজা কর্তে হবে ।

দেবকী ও বসুদেব ॥ [এক সঙ্গে] বটে !

বিদূরথ ॥ হাঁ—, এবং আজই এই বিধান এই মন্দিরে অবিলম্বে
প্রতিপালিত হয় আমি তার ব্যবস্থা করব—আমার প্রতি এইরূপ
আদেশ ।

বসুদেব ॥ আমার দেবতা নারায়ণ । আমি অণু দেবতা মানি না ।

বিদূরথ ॥ রাজা প্রত্যক্ষ দেবতা ।

বসুদেব ॥ তর্ক নিপ্রয়োজন ।

বিদূরথ ॥ বসুদেব, আমিও যাদব, বন্ধু ভাবেই বলছি। আমাদের জাতীয় দেবতা মুক..., চোখে মূর্তিযাত্র। তাকে কেউ দেখেনি। তার পূজায় লাভ কি? বরং—

বসুদেব ॥ দূর হও যাদবধম—

বিদূরথ ॥ বটে? এতকাল তোমাকে শাসন করা হয়নি বলে...স্পর্ধা হয়েছে তোমার গগনস্পর্শী! জানো, যে তোমাকে এতকাল প্রশ্রয় দিয়ে এসেছে, সেই অকর্মণ্য বৃদ্ধ উগ্রসেনই আজ লৌহ-শৃঙ্খলে শৃঙ্খলিত? জানো, আমার ওপর আদেশ আছে তোমার চোখের ওপর তোমার ঐ শালগ্রাম শিলা ধ্বংস করে ওখানে আমার মহিমময় প্রভুর রাজ-প্রতিকৃতি প্রতিষ্ঠা কর্তে? এবং আমি তা করব—এখনি—এই মুহূর্তে—!

বসুদেব ॥ মাধ্য থাকে, কর —

বিদূরথ ॥—বুঝেছি। তুমি বাধা দিতে বন্ধ পরিকর। তোমার এই মন্দিরে আমি এখনি জয়ধ্বনি হতে শুনেছি। বুঝেছি, তুমি আজ জনবল ও অস্ত্র বলে বলী। উত্তম, আমিও উপযুক্ত ভাবে সজ্জিত এবং প্রস্তুত হয়ে আসি।— [প্রস্থান।]

[মন্দিরাভ্যন্তর হঠাতে পূজার্থী যুগলগণ মশস্ত হইয়া উপস্থিত।]

১ম পূজার্থী ॥ ওরা পশুবলে আমাদের আক্রমণ করবে। ধর্মরক্ষার জন্য আমরা প্রাণ দেব, কিন্তু ওদের শির নিয়ে তবে শির দেব—

বসুদেব ॥ বলে, আমার দেবতা মৌন...মুক...শুধু একখণ্ড শিলাস্বপ!...
জাগো ভগবান্... তুমি আজ জাগো!

কাব্যগার

সকলে ॥ ভগবন্ জাগৃহি !

ভগবন্ জাগৃহি !

ভগবন্ জাগৃহি !

দেবকী ॥ আমি মা ।...নির্জিত সন্তানকে জাগ্রত কর্তে মা যেমন জানে,

আর কেউ জানে না । * * * * *

* * * * *

* * * * *যাদবগণ, আমার

আদেশ প্রতিপালন কর ।...ঐ শালগ্রামশিলা-পদতলে সকলে

সকল অঙ্গ পরিত্যাগ কর...[সকলে মঙ্গলমুখের মতো আদেশ পালন

করিল ।] এইবার নতজানু হয়ে সকলে ঐ ঘুমন্ত দেবতার উদ্দেশে

নিবেদন কর...হে দেবতা, আমাদের অঙ্গ আজ তোমার হাতে ।

আমরা নিরঙ্গ...সশঙ্গ সয়তান নিরঙ্গ আমাদের ওপর অত্যাচার

কছে...এইবার তুমি রুদ্ররূপে জেগে ওঠ—[তথাকরণ ।]

* * * * *

[সসৈন্ত বিদূরথের প্রবেশ ।]

বিদূরথ ॥—এইবার..., একি ! তোমরা এখনো প্রস্তুত নও !

ধর অঙ্গ । যুদ্ধ কর । মূর্খ যাদব...ঐ শিলাখণ্ডের জন্ত এইবার

প্রাণ দাও—

বসুদেব ॥ [সম্মুখে আসিয়া প্রসারিত বক্ষে দাঁড়াইয়া] আমরা অঙ্গ

ত্যাগ করেছি । বধ কর—

বিদূরথ ॥ অঙ্গ ধর...নিরঙ্গের অঙ্গে অঙ্গাঘাত কর্তে এখনো অভ্যস্ত

হই নি, ধর অঙ্গ—

বসুদেব ॥ হাঃ হাঃ হাঃ—অঙ্গ ধরব না, আর অঙ্গ ধরব না । আমাদের

কারাগার

অঙ্গ আমাদের দেবতার হাতে তুলে দিয়েছি। চোখের সম্মুখে
ভেসে উঠছে...শঙ্খ-চক্র-গদা-পদ্মধারী দৈত্য-নিস্কদন মধুসূদনের
বরাভয় মূর্তি...নিরঞ্জের উপর সশঙ্কের অত্যাচারে ঐ পাষাণেই
তার প্রাণপ্রতিষ্ঠা হয়েছে। হাসিমুখে, আনন্দে, উল্লাসে তোমার
অঙ্গাঘাত সহ কর্ব...কর আঘাত—

বিদূরথ ॥—হাঁ, কর্ব...

[কিন্তু তাহার চোখের সম্মুখে যেন শঙ্খ-চক্র-গদা-পদ্মধারী বিষ্ণুমূর্তি
ভাসিয়া উঠিল। অঙ্গাঘাতে উদ্ভত হইয়াই কি এক দুর্বলতার তাহার
হাত কাঁপিয়া উঠিল...] না—না— [হাত হইতে অসি পড়িয়া গেল]
বসুদেব। হাঃ হাঃ হাঃ!

द्वितीय अंक

—এক—

নৃত্যশালা

[“সারি সারি পিতলের দীপবৃক্ষ, তার ডালে ডালে অত্রের আবরণে ঢাকা
 দীপ জ্বলছে। দেওয়ালের মাথার কাছে চারিদিকে মৃগালবাহী
 মরালশ্রেণী ঝাঁকা রয়েছে, তার নীচে কিন্নর দম্পতী বীণা
 বাজাতে বাজাতে যেন শূণ্যমার্গে চলেছে। তার নীচে
 তরঙ্গ লেখা। রাগরাগিনীর মূর্তি। এক পাশে একটা
 কাঞ্চন-দণ্ডে একটা মণিময় ময়ূর। চীনাংশুকে
 ঢাকা আসন্ধিকা নামক আসন। পাশে আরো
 সব আসন। পিছনে চামরধারিণী ও
 পানের বাটা নিয়ে করঙ্কবাহিনী।
 মৃদঙ্গ, বেণু, বীণা প্রভৃতি যন্ত্র
 ইতস্ততঃ ছড়ানো রয়েছে।
 দ্বারে দ্বারে যবনী
 প্রহরিনী ।”]

* * *

নর্তকীগণ নৃত্যগীত করিতেছিল...

রূপ সায়রের সোনার কমল, আমরা আনি পরাগ তার,
 ফুলের গলায় দি পরিয়ে ভোমর-বঁধুর গানের হার !

কারাগার

বৌ কথা কও ডাকলে পাখী,
আমরা যে তার কাছেই থাকি,
চখা-চখীর অশ্রু মুছাই ভুলিয়ে রাতের অন্ধকার ।
আমোদ ক'রে কামোদ গেয়ে
ধরার ধূলায় স্বপন ছেয়ে,
গুন্‌চি মোরা সুখের লহর, বইচে জীবন পারাবার ।

[গীত শেষে নৃত্যশালায় সম্রাট কংসের শুভাগমন হইল । তাহার পশ্চাতে সুরার সরঞ্জাম লইয়া সুরা-বাহিনী “মদিরা” । তৎপশ্চাৎ নরক, তৎপশ্চাৎ নতশিরে স্নানমুখে বিদূরথ । কংস প্রবেশ করা মাত্র নর্ত্তকীগণ যে বেখানে ছিল সেইখানেই লুটাইয়া পড়িয়া তাহাকে প্রণাম করিল]

কংস ॥ তোদের এ প্রণাম কে পেল ?

[নর্ত্তকীগণ একে একে উঠিয়া তাহার উত্তর দিতে লাগল ।]

প্রথম ॥ শ্রীমান—

কংস ॥ শ্রীমান ।

দ্বিতীয় ॥ ধীমান—

কংস ॥ ধীমান !

তৃতীয় ॥ মহীমান—

কংস ॥ বটে !

চতুর্থ ॥ গরীয়ান—

কংস ॥ বাঃ

পঞ্চমী ॥ কীৰ্ত্তিমান—

কংস ॥ হাঁ ?

ষষ্ঠী ॥ শৌর্য্যবান—

কংস ॥ [সকৌতুকে শৌর্য্যবানের ভঙ্গী]

সপ্তমী ॥ বীর্য্যবান—

কংস ॥—নিশ্চয়—[বীর্য্যবানের ভঙ্গী]

...[বাকী যাহারা ছিল তাহারা আর ভাষা খুঁজিয়া পাইল না, এ ওর মুখ চাওয়া-চাওয়ি করিতে লাগিল, বিপদেই পড়িল ।]

কংস ॥ তারপর—তারপর [যেন তাহাদের বিপদযুক্ত করিতেই ভাষা যোগাইয়া দিল । সকৌতুকে—]—সয়তান ! [প্রাণ খুলিয়া হাসিতে লাগিল, হঠাৎ নরক ও বিদূরথের প্রতি] ভগবানও হতে পার্ভাম, কিন্তু, [মদিরার হাত হইতে পানপাত্র লইয়া ঢক্ঢক্ করিয়া খানিকটা মদ্যপান করিয়া]...কিন্তু ভগবান কি মদ খান ?

নরক ॥ [মাথা চুলকাইতে চুলকাইতে] ভগবান মদ খান কিনা... কোনো শাস্ত্রে...দেখেছি বলে, [হঠাৎ] ওহে বিদূরথ তোমার তো তোমাদের ধর্ম্মশাস্ত্রগুলি বেশ পড়া আছে, তুমি কি বল ?

বিদূরথ ॥ আমাদের পুরাণে আছে, দেবতারা অমৃত পান করেন । আমাদের শাস্ত্রে মদ্যপান মহাপাপ ।

কংস ॥ দেবতাদের কখনো চোখেই দেখতে পেলাম না । একবার পেলে না হয় তাঁদের সেই পুণ্যবান-পানীয় অমৃত সেবনের ব্যবস্থা করা যেত । কিন্তু, হে নরক, মদ্যপানরূপ পাপে তোমার কিরূপ রূচি ? [পানপাত্র তাহার সম্মুখে ধরিল ।]

নরক ॥ [নতজানু হইয়া সশ্রদ্ধভাবে তাহা গ্রহণ করিয়া]...যে রূপ সম্রাটের অমৃতগ্রহ !

কারাপার

কংস ॥ হাঁ বিদূরথ, সে মহাপাপের শাস্তি ?

বিদূরথ ॥ মৃত্যুরপর অনন্ত নরক বাস ।

কংস ॥ নরক বাস ! হোঃ হোঃ হোঃ [প্রাণ খুলিয়া হাশু] তাই বুঝি
তুমি মদ খাও না ?

বিদূরথ ॥ [মাথা নীচু করিয়া রহিল ।]

নরক ॥ [মদ্যপান শেষ করিয়া কংসের প্রশ্নের উত্তর সে-ই দিল ।]
হাঁ সত্রাট !

কংস ॥ [নরকের দিকে দৃষ্টি পড়িল, দেখিল নরক মদ্যপান মদ্য শেষ
করিল] তোমার অনন্ত নরকবাস নরক ! [বলিয়াই নিজেও
মদ্যপান করিল ।]

নরক ॥ নামেই তা স্প্রকাশ সত্রাট !

কংস ॥ বেশ ! বেশ ! [নর্তকীদের প্রতি চাহিয়া]...তোদেরো...
চলে তো ? [নর্তকীগণ সলজ্জ মৃদুহাস্তে মাথা নীচু করিল ।]
বাকী শুধু বিদূরথ ।...[সাহসা গস্তীরভাবে] বিদূরথ !—

বিদূরথ ॥ প্রভু !

কংস ॥ হঠাৎ একটা কথা মনে পড়ল !

বিদূরথ ॥ কি প্রভু ?

কংস ॥ তোমার নামে একটা গুরুতর অভিযোগ শুনলুম—

বিদূরথ ॥ [বজ্রপতনে চমকিতের গায় ।] আমার নামে অভিযোগ ?

কংস ॥ হাঁ, তোমার নামে ! শুনে এত দুঃখিত হয়েছি যে কাল রাতে
ভালো ঘুমুতেই পারি নি বিদূরথ !

বিদূরথ ॥ প্রভু, আপনার সেবায় দেহ-মন-বুদ্ধি-বিবেক সমস্ত নিয়োগ
করেছি, তবু আমার বিরুদ্ধে অভিযোগ ?

কংস ॥ তাই আমি আরো বেশী বিস্মিত হয়েছি...যখন শুনলাম কাল নারায়ণ মন্দিরে বসুদেবকে অঙ্গাঘাত কালে তোমার হাত কেঁপেছিল ! [বিদূরথের প্রতি তীব্র তীক্ষ্ণ দৃষ্টি নিষ্ফেপ ।]

বিদূরথ ॥ [ক্ষণকাল নীরব থাকিয়া কম্পমান কণ্ঠে]...কেঁপেছিল ।

কংস ॥ শালগ্রাম শিলাও চূর্ণ হয় নি— ?

বিদূরথ ॥ [নীরবে তাহার দোষ স্বীকার করিল ।]

কংস ॥ হাত একটু কাঁপা অস্বাভাবিক নয়, যখন বসুদেব তোমার জ্ঞাতি-ভাই, এবং কতদিন ঐ হাতেই সেই শালগ্রামশিলায়ও তিল-তুলসী দিয়েছ তো ।...কিন্তু, তবু—

বিদূরথ ॥ [কংসের দুর্নিবার ইচ্ছাশক্তি দ্বারা পরিচালিত হইয়া] হাত কাঁপা উচিত নয়, যখন আমি প্রভুর দাস, এবং শালগ্রামশিলা, যে ভাবেই হোক ধ্বংস করা প্রভুর আদেশ—

কংস ॥ [সহজ ভাবে] এই অচলা প্রভুভক্তি তোমাদের আছে বলেই আমি আমার স্ববংশ জ্ঞাতিদের চাইতেও রাজ্য শাসন-সংরক্ষণ বিষয়ে তোমাদের উপরই বেশী নির্ভর করি—। আমার স্ববংশ জ্ঞাতিদের মধ্যে এই নির্ধিকার প্রভুভক্তির অভাব আছে, কি বল নরক—?

নরক ॥ সে কথা আর বলতে ! যত্নবংশের মধ্যে যারা প্রভুর দাসত্ব-গৌরব বরণ করেছে, তাদের প্রধান গুণই এই যে, তারা যেন প্রভুর পায়ের পাছকা, পায়ের দেওয়াও চলে, আবার পা থেকে খুলে নিয়ে বিদ্রোহী অবাধ্য যাদবগণের পিঠে মারাও চলে... সর্ব অবস্থাতেই সমান নির্ধিকার !

কংস ॥ ওরা যে আমার পায়ের পাছকা, এ কথা কুলোকে বলে ।

কান্নাপান

আমি বলি, ওরাই আমার মাথার মণি। আমার জন্ম ওরা ধর্ম
ছেড়েছে—

নরক ॥ না সত্রাট, ঐখানে এখনো একটু “কিন্তু” আছে। ধর্ম ছেড়েছে
বটে, কিন্তু একেবারে ছাড়েনি। হাত একটু কঁপেছিল—

কংস ॥ [সপদদাপে] কঁপে নি। কঁপলেও সে মুহূর্তের দুর্বলতা
মাত্র।...বিশ্বাস কছ'না?...দেখবে?...সুরাপান মহাপাপ। কিন্তু
আমি যদি বলি, বিদূরথ, সুরাপান কর [পানপাত্র বিদূরথের
দিকে প্রসারণ] দেখ দেখি, ওর হাত কঁপে কিনা—.....
দেখ—দেখ—[বিদূরথের সে মহাপরীক্ষা। আজন্ম সে সুরাপান
করে নাই, কিন্তু আজ তাহার প্রভুভক্তির পরীক্ষা। পরীক্ষায়
সে জয়ী হওয়াই ঠিক করিল। সে সুরাপান করিল]...
[বিদূরথের প্রতি কংসের তীব্র তীক্ষ্ণ দৃষ্টি ক্রমে সশ্মিত দৃষ্টিতে
পরিণত হইল...বিদূরথকে সকৌতুকে বলিল]...মৃত্যুর পর অনন্ত
নরক বাস—[বিদূরথ চমকাইয়া উঠিল। কংস তাহার পিঠ
চাপড়াইয়া কহিল] ভয় কি? আমি মদ খাই, ম'রে নরকে
যাবো। একা? [নরকের দিকে তাকাইল।]

নরক ॥ [সেই মুহূর্তে তাহার আর একপাত্র পান শেষ হইয়াছে]
আমি তো পা বাড়িয়েই আছি সত্রাট! চলুন—

কংস ॥ দাঁড়াও। আর কে যাবে? আমার বংশের সবাই খায়, না?
তাহলে তারা যাবে। সৈন্য সামন্ত সভাসদ...

নরক ॥ তারাও—তারাও—

কংস ॥ বাস। তারাও যাবে। বাকী রইল...[নর্তকীদের প্রতি
দৃষ্টি নিক্ষেপ করিয়া পরে নরকের দিকে চাহিল]

নরক ॥ সত্ৰাট ! আমাদের চলে গেলাসে গেলাসে, ওদের চলে কলসে—
কলসে !

কংস ॥ [মহোল্লাসে] ওরে, তবে তোরাও—তোরাও ।...বিদূরথ,
তবে আর হুঃখ কি? আমি যাব, তুমি যাবে, নরক যাবে, সৈন্ত
সামন্ত মন্ত্রী সভাসদ সব যাবে—নর্তকীরাও যাবে ! আমরাই
নরক গুলজার কর্ব...হো—হো—হো...যাক্, নরকের হুঃখ
ঘুচ্, —ঘুচ্ কিনা বিদূরথ ?

বিদূরথ ॥ [নীরব রহিল ।]

কংস ॥ বিদূরথ শালগ্রামশিলা চূর্ণ কর্তে পারে নি বলে আমার নিকট
লজ্জিত হয়ে আছে ।...একবার না হয় নাই পেয়েছ, কিন্তু
এবার—

বিদূরথ ॥ —অবশ্য । [অভিবাদন করিয়া প্রশ্নান ।]

কংস ॥ যাক্, নিশ্চিন্ত ।...[যবনী প্রহরিনীকে ইঙ্গিত]—সেই যাদব-
তরুণী । [প্রহরিনী অভিবাদন করিয়া চলিয়া গেল] । “নর্তকী-
দের প্রতি] ওরে, তবে তাই তো ঠিক ? তোরা কেউ স্বর্গে
যাবি নে ত ? [নর্তকীগণ হাসিয়া নৃত্যগীত শুরু করিল ।
“মদিরা” কংসকে মত্ত দিতে লাগিল ।]

নৃত্যগীত ।

কেউ যাবনা স্বর্গে, রাজা !

নরক-ভরা হাজার মজা, স্বর্গে যাওয়া বেজায় মাজা ।

ব্রহ্মা আছেন বিষ্ণু আছেন—আত্মিকালের বৃদ্ধ !

নারদ মুনির পঙ্ক দাড়ী চক্ষু করে দিখ,

কান্নাপার

ভূঁড়ির ওপর ভস্ম মেখে মহাদেব ঐ টানচে গাঁজা !
বৃদ্ধদের ঐ স্বর্গ ভুলে খোল্ বারুণীর উৎস আজ,
ঢাল্ বারুণী শুকনো বুক, ভোল্ ধরণীর কুৎসা আজ !
নরক থেকে ডাকুচে মোদের সখা-সখীর দৃষ্টি,
সবাই মিলে হবে সেথায় নতুন স্মৃথের সৃষ্টি !
মুখ ফুটে আর বলব কি যে, মনেই আছে করব যা' যা' !

[নৃত্যগীত শেষে যবনী প্রহরিনী সহ চন্দনার প্রবেশ ।]

কংস ॥ [চন্দনাকে] তোমার ভয় ভাঙল চন্দনা— ?

চন্দনা ॥ কিসের ভয় ?

কংস ॥ আমার ! শুনেছ আমি সয়তান, আমি দানব, আমি রাক্ষস...
আরো কত কি ! এও হয়ত শুনেছ...আমি বৃদ্ধ পিতাকে
বন্দী করে সিংহাসনে আরোহণ করেছি, আমি মাতার বুক থেকে
সন্তান ছিনিয়ে নিয়ে পাথরের ওপর আছড়ে মেরেছি, আমি
মানুষের তাজা রক্ত পান করি, আমি মদ পান করি...আমি কি
না করতে পারি——ঠা, তোমাকেই বা আমি কি না করতে
পারতাম !

চন্দনা ॥ স্বীকার কর্তে কুণ্ডা বোধ হচ্ছে না, আমি বিস্মিতই হয়েছি—,

কংস ॥ কেন ?

চন্দনা ॥ এ প্রাসাদে আমার ওপর এতটুকু অত্যাচার হ'ল না ।

কংস ॥ কিন্তু অত্যাচার যে হবে না, তা কি করে জানলে ?

চন্দনা ॥ না তা জানি না । হয় ত হবে । কিন্তু এতক্ষণও যে হয় নি
কেন, তাই ভেবে আশ্চর্য্য হচ্ছি ।

কংস ॥ হয় তো তোমাকে আমার ভালো লেগেছে !

চন্দনা ॥ যদি তা সত্য হয়, তাহলে যে অত্যাচার এতক্ষণ হয় নি...

এখন সেই অত্যাচার শুরু হ'ল—

কংস ॥ ...তা হ'লে তোমারও কথায় এই বুঝছি...তোমাকে

আমার ভালো লাগলেও আমাকে তোমার ভালো লাগে নি ।

তাই...যদি আমি তোমায় চাই, তোমার কাছে সেটা অত্যাচার

বলেই মনে হবে । তুমি তা অত্যাচারই মনে করবে—

চন্দনা ॥ —সত্য ।

কংস ॥ আমার কিছুই কি তোমার ভালো লাগল না ? এই সম্পদ,

এই বিভব, এই ঐশ্বর্য...এই মণিময় রাজপ্রাসাদ...ঐ অগণিত

দাসদাসী...

চন্দনা ॥ আমি ঘণা করি—

কংস ॥ এখন তোমার অভিপ্রায় ?

চন্দনা ॥ তোমার কি অভিপ্রায় ?

কংস ॥ আমার কোন অভিপ্রায় নাই । তোমার কি ইচ্ছা, স্বেচ্ছায়

বল—

চন্দনা ॥ আমি আমার পল্লী কুটীরে ফিরে যাব—

কংস ॥ [নরকের প্রতি] রথ সজ্জিত করে দাও—

[নরকের প্রস্থান ।]

চন্দনা ॥ [বিস্মিত ভাবে] তার অর্থ ?

কংস ॥ অর্থ অতি সহজ । রথারোহণে তুমি তোমার গৃহে ফিরে যাবে—

চন্দনা ॥ তবে আমাকে বলপূর্বক ধরে এনেছিলে কেন ?

কংস ॥ আমি আনি নি । এনেছিল আমার অমুচরগণ । ভেবেছিলাম,

করাগার

তাদের দণ্ড দেব । কিন্তু তোমায় দেখে তাদের দিয়েছি পুবঙ্কার ।
আমার প্রাসাদে সব আছে, সব ছিল... শুধু নাই এই উত্তপ্ত
ললাটের অগ্নিদাহ দূর করতে পারে এমন একখানি প্রিয় হাতের
চন্দন পরশ !

[নরকের প্রবেশ ।]

নরক ॥ রথ প্রস্তুত ।

কংস ॥ কেন ?

নরক ॥ [বিস্মিত হইল... চন্দনাকে দেখাইয়া] উনি যাবেন—

কংস ॥ [মরিয়া হইয়া—তথাপি আবেগ যথাসম্ভব দমন করিয়া]

তুমি যাবে ?

চন্দনা ॥ [মুহূর্ত্ত-কাল ভাবিয়া] —যাব ।

কংস ॥ এস—

[চন্দনা একবার কংসের দিকে তাকাইল, কিন্তু চলিয়া গেল ।
নরকের ইন্দ্ৰিতে এক যবনী প্রহরিনী তাহার পথ প্রদর্শিকা হইল ।]

নরক ॥ সন্ন্যাস, এর অর্থ ?

কংস ॥ যে স্বেচ্ছায় আসে, ~~সে~~ ভালোবেসে আসে, কিন্তু যে তা আসে
না, তাকে আমি ধরে রাখিনে ! কিন্তু এ কথাও সত্য নরক,
জীবনে এই প্রথম দেখলাম যে তৃষ্ণার্ত্তকে দেখে নদী শুকিয়ে
যায়, পিপাসায় যখন ছাতি ফেটে যায়, তখন সন্মুখের জল বাষ্প
রূয়ে উড়ে যায়—এই উত্তপ্ত ললাট যখন নিদারুণ জ্বালায় চন্দন
পরশ চায়...তখন...তখন ঐ চন্দনা—[বোধ হয় কাঁদিয়াই
ফেলিল !...]

—তুই—

পল্লী পথ ।

যাদবগণ ।

১ম যাদব ॥ মুৰ্খতা—মুৰ্খতা—নিছক মুৰ্খতা—

২য় যাদব ॥ রাজদণ্ড হাতে পেয়ে যে ফিরিয়ে দেয়...আমি তাকে
মুৰ্খও বলি নে, সে রীতিমত উন্মাদ !

৩য় যাদব ॥ মুৰ্খ আমরা, যে, এই উন্মাদের কাছে আশ্রয় চাইতে
গিয়েছিলাম !

১ম যাদব ॥ আর ওর এখন ক্ষমতাই বা কি রইল !...যে ক'দিন উগ্রসেন
রাজা ছিলেন...সে ক'দিন রাজ-জামাতা বলে ওর একটু খাতির
ছিল । ...কিন্তু—

২য় যাদব ॥ এখন রাজা হচ্ছেন কংস...বংশদণ্ড নিয়ে বোনাইকে
শিক্ষা দেবেন—

৩য় যাদব ॥ খুব প্রাণ বাঁচিয়ে আসা গেছে যা হোক...আর একটু
থাকলেই—

১ম যাদব ॥ ঘরের ছেলেকে আর ঘরে ফিরে আসতে হ'ত না ।
এইবার ঘরে ফিরে...টু' শব্দটি আর করো না—

২য় যাদব ॥ যত মার ধরই হোক না কেন, শুধু হাসবে...বলবে...বেশ
সুখে আছি— !

৩য় যাদব ॥ গিয়েই কংস রাজার পূজা শুরু করে দেওয়া যাক...
রাখলেও তিনিই রাখবেন...মারলেও তিনিই মারবেন ।

১ম যাদব ॥ যা বলেছ ভাই । এইবার চল—

কারাগার

২য় যাদব ॥ [অদূরে চন্দনাকে দেখিয়া] ওহে—ওহে—দেখেছ ?

৩য় যাদব ॥ [দেখিয়া] চন্দনা !

১ম যাদব ॥ চন্দনা ?

২য় যাদব ॥ হাঁ, চন্দনা—।

৩য় যাদব ॥ ছাড়া পেয়েছে, এ দিকেই আসছে !

১ম যাদব ॥ রাত ভোর হয়েছে, ফুল বাসি হয়েছে, ছুঁড়ে ফেলে
দিরেছে—

২য় যাদব ॥ আঃ তবু তো ফুল !

৩য় যাদব ॥ ...যাক, এদিনে যদি আমাদের কপাল ফেরে !

১ম যাদব ॥ কিরূপ ?

২য় যাদব ॥ —ঘরে ফিরছে

৩য় যাদব ॥ —ঘরে আর ঠাই হবে না। বুঝলে ভাই ?... ঠাই হলে,
কে কোনদিন চিলের মত ছোঁ দিয়ে বিয়ে করে নিয়ে পালাবে—

১ম যাদব ॥ [সোৎসাহে] আমি বুঝছি—আমি বুঝছি। ঘরে
ঠাই না হলে, ও ফুলের মধু আমরা সবাই লুটতে পারব...

৩য় যাদব ॥ চুপ—চুপ—। শুধু শাস্ত্র আর সমাজ... এই দুটির দোহাই
দিয়ে কাজ হাসিল কর্তে হবে— এই যে, চন্দনা যে—

[চন্দনার প্রবেশ ।]

১ম যাদব ॥ কি গো, দৈহিক কুশল তো ?

২য় যাদব ॥ সঙ্গে দাসদাসী কই ?

৩য় যাদব ॥ [প্রথম ও দ্বিতীয় যাদবকে] ওহে, ভুলে যাচ্ছ, ছায়াস্পর্শও
গুরুপাতক... [তাহাদিগকে টানিয়া মরাইয়া আনিয়া]

শাস্ত্রে ওর প্রায়শ্চিত্ত ব্যবস্থা হচ্ছে চান্দ্রায়ণ...গোবর খেয়ে শুদ্ধ হতে হবে। পারবে ?

চন্দনা ॥ ...তার মানে আমি অস্পৃশ্যা ?

১ম যাদব ॥ ধর্ষিতা তো—!

২য় যাদব ॥ তা'হলেই পতিতা—

৩য় যাদব ॥ শাস্ত্রে পতিতা অস্পৃশ্যা।

চন্দনা ॥ [স্তম্ভিত হইল।] আমি পতিতা ! অস্পৃশ্যা !

১ম যাদব ॥ ধর্ষিতা কি না ? বল—

চন্দনা ॥ দানব-দস্যু তোমাদের চোখের সামনে আমাকে বলপূর্বক হরণ করে নিয়ে যায়। ...যদি তার নাম নারী ধর্ষণ হয়, আমি ধর্ষিতা নারী, কিন্তু...ধর্ম সাক্ষী, আমি ধর্ম হারাই নি—

২য় যাদব ॥ ঐ ধর্ষিতা হলেই পতিতা হতে হয়। ...কি করবে বল, সনাতন ধর্মের সনাতন ব্যবস্থা, না মেনে উপায় নেই !

৩য় যাদব ॥ কাজেই গৃহধর্মে আর তোমার অধিকার নাই। ...তোমাকে আমরা বড় স্নেহ করি চন্দনা, কিন্তু, সমাজের চাইতে তো আর কেউ বড় নয় !

১ম যাদব ॥ গেছে তো সবই, এখন ঐ সমাজটুকু নিয়েই বেঁচে আছি যে !

চন্দনা ॥ সমাজ ? সমাজ ? কেমন সেই সমাজ—যে সমাজ তার কুল-নারীকে রাক্ষসের গ্রাস হতে রক্ষা কর্তে একপদ অগ্রসর হয় না ? আজ সমাজের ধ্বজা ধারণ করে আমার পর্ণকুটীরে যাবার পথটুকু রুদ্ধ করছেন, কিন্তু কোথায় পালালেন তখন...যখন দানব-দস্যুর করাল-কবল হতে মুক্ত হবার জন্ত সর্বচেষ্টায় ব্যর্থ হয়ে অবশেষে

কান্নাপান

কাতর ক্রন্দনে আপনাদের সাহায্য ভিক্ষা চেয়ে চেয়ে আমার
কণ্ঠের শেষ শক্তিটুকু নিঃশেষ করেও হতাশ হলাম ?

১ম যাদব ॥ সমাজ তখন ঘুমিয়ে ছিল না । সমাজ তখন তোমার মনের
বল পরীক্ষা করছিল ।

২য় যাদব ॥ সমাজ দেখতে চেয়েছিল নারীমর্যাদা রক্ষার জন্ত তুমি বিষ-
পান কর কিনা—

৩য় যাদব ॥ কিম্বা উদ্বন্ধনে তনুত্যাগ কর কিনা—

চন্দনা ॥ রাক্ষসের গ্রাস হতে মুক্ত হবার জন্ত নারী আত্মহত্যা করে
কিনা, পুরুষ তাই দাঁড়িয়ে দেখবে...! তাহলে হে দণ্ডায়মান
পুরুষ, দণ্ড দাঁও ত্রিভুবন-বন্দিতা সীতা দেবীকে, কেন তিনি
রাবণ-কর-কবলিতা হয়ে আত্মহত্যা করেন নি, কেন তিনি এই
আশ...এই প্রার্থনা নিয়ে স্বর্ণলঙ্কার বেঁচেই ছিলেন, যে, একদিন
না একদিন সহায়হীন সম্পদহীন শ্রীরামচন্দ্রই হৃৎকৃতের বক্ষোরক্ত
পান করে অত্যাচারীকে সবংশে নিধন করে তার নারী মর্যাদা
সুপ্রতিষ্ঠিত করেন !

১ম যাদব ॥ সে রামও নেই !

২য় যাদব ॥ সে অযোধ্যাও নেই !

৩য় যাদব ॥ তে হি নো দিবসো গতাঃ ।

চন্দনা ॥ আপনারা আমার পথ ছাড়ুন—

১ম যাদব ॥ তুমি সমাজচ্যুতা—

২য় যাদব ॥ সমাজে তোমার স্থান নাই—

৩য় যাদব ॥ তুমি একঘরে ।

চন্দনা ॥ বটে ! উত্তম ! আপনারা আমার ছায়াম্পর্শ করেছেন বলে

কারাগার

প্রায়শ্চিত্ত কর্বেন বলছিলেন ।...আপনারা করুন না করুন, কিন্তু
আমি প্রায়শ্চিত্ত কর্ব—

১ম যাদব ॥ করাই উচিত—

চন্দনা ॥ হাঁ, প্রায়শ্চিত্ত কর্ব, ধর্মিতা হয়েছি বলে নয়, মনুষ্যত্বহীন
এই পঙ্কিল পক্ষু সমাজে জন্মগ্রহণ করেছি বলে ।...আমি চললাম...
বিষপান কর্তে নয়, কিম্বা উৎকর্ষনে তনুত্যাগ কর্তেও নয়, চললাম
সমাজেই আশ্রয় নিতে...তোমাদের এই অমানুষের সমাজে নয়...
মানুষের মতো মানুষের সমাজে—[প্রস্থান—]

২য় যাদব ॥ তবে ঐ নারায়ণ মন্দিরে—

৩য় যাদব ॥ কখনো নয় । দেখি কে ওকে আশ্রয় দেয়—

সকলে ॥ —পালাল...

ধর—ধর—

মার—মার—

[সকলে চন্দনার পশ্চাৎকাবন করিল ।]

—তিন—

নারায়ণ মন্দির ।

[উন্মুক্ত দ্বারপথে দেখা যাইতেছে পূজা-বেদীর উপর নারায়ণের
শঙ্খ-চক্র-গদা-পদ্মধারী চতুর্ভূজ মূর্তি । মন্দিরের পূজারী
পূজারিণীগণ সোপান শ্রেণীর উপর ছুই সারিতে
দাঁড়াইয়া আছে । মন্দির দ্বারে বসুদেব
ও দেবকী ।]

দেবকী ॥ যাদবগণ, দানবগণ আমাদের শালগ্রামশিলা চূর্ণ করেছে,

কারাগার

* * * * *
তাতে আমাদের এই লাভ হয়েছে যে পাষাণে আজ প্রাণ-প্রতিষ্ঠা
হয়েছে, আমাদের নিদ্রিত নারায়ণ জাগ্রত হয়েছেন !

বসুদেব ॥ ঐ তান শঙ্খ-চক্র-গদা-পদ্মধারী দৈত্য-নিসূদন বরাভয় মূর্তি !
যখন জগতে ধর্মের গ্লানি হয়, অধর্মের অভ্যুত্থান হয়, তখন
হৃদয়ের দমনের জন্তু সাধুদের পবিত্রাণের জন্তু যুগে যুগে ভগবান
ঈশ্বরগণ করেন। আজ জগতেব সেই হৃদয়। এই হৃদয়ে
সেই অনাগত দেবতাকে আবাহন কর, প্রার্থনা কর,—

“আবিণাবিমএধি !”

“অনাগত দেবতা, স্বাগতম !”

সকলে ॥ “অনাগত দেবতা স্বাগতম্ ।”

বসুদেব ॥ “অনাগত দেবতা স্বাগতম্ ।”

সকলে ॥ “অনাগত দেবতা স্বাগতম্ ।”

বসুদেব ॥ “অনাগত দেবতা স্বাগতম্ ।”

সকলে ॥ “অনাগত দেবতা স্বাগতম্ ।”

—সমবেত সঙ্গীত—

অ.তেন নারায়ণ ? কভু নয়, কভু নয় !

এস আজ মানব ! গেয়ে চল জয় জয় !

প্রলয়-পায়োধি জলে অনাগত দেবতা গো !

কোথ যাব ভেসে তুমি ? ধরার মাটিতে জাগো ।

শঙ্খের নাদে দাও পৃথিবীকে বরাভয় !

নৃত্যতি কাল নিশা—রাহু-ভীত সূর্য্য যে !
ধর্ম্মের হিয়া কাঁপে, বাজে পাপ-তূষা যে !
যাত্রীরা পথহারা বল আর কত সয় ?

মৃত্যুর ইঙ্গিতে, হত্যার সঙ্গীতে,
পাতকীর কোলাহলে সাধু গেছে কোন্ ভিতে !
মানবের নাটশালে দানবের অভিনয় !

যুগে যুগে তাই মোরা গাই তব আগমনী,
যুগে যুগে ধরা শোনে তোমারি চরণ-ধ্বনি,
যুগে যুগে আসিয়াছ, এস হে জ্যোতির্ম্ময় !

[গীতান্তে সকলের প্রশ্নান ;
গেল না শুধু কঙ্কা ও কঙ্কণ ।]

কঙ্কণ ॥ এইবার তবে বিদায় কঙ্কা !

কঙ্কা ॥ সত্যি তুমি মাকে এখানে আনবে ?

কঙ্কণ ॥ আনবো । পৈশাচিক দাসমনোভাবে অশুপ্রাণিত পিতা আমার
হতভাগিনী মাকে গৃহিণীর সম্মান থেকে বঞ্চিত করে ক্রীতদাসী
করে রেখেছেন । তুমি আমার মুক্তি অর্জন করেছ, এইবার
আমি তার মুক্তি অর্জন করব । পিতার অত্যাচার হতে মাতার
উদ্ধার এবং দানবীর মোহ হতে পিতার উদ্ধার বর্ত্তমানে আমার
একমাত্র কামনা, একমাত্র সাধনা ।

কঙ্কা ॥ তোমার সাধনা জয়যুক্ত হোক । মাকে ব'লো আমি তার পথ
চেরে আছি । আর শোনো, পূজার এই মঙ্গলঘটটি আমি

কান্নাপান

নিজ হাতে গড়েছি, নিজ হাতে রং করেছি । এইটি আমার মাকে
দিয়ে আমার প্রণাম দিয়ো—

কঙ্কণ ॥ —দাও । আমাদের অনাগত দেবতা যেদিন স্বাগত হবেন,
মা সেদিন এই মঙ্গল-ঘণ্টের মঙ্গলবারিতে তাঁর অভিষেক কর্বেন ।

...বিদায়—

কঙ্কা ॥ —বিদায়—

[উভয়ে আলিঙ্গনোত্তম হইল, কিন্তু কঙ্কণ কি ভাবিয়া তখন
প্রতিনিবৃত্ত হইল ।] —না, আজ নয় । পিতা আমার দাস, মাতা
আমার দাসী, আমি দাসীপুত্র... আজ আমাদের অশৌচ, আলিঙ্গন আজ
নয়, আলিঙ্গন সেইদিন যেদিন আমরা সবাই দাসত্ব-মুক্ত ।—[প্রস্থান ।]

[অল্প দিক দিয়া বসুদেব-দেবকীর শিশুপুত্র কীর্ত্তিমান কঙ্কার
তাম্বুলাধারটি হাতে লইয়া লাফাইতে লাফাইতে আসিল ।]

কীর্ত্তিমান ॥

“পানবুড়ী পানবুড়ী তোর পান খাই ।

টুকটুকে ঠোট হবে তাই তাই তাই ॥”

[হাত তালি দিয়া লাফাইয়া লাফাইয়া নাচিতে লাগিল ।]

কঙ্কা ॥ [দেখিল মহা সর্কনাশ] আরে দস্যু ছেলে...পূজার পান...

পূজার পান...নষ্ট করিস নি ভাই, নষ্ট করিস নি—

কীর্ত্তিমান ॥ আমার যে ক্ষিদে পেয়েছে ! [আবার লাফাইতে
লাফাইতে]

“পান খুলে এলাচ খাব, ধয়ের দেব ফেলে ।

লজ্জ খাবে কঙ্কা বুড়ী, চূণ মেখে গালে ॥”

কঙ্কা ॥ লক্ষী ভাই, তোর পায়ে পড়ি...ও ভাই পূজার পান, ও নিতে
নেই খেতে নেই—

কীৰ্ত্তিমান ॥ আমার ক্ষিদে পেয়েছে। কি খেতে দিবি ?

কঙ্কা ॥ মধু দেব—

কীৰ্ত্তিমান ॥ [কঙ্কাকে তাম্বুলাধারটি দিয়া] —দে—

কঙ্কা ॥ কিন্তু সে বড় মুস্থিলের কথা। মৌমাছির মৌচাকের
ত্রিসীমানায়ও মানুষকে যেতে দেয় না, মানুষ গেলেই হল ফুটিয়ে
দেয়—

কীৰ্ত্তিমান ॥ [ভ্যা করিয়া কাঁদিয়া দিল] আমি মধু খাব—অমি মধু
খাব—

কঙ্কা ॥ খাবে বই কি ! কিন্তু সেখানে মানুষের চেহারা নিয়ে গেলে
চলবে না। তোমাকে ভূত সেজে যেতে হবে—

কীৰ্ত্তিমান ॥ [কাঁদিতে কাঁদিতে] আমি ভূত সাজব—

কঙ্কা ॥ তবে চোখ বোঁজ। এইবার হাত তোল। না—না, হাত
নামাও। ছহাতে ছ কাণ ধ'রো—, জীব বের কর। পা ফাঁক
কর। হাঁ, এইবার কিছুতেই চেনা যাচ্ছে না যে এ আমাদের
কীৰ্ত্তিমান। হাঁ, এইবার ঠিক অমনি ভাবে পা ফাঁক করেই হাঁট !
...আমার পিছে পিছে এস— [বলাবাহুল্য কীৰ্ত্তিমান কঙ্কার সব
অনুশাসনগুলিই বিনা বাক্যব্যয়ে পালন করিয়া কঙ্কার পেছনে
পেছনে চলিল। কঙ্কা ঘুরিয়া ফিরিয়া একটি ছড়া গান গাহিতে
লাগিল এবং কীৰ্ত্তিমান তাহার অনুসরণ করিতে লাগিল।]

—কঙ্কার ছড়াগান—

আয় উড়ে আয় মৌমাছি বো

মৌচাকেতে ঝরছে যে মৌ

করাগার

ফুলপরীরা চুলদুলিয়ে
ধায় নেচে ঐ মন ভুলিয়ে
কমলা-ফুলি গন্ধ পেয়ে
ভোম্বরা কোথায় উঠবে গেয়ে
পারিজাতের পরাগ লুটে
প্রজাপতি পালায় ছুটে
সুখ-সায়রের তীরে তীরে
দুলছে কত মানিক-হীরে ।
ওপার থেকে আসছে বধু
খোকন খাবে ফুলের মধু

[বসুদেবের প্রবেশ ।]

বসুদেব ॥ এ আবার কি ?

কীর্তিমান ॥ [পিতার স্বর শুনিয়া চোখ মেলিল এবং কঁাদ কঁাদ স্বরে
ডাকিল] — বাবা !

বসুদেব ॥ কি বাবা— !

কীর্তিমান ॥ আমি ভূত— !

বসুদেব ॥ ভূত কি রে !

কীর্তিমান ॥ ভূত হয়ে মধু খেতে যাচ্ছি—

কঙ্কা ॥ আবার চোখ মেলেছ ? তাহলেই আর হোল না—

কীর্তিমান ॥ না—না, আমি চোখ বুঁজিছি ।

কঙ্কা ॥ জীব্ বের কর । হাঁ, এখন এস—

[কীর্তিমান কঙ্কার পেছনে পেছনে চলিল । হঠাৎ কঙ্কা কীর্তিমানকে

বুকে তুলিয়া নিয়া] মোমাছির। সব ভয়ে পালিয়েছে, এইবার তুমি তাদের মধু খাবে, আমি তোমার চুমু খাব... [চুম্বন করিয়া তাহাকে গইয়া প্রস্থান ।]

বসুদেব ॥ ও শুধু আমাদের চোখের মণি নয়, ওদের সবারি বুকের ধন !

[দেবকীর প্রবেশ !]

দেবকী ॥ কীর্ত্তিমান—

বসুদেব ॥ দেখলে না দেবকী, কীর্ত্তিমানের কীর্ত্তি ?

দেবকী ॥ আবার কি কীর্ত্তি ? মন্দিরও পাগল করে তোলে ।

কোথায় সে পাগল ?

বসুদেব ॥ ভূত সঙ্গে মোমাছি তাড়িয়ে কঙ্কার সঙ্গে মোমাছির মৌ খেতে গেল !

দেবকী ॥ কিন্তু সে যে আজ সারাদিন দুধ খায় নি । দুধ খাব বলে

কতবার আমার কাছে কেঁদে গিয়েছে, আমার অবসর হয় নি ।

বসুদেব ॥ কিন্তু আর যে হবে সে আশাও দেখছি নে !

দেবকী ॥ ছিঃ ও কি কথা প্রভু ?

বসুদেব ॥ হাঁ দেবকী, কংস খবর পাঠিয়েছে সে তার ভাগিনের দর্শন

মানসে এখন এখানে শুভাগমন করে !

দেবকী ॥ বটে ! ...সে তবে আজ নিজেই আসছে ! আশুক সে ।

শৈশবে এক সঙ্গে মানুষ হয়েছি, কৈশরে এক সঙ্গে কত মান

অভিমানের খেলা খেলেছি, যৌবনেই না হয় ভিন্ন সংসারে

এসেছি, আজ তার সঙ্গে সামনা-সামনি দাঁড়িয়ে বোঝা পড়া করব

কেমন করে সে এমন নির্ধুর হল !

বসুদেব ॥ সে বোঝাপড়ার অবসরটুকুও তোমার মিলবে না দেবকী ।

কান্নাপান

সে এসেই আমাদের বুকের ধন কীর্তিমানকে বুক থেকে ছিনিয়ে নিয়ে তাকে আমাদের চোখের সামনে হত্যা করবে...তুমি মুচ্ছিত হয়ে পড়বে...আমি হয়ত উন্মাদ হব...বোঝা-পড়া করবে কে !

দেবকী ॥ হত্যা করবে ! কেন ? কেন ?

বসুদেব ॥ —আমায় জিজ্ঞাসা করো না...আমায় জিজ্ঞাসা করো না...
এ প্রশ্নের উত্তর দিতে আমার কণ্ঠরোধ হয়ে আসে...নিঃশ্বাস বন্ধ হয়ে যায়—

দেবকী ॥ [চীৎকার করিয়া উঠিল—] কীর্তিমান! কীর্তিমান! সে যে আজ দুধটুকুও খেতে পায় নি! ...ওরে কঙ্কা...কোথায় আমার কীর্তিমান— ?

[সানুচর কংসের প্রবেশ ।]

কংস ॥ হাঁ, আমি তাকে দেখতে এলাম। পিতার মুখে শুনেছি সে নাকি ভারী সুন্দর হয়েছে দেখতে। চরমুখে শুনেছি সে নাকি ভারী দুষ্ট হয়েছে, আর লোকমুখে শুনেছি সে নাকি তোমাদের চোখের মণি, বুকের মণিক। এমন কীর্তিমান ভাগ্নে আর কদিন না দেখে থাকতে পারি! [দেবকীকে] কি বোন, আমায় চিনতে পারছ না? আমি তোমার বংশদুলাল কংস—

দেবকী ॥ [নীরব রহিলেন ।]

কংস ॥ অনেক কাল পরেই না হয় দেখা হল, তাই বলে বোন ভাইকে চিনবে না, [বসুদেবকে] একি কথা বল দেখি বোনাই মশাই ?

বসুদেব ॥ [নীরব রহিলেন ।]

কংস ॥ বাঃ এ তো বেশ দেখছি, কেউ কথা কয় না! [ঠিক সেই

কারাপান

মুহুর্তে কীর্তিমান কঙ্কার তাম্বুলাধারটি পুনরায় চুরি করিয়া সেখানে ছুটিয়া আসিল, এবং তাম্বুলাধারটি এক হাতে মাথার উপর তুলিয়া ধরিয়া চোরের মতো নেপথ্যে চাহিয়া দেখিতে লাগিল কঙ্কা আসিতেছে কি না—] এ খোকাটি কে ? ... দেখতে তো বেশ ! তবে রংটি একটু কালো, কিন্তু হাতের ঐ পানের ডিবাটি ভারী চমৎকার ! [কীর্তিমানের সম্মুখে গিয়া] একটি পান দাও না খোকা— ... [কীর্তিমান কংসকে দেখামাত্র ভয়ে বিস্ময়ে প্রকাণ্ড একটি 'হাঁ' করিল, কিন্তু তখনি সেই অবস্থাতে, এমন কি তাম্বুলাধারটি যে ভাবে মাথার ওপর তুলিয়া-ধরা ছিল, সেই অবস্থাতেই যেদিক হইতে আসিয়াছিল, সেই দিকে ছুটিয়া পালাইল—] এ খোকাও যে পালাল ! একটা মস্ত 'হাঁ' করল বটে, কিন্তু, এ ও কথাটি কইল না...ওটা বোধ হয় চোর, কারো পানের ডিবা চুরি করে পালিয়ে এসেছিল, আমাকে দেখেই আবার পালাল । ...বাঃ এ তো বড় মজাই দেখছি, কুটুম্ববাড়ী এসেছি, আমিই শুধু ব'কে যাচ্ছি, বোনও চূপ, বোনাই মশায়ও চূপ ! এখন আমার কীর্তিমান ভাগনেটি কোথায় ? সেটিও যদি বোবা হয় তবেই গেছি ! ...দেখা যাক ... [মন্দিরের দিকে অগ্রসর হইল ।—]

বসুদেব ॥ —দাঁড়াও—, কি চাও তুমি ?

কংস ॥ [ঘুরিয়া দাঁড়াইয়া] এঁ্যা, বোনাইমশায় তবে বোবা নন !

দেবকী ॥ পরিহাস রাখ কংস—

কংস ॥ এবং বোনটিও নয়— !

বসুদেব ॥ কি উদ্দেশ্যে তোমার আগমন ?

কান্নাপার

কংস ॥ এবং এখন শুধু কথাও নয়, জেরা চলছে ! তা এই এলাম...
কুটুম্ববাড়ী লোকে আসে কেন ?

বসুদেব ॥ তোমার উদ্দেশ্য আমাদের অবিদিত নয়। পিতাকে বন্দী
করে—

কংস ॥ [তৎক্ষণাৎ দেবকীকে] তুমি শোননি বোন ? পিতাকে
বিশ্রাম দিয়েছি। উপযুক্ত পুত্র বর্তমানে বৃদ্ধ পিতা খেঁটে খুটে
থাবেন সে কি কথা বল দেখি— ?

দেবকী ॥ স্তব্ধ হও সয়তান। বিজিত যত্নকুলের ওপর তোমার
ইচ্ছামত অত্যাচার নির্যাতন নিপীড়নের পথে তোমার পিতাই
ছিলেন একমাত্র অন্তরায়। তুমি তাকে কারারুদ্ধ করেই
যত্নকুলের শেষ সম্পদ এই নারায়ণ-মন্দির লুণ্ঠন করিয়েছ,
যত্নকুলের পরমারাধ্যতম দেবতা শালগ্রাম শিলা ধ্বংস
করিয়েছ—

কংস ॥ [অতি সহজ ভাবে] হ্যাঁ, করিয়েছি। বিদূরথ আমায় বললে
সম্রাট, আপনার ভগিনী শালগ্রাম শিলা পূজা করেন। জিজ্ঞাসা
করলাম শালগ্রাম শিলা, সে কি ? সে বলল এতটুকু একখানা
পাথর ! সভাশুদ্ধ লোকের মাঝে সে যে কি নিদারুণ লজ্জা
পেলাম— ...

নরক ॥ তা বলবার নয়। ...সম্রাট তখনই বিদূরথকে আদেশ দিলেন
সম্রাটের ভগিনী, ভাগ্যদোষে না হয় গরীবেরই ঘরনী, তাই বলে
সে যে এতটুকু একখান পাথর পূজা করবে সেটা ভাই বোন
হুজনারি কলঙ্কের কথা। সম্রাটের ভগিনী—হয় হিমালয়, না হয়

বিন্দ্য, না হয় নিদেন ঐ গোবর্দ্ধন-পাহাড় পূজা করবে...তা না হলে পূজা আদৌ করবেই না—

কংস ॥ অন্তায় বলেছি বোন ?

দেবকী ॥ বোনের ওপর তোমার অসীম অমুগ্রহ। এখন দয়া করে—

কংস ॥ দয়ার কথা কি বলছ ভগিনী ? মায়ার কথা বল। তুমিই না হয় মায়ার-মমতা ত্যাগ করেছ, কিন্তু, আমি তো পারলাম না। আমি ছুটে এলাম ভাগনেকে দেখতে !

বসুদেব ॥ তুমি তাকে হত্যা কর্তে এসেছ—

কংস ॥ ভগিনীকে যেদিন তোমার হাতে সম্প্রদান করি, সেদিন কিন্তু দৈববাণী শুনেছিলাম অগ্ররূপ। সে কথা, হাঁ, মনে পড়েছে। দৈববাণী হ'ল...কি দৈববাণী হ'ল নরক ?

নরক ॥ “ভগিনী-নন্দন হতে কংসের নিধন” !

কংস ॥ দৈববাণীর ছন্দটি বেশ।

“ভগিনী-নন্দন হতে কংসের নিধন !”

—কাণ জুড়িয়ে যায়...কাণে যেন মধু ঢেলে দেয়...

[বসুদেবকে] না ?

নরক ॥ দেবতাদের মধ্যে সব বড় বড় কবি রয়েছেন যে ! সেই যে ঢেঁকি বাহন না কি ওর নাম—

কংস ॥ —নারদ ।...হাঁ, নারদের মুখেও একথা শুনেছি, [বসুদেবকে]
আর তুমিও সে দৈববাণী ভোলনি নিশ্চয় ?

বসুদেব ॥ কেমন করে ভুলব ! ...যে মুহূর্তে দৈববাণী হ'ল সেই মুহূর্তেই, সেই বিবাহ-বাসরেই তুমি দেবকীর শিরচ্ছেদ কর্তে

কারাগার

উদ্ভূত হলে। আমি তখন তোমাকে নিবৃত্ত করলাম, দেবকীর অসাক্ষাতে, তোমাকে এক গোপন প্রতিশ্রুতি দিয়ে—

কংস ॥ মনে আছে ? হাঃ হাঃ হাঃ

দেবকী ॥ [বসুদেবের প্রতি বিষম ব্যাকুলতায়] কি সে প্রতিশ্রুতি ?
কি সে প্রতিশ্রুতি ?

বসুদেব ॥ হায় দেবকী, তখন জানতাম না যে পুত্র কি ! তখন জানতাম না যে পুত্র ইহলোকের আশা পরলোকের ভরসা ! তখন শুধু তোমার প্রেমমুগ্ধ মুখখানিই ছিল আমার স্বপ্ন, আমার ধ্যান, আমার কামনা, আমার প্রার্থনা—

দেবকী ॥ তুমি বল নাথ, কি সে প্রতিশ্রুতি ?

কংস ॥ সামান্য একটা কথা, বোনাইমশায় হয় তো ভুলেই গেছেন বোন—

দেবকী ॥ তুমি বল—তুমি বল নাথ,—তুমি বল—

বসুদেব ॥ হৃদয় দৃঢ় কর দেবকী—

দেবকী ॥ করেছি, তুমি বল—তুমি বল—

বসুদেব ॥ সে প্রতিশ্রুতি আজ পুনরুচ্চারণ করতে আমার কণ্ঠরোধ হয়ে আসে... নিঃশ্বাস বন্ধ হয়ে যায়...

কংস ॥ থাক—থাক—আমি বলি—

দেবকী ॥ [বসুদেবকে] তুমি বল—

বসুদেব ॥ ঐ দৈববাণী ব্যর্থ করবার জন্তু আমাকে প্রতিশ্রুতি দিতে হল তোমার সন্তান জন্মগ্রহণ করলেই ঐ কংসের হাতে সমর্পণ কর।

কংস ॥ [পৈশাচিক অট্টহাস্য]

হাঃ হাঃ হাঃ

দেবকী ॥ [সভয়ে চীৎকার করিয়া উঠিলেন]—কীৰ্ত্তিমান...

[যেদিকে কীৰ্ত্তিমান গিয়াছিল সেই দিকে ছুটিয়া প্রস্থান ।]

কংস ॥ [পুনরায় পৈশাচিক উল্লাস—] হাঃ হাঃ হাঃ [দেবকীর প্রতি হস্ত প্রসারণ করিয়া সকলের দৃষ্টি আকর্ষণ করিল, অণু দিক দিয়া ঠিক এই মুহূর্ত্তে কীৰ্ত্তিমান ছুটিয়া প্রবেশ করিল । ঠিক পূর্বের মতো সেই তাষুলাধারটি মাথার উপরই রহিয়াছে—]

কীৰ্ত্তিমান ॥ [বসুদেবের নিকট গিয়া] বাবা—বাবা— এইটে লুকিয়ে রাখ তো—

কংস ॥ হাঃ হাঃ হাঃ, তবে ঐ চোরই হল আমার ভাগ্নে ! ওহে নরক, দেখছ— ?

নরক ॥ সময় বুঝে, চোরের ওপর বাটপাড়ি স্ক্রু না করলে, পরে পাল্লা দিয়ে পারবেন না সম্রাট— !

বসুদেব ॥ [মরিয়া হইয়া, কীৰ্ত্তিমানকে কংসের সম্মুখে লইয়া যাইতে যাইতে] এই অবসরে...এই অবসরে হে দস্যু...হে ঘাতক, তুমি আমার পুত্র গ্রহণ কর...ঐ হতভাগিনীর চোখের সামনে তার হৃদয়হুলালকে হত্যা ক'র না—

কংস ॥ [কীৰ্ত্তিমানকে অবলীলাক্রমে এক হাতে শূণ্ণে তুলিয়া ধরিয়া বসুদেবের প্রতি] হত্যা ?...[নরকের প্রতি] চোরের কি শাস্তি নরক ?

নরক ॥ ঐ শিলাস্তম্ভে নিক্ষেপ এবং বধ । নইলে ঐ গুণধর ভাগ্নে আমার বাড়ীতে সিঁধ কেটে...বুঝতেই পাচ্ছেন—

কংস ॥ অতএব—[কীৰ্ত্তিমানকে ঝাঁকি দিল—]

নরক ॥ ওপাপ অঙ্কুরেই বিনাশ—

কায়াপার

কীৰ্ত্তিমান ॥ [ভয় পাইয়া আৰ্ত্তনাদ করিয়া উঠিল]—বাবা-গো !

বসুদেব ॥ ওবে—ওরে—[শুধু অক্ষুণ্ণ বিকুলি । কি করিবেন বুঝিয়া
উঠিতে পারিলেন না—]

[ছুটিয়া দেবকীর প্রবেশ ।]

দেবকী ॥ [কীৰ্ত্তিমানকে দেখিয়া] ঐ—আমার হৃদয়ছলান ঐ—! বুকে
আয় বাপ, বুকে আয়—[গ্রহণ করিবার জন্ত হাত বাড়াইলেন ।—]

কীৰ্ত্তিমান ॥ মাগো—মা—

কংস ॥ এ চোরের মনে এখনো ভয় আছে ! [হঠাৎ তাহাকে নামাইয়া
দেবকীর প্রসারিত ব্যগ্র বাহুতে ঠেলিয়া দিয়া] (অতএব
আপাততঃ আমার কোন ভয় নেই !)

কীৰ্ত্তিমান ॥ মা !

দেবকী ॥ বাবা !

নরক ॥ চোরের শাস্তিবিধান করে ও অমঙ্গল অক্ষুরেই বিনাশ করা
উচিত ছিল সখাট ।

কংস ॥ ওটা যে এখনো কাঁদে । তাও যদি বা তুচ্ছ কর্ত্তে পারতাম,
কিন্তু [দেবকীর প্রতি অক্ষুণ্ণ নির্দেশ করিয়া] ওকে...কোন-
দিনই পারি নি...আজও পারলাম না !

নরক ॥ হঁ ।

কংস ॥ [দেবকীকে] বেশ বোন্ বেশ ! ছেলে কোলে পেয়ে ভাইকে
যে একেবারে ভুলেই গেলে !...কিন্তু তাতো চলবে না...আমার
যে ক্ষিধে পেয়েছে...এসো নরক, দিদির ভাঁড়ার লুট করি—
[নরক ও বিদূরথসহ অন্তরে প্রস্থান ।]

দেবকী ॥ হরত আবার কোন নূতন মতলব...দেখি...[কীর্তিমানসহ
মন্দিরাভ্যন্তরে প্রস্থান ।]

* * [বসুদেবও মন্দিরে ঘাইবেন ভাবিতেছিলেন...এমন সময়
বাহিরে কোলাহল উঠিল...

“ধর—ধর—

“মার্ ..মার্—

বাধ-তাড়িতা হরিণীর মতো ছুটিয়া চন্দনার প্রবেশ । প্রবেশ-
মাত্র বাহিরের একটি লোষ্ট্রাঘাতে চন্দনা আহত হইয়া সোপানে
লুটাইয়া পড়িল—]

চন্দনা ॥ বাবা—[আর্জনাদ ।]

বসুদেব ॥ কি যা ! একি যা !

চন্দনা ॥ [বাহিরের দিকে হাত বাড়াইয়া দেখাইয়া] ওরা আমায় মেরে
ফেল্ল !

[ছুটিয়া যাদবগণের প্রবেশ ।]

যাদবগণ ॥ [বসুদেবের প্রতি]

খবরদার—ওকে ছুঁয়ো না—

বসুদেব ॥ কেন ? ও যে চন্দনা—

১ম যাদব ॥ হাঁ, পতিতা—)

২য় যাদব ॥ স্তম্ভকায় অস্পৃগ্যা—

বসুদেব ॥ কেন ? কেন ?

৩য় যাদব ॥ কংসের অনুচরেরা ওকে ধরে নিয়ে গিয়েছিল—ওর
জাতিনাশ হয়েছে—

বসুদেব ॥ হাঁ, তোমাদের সম্মুখেই ধরতে এসেছিল...তোমাদের সম্মুখ

কারণার

থেকেই ধরে নিয়ে গেল...তোমরা ভয়ে কেউ কথাটি কইলে না...

আজ জাতিনাশ হ'ল ওর !

১ম যাদব ॥ আজ হবে কেন, যে মুহূর্তে পরপুরুষ-স্পর্শদোষ হল সেই মুহূর্তেই নারী ধর্ষিতা হল—

বসুদেব ॥ তাহলে তোমরা ? ..তোমাদের তো শুধু স্পর্শদোষ হয় নি । তোমাদের পিঠে তারা পাতুকা প্রহার করেছে, সেই পাতুকাই আবার তখনি তাদের আদেশে তোমরা লেহন কর্তে বাধ্য হয়েছ । ধর্ষিত হও নি ?...স্বৈচ্ছাচারী অত্যাচারী দানব কি শুধু নারীকেই ধষন করছে ? তোমাদের কছে'না ? তোমাদেরই চোখের সামনে কি তোমাদের পূজাধর্ম্য বারিত হয় নি ? এই মন্দিরেই কি তোমাদের যুগযুগান্তের শালগ্রামশিলা চূর্ণীকৃত হয় নি ?...সেও যাক, কোথায় গেল তোমাদের গোলাভরা ধান...অঙ্গনভরা গরু ? ধর্ষিত হও নি ? অসুর যখন তোমার দুর্বলতার সুযোগ নিয়ে তোমারি চোখের সামনে তোমারি মা...তোমারি বোনকে ধষণ করে, সে কি শুধু নারী-ধর্ষণ ? পুরুষ কি তাতে ধর্ষিত নয় ?

২ম যাদব ॥ ও সব বুঝি নেন । আমরা কিছা'ই দুর্নীতির পেশয় দিতে পারি না—

২য় যাদব ॥ আমরা ওকে সমাজচ্যুত করেছি --

৩য় যাদব ॥ আমরা ওকে দেশছাড়া করি—

বসুদেব ॥ আমি বেঁচে থাকতে নয় । ধারণ যা আমার বুকে আয়...চল যা মন্দিরে...আমি পূজা করি...তুই আরাতি করি—

১ম যাদব ॥ ধবরদার—, ধর্ম্মের অবমাননা সহিব না...ও পতিতা—

বসুদেব ॥ আমরাও পতিত !

২য় যাদব ॥ কিন্তু আমাদের ঐ নারায়ণ...

বসুদেব ॥ তিনি পতিতেরই দেবতা...মুখ! তাই তাঁর নাম পতিত-
পাবন নারায়ণ—

৩য় যাদব ॥ ও সব বুঝি না। ধর্মের লাঞ্ছনা—

যাদবগণ ॥ [সমস্বরে] সেইব না—সেইব না—

মার—মার—

[বসুদেব চন্দনাকে লইয়া মন্দিরের সোপানপথে পা বাড়াইয়া-
ছিলেন এমন সময় যাদবগণ পুনরায় লোষ্ট্র নিক্ষেপোত্ত হইল।]

বসুদেব ॥ ভগবান! ভগবান! ওরা জানে না ওরা কি কছে! ক্ষমা
ক'রো...ক্ষমা ক'রো...আমাদের এই মোহাক্ত ভাইদের ক্ষমা
ক'রো—

[অদূরে কংস, বিদুরথ ও নরকের প্রবেশ।]

কংস ॥ বাঃ এ আবার কি খেলা হে নরক! দেখেছ? [সেই মুহূর্তেই
একটি লোষ্ট্রাঘাত হইল। তাহাতে চন্দনা পুনরায় আহত হইয়া
আর্তনাদ করিয়া সোপানপ্রান্তে লুটাইয়া পড়িল। তাহার কপাল
কাটিয়া দরদর ধারে রক্ত পড়িতে লাগিল।]

বসুদেব ॥ ও—হো—হো—[চন্দনাকে ধরিলেন।] চন্দনা—চন্দনা—

কংস ॥ [কংসকে দেখিয়াই যাদবগণ লোষ্ট্রাঘাতে নিবৃত্ত হইয়া ভয়ে
কাঁপিতেছিল—]...[যাদবদের প্রতি] এ কি খেলা খেলছ হে
তোমরা? চমৎকার খেলা! [নরককে] দেখ—দেখ—এ
খেলাতে ঐ মেয়েটির কপালে কেমন শোভা হয়েছে! [বিক্রপাঙ্ক
হাস্তে যাদবদের প্রতি] ও...কুকুম খেলছিলে বুঝি?

যাদবগণ ॥ [নীরবে নতমুখে অপরাধীর মতো দাঁড়াইয়া রহিল।]

কারাগার

কংস ॥ [চন্দনার দিকে তাকাইয়া] কুক্কুমে ঐ কপালে কি সুন্দর শোভা হয়েছে দেখেছ নরক ?

বসুদেব ॥ পরিহাস রাখ কংস । এ রক্তপাতও তোমারি কীর্তি । তুমি এই অপাপবিদ্ধা নিষ্কলঙ্কা নারীকে লুণ্ঠন করেছিলে...ঐ মুখর্জনতা ক্রুদ্ধ হয়ে প্রতিশোধ নিল তোমার ওপর নয়, এই নারীরই ওপর...যে নারীকে ওরাই একরূপ নিজ হাতে তোমার কামনার আশ্রয়ে নিষ্ফেপ করেছে !

কংস ॥ আমার ওপর প্রতিশোধ নেবে...কেন ?...ওরা যে আমার [যাদবগণের প্রতি]...কি—?

যাদবগণ ॥ [নতজামু হইয়া]

—দাসানুদাস ।

কংস ॥ —কুলোকে ও কথা বলে বটে, কিন্তু তোমরা ..ও কথা বললে মনে বড় ব্যথা পাই । দাসানুদাস তো কতই রয়েছে । কেউ কি জানতো...যে আমার এই উত্তপ্ত-ললাটে কি নিদারুণ প্রদাহ পুঞ্জীভূত হয়ে আমার দগ্ন করছে...কেউ কি চিন্তা ক'রে দেখেছিল কি তার ঔষধ ..কার শাস্ত স্নিগ্ধ কল্যাণ-করের চন্দনপরশে তার শাস্তি প্রলেপ হবে ?

১ম যাদব ॥ [তাহাদের অপরাধের কৈফিয়ৎ হইবে মনে করিয়া] সেই-জন্মই তো সম্রাট আমরা ওকে আপনার প্রাসাদে পুনঃ প্রেরণের জন্ম এই উৎপীড়ন করেছি—

কংস ॥ সে আমি দেখেই বুঝেছি— কিন্তু—

২য় যাদব ॥ [উৎসাহিত হইয়া] ওকে যেতেই হবে আপনার প্রাসাদে—

৩য় যাদব ॥ না গেলে ওকে কি আমরা সহজে ছাড়ব ?

চন্দনা ॥ [ঐরূপ আহত অবস্থাতেও এই নতুন বিপদ হইতে পরিত্রাণ
পাইবার অল্প মরিয়া হইয়া সোপান বাহিয়া মন্দিরে উঠিতে গেল—]
আমি যাব না—আমি যাব না—[পড়িয়া গেল—কিন্তু পুনরায়
উঠিতে চেষ্টা করিতে করিতে] আমি এই মন্দির আঁকড়ে পড়ে
রইব . না হয় এইখানেই মাথা খুঁড়ে মরব...আমি যাব না...আমি
যাব না...

বসুদেব ॥ হাঁ, তুমি যাবে না। তখন কেন তুমি দুর্বলা নারী, হোক না
কেন দুর্বল তোমার দেহ, কিন্তু, মনের বলে বলী হয়ে একবার
যদি তুমি বল আমি যাব না—আমি যাব না—, নিফল হবে
দানবের কামনা, ব্যর্থ হবে সয়তানের সাধনা। : দেহই না হয় বন্দী
কর্কে, কিন্তু মন বাঁধবে কে ? মন বাঁধবে কে ?

কংস ॥ [খাদবগণের প্রতি] হঁ ।...যে স্বেচ্ছায় যার, সে-ই ভালো-
বেসে যার...তারি শুশ্রূষা...শুশ্রূষা। কিন্তু যে তা যার না .
তাকে আমি চাই না—

খাদবগণ ॥ [নিছক চাটুকারেব মতো] যথার্থ বলেছেন সম্রাট !

কংস ॥ তখন আমি চাই তাদের, যারা আমার প্রাসাদে তাকে তার
ইচ্ছার বিরুদ্ধে বলপূর্বক প্রেরণ করবার অল্প অত্যাচার করেছে,
লোষ্ট্রাঘাত করেছে !

নরক ॥ তাদের নিয়ে আপনি কি করবেন সম্রাট ?

কংস ॥ তাদের ছিন্ন শিরের তপ্ত-বক্তে এই উত্তপ্ত-ললাটের বিষক্ষয়
কর্ক ! কেন, তুমি কি জান না নরক, বিষম্ভ বিষমৌষধম !...
বিদূরথ—

বিদূরথ ॥ প্রভু—

কারাগার

কংস ॥ [একহাতে লম্বাট চাপিয়া ধরিয়া যেন বিষম যন্ত্রণায়] কি

পাচ্ছি ? চন্দনপরশ ? না তপ্তরক্ত ?

বিদুরথ ॥ [যাদবগণের প্রতি তীব্র দৃষ্টি নিষ্ক্ষেপ করিল—]

যাদবগণ ॥ [প্রাণভয়ে ছুটিয়া গিয়া সোপানপ্রান্তে লুটাইয়া পড়িয়া

আর্তকণ্ঠে] ..দয়াকর দেবী, দয়া কর...দয়া করে তুমি প্রাসাদে

যাও—

বসুদেব ॥ [যাদবগণের প্রতি] ধর্ষিতা কি আজ শুধু ঐ নারী, তোমরা

ধর্ষিত নও ? তোমরা ধর্ষিত নও ?

চন্দনা ॥ দেবী ! দেবী ! কে দেবী ? আমি তো ধর্ষিতা ..পতিতা... !

[কাঁদিয়া ফেলিল ।]

যাদবগণ ॥ [পাষণ সোপানে মাথা খুঁড়িতে খুঁড়িতে] আমাদের

জননী...আমাদের মাতা— ! দয়া কর দেবী, দয়া কর মাতা— !

বসুদেব ॥ [যাদবগণের প্রতি] ওরে ভীক...ওরে কাপুরুষ...ওরে

লুপ্ত-মনুষ্যত্বের পিশাচপ্রেত, জননীর নারীধর্ম বিনিময়েও রক্ষা

করি ঐ ক্ষুদ্র...অতি ক্ষুদ্র প্রাণ ?.. ওরে...তোরা মর—

তোরা মর—

কংস ॥ [ছুকার দিয়া] তপ্ত রক্ত ! তপ্ত রক্ত !

[তৎক্ষণাৎ সৈন্যগণ তরবারি কোষমুক্ত করিল—]

যাদবগণ ॥ রক্ষা কর না...রক্ষা কর—

চন্দনা ॥ ও—হো—হো ! আমি কি করি ! আমি কি করি ! [নিদারুণ

অন্তবিপ্লব ।]

বসুদেব ॥ তুমি যাবে না—

কংস ॥ [ছুকার দিয়া বসুদেবের প্রতি অঙ্গুলি নির্দেশে] রক্ত--রক্ত

[সৈন্তগণ উন্মুক্ত অসি হস্তে বসুদেবকে বধ করিতে রুখিল]

চন্দনা ॥ না—না—,
আমি যাব—
আমি যাব—

[কংসের দিকে ছুটিল ।]

কংস ॥ [তৎক্ষণাৎ যেন তাহার সমস্ত যন্ত্রণা নিমেষে অন্তর্ধান করিল ।
চোখে মুখে এক শয়তানি দীপ্তি লইয়া ।]—স্বৈচ্ছায় ?

চন্দনা ॥ —স্বৈচ্ছায়...!

[বলিল বটে, কিন্তু এই একটি কথা বলিতে তাহার দেহমন যেন
ভাঙিয়া পড়িল ।]

বসুদেব ॥ —চন্দনা—

কংস ॥ হাঃ হাঃ হাঃ !

ତୃତୀୟ ଅଙ୍କ

—এক—

পুষ্পবাটিকা।

একদিকে একটি মালতী লতার গাছ লতাইয়া উঠিয়া টানোয়া রচনা
করিয়াছে, তাহারই তলে বসিবার জন্ত সুবিস্তৃত সিংহ-পীঠিকা,
তাহার পদতলে পাদ-পীঠিকা। আর এক দিকে চতুষ্কোণ
একটি পাষাণ ঘর। ইহার বিশেষত্ব এই যে উহার
একটি মাত্র পাষাণ-দ্বার, প্রয়োজন হইলে তাহা
উপরে উঠাইয়া লওয়া যায়, আবার
প্রয়োজনমত উহা নামিয়া আসে।
পুষ্পবাটিকার পশ্চাতে ঝিল।
ঝিলের উপর সেতু।

[সিংহ পীঠিকায় চন্দনা। নর্তকীগণ চন্দনার সম্মুখে নৃত্যগীত
করিতেছিল।]

সুন্দরী গো সুন্দরী—

—সুন্দরী!

কায়াগার

কী বাণ তুমি রেখেচ ঐ

ডাগর আঁখির তূণ ভরি

—তূণ ভরি !

মঞ্জীরে কি মঞ্জু-গীতি

চঞ্চালিয়া স্বপ্ন-স্মৃতি

চিত্ত-মধুপ নৃত্য করে

গুঞ্জরি আর গুঞ্জরি ।

ছন্দ একি অন্তরে, ক্রন্দনহীন মন্তরে

—সন্তরে !

বিশ্ব যেন নিঃস্ব হয়ে তোমায় চাহে গো,

মর্ম্মকানন মর্ম্মরিয়া কি গান গাহে গো !

দীপ্ত বালুর তপ্ত-বুকে

পুষ্প ওঠে মুঞ্জরি,

—মুঞ্জরি !

[নরকের প্রবেশ ।]

নরক ॥ সম্রাট আমার দিয়ে আপনাকে বলে পাঠালেন আপনার
ধর্ম্মচর্চায় কেউ কখনো ব্যাঘাত করবে না—। আপনি ইচ্ছা
করলে পূজার্চনা করতে পারেন। ...বলেন তো তিল-তুলসী
আনিয়ে দি—

চন্দনা ॥ বাধিত হলাম। দিন না আনিয়ে—

নরক ॥ যথাজ্ঞা দেবী। [প্রস্থানোত্তত]

চন্দনা ॥ দাঁড়ান— [নরক দাঁড়াইল।] [পাষণ-ঘর দেখাইয়া] ...
ঐ ঘরটা কি বলুন দেখি। [নর্তকীদের দেখাইয়া] ওদের
জিজ্ঞাসা করলাম, ওরা কেউ বলতে পাচ্ছে না। ভাব দেখে
মনে হচ্ছে ওরা জানে, কিন্তু, বলতে ইতঃস্তুতঃ করছে।
ব্যাপারটা কি বলুন না—

নরক ॥ ওর মস্ত একটা ইতিহাস আছে। সে শুনবেন এখন। ...
পূজার্চনার হয়ত বিলম্ব হয়ে যাচ্ছে—

চন্দনা ॥ পূজার্চনা কখন করতে হবে, কিম্বা, আদৌ করতে হবে কি
না, সে ভাবনার ভারটা আমার ওপর দিয়ে আপনি নিশ্চিন্ত
হয়ে আমার এখানে একটু বসুন দেখি। ব্যাপারটা কি বলুন
তো—। ঘরটা যতই দেখছি, আমি ততই হাঁপিয়ে উঠছি...
চারদিকে শুধু পাথর আর পাথর...আলো বাতাসের এক তিল
পথ নেই...দেখলেই মনে হয় কারো বুঝি বা নাভিখাস
উঠেছে—

নরক ॥ যথার্থ বলেছেন। ঐ ঘরে একটি মাত্র পাষণ দরজা আছে...
সে যে কোথায় তা এক সম্রাট ছাড়া আর কেউ জানে না।
এক শুধু তার ইচ্ছিতেই সেই দ্বার উন্মুক্ত হয় এবং রুদ্ধ হয়—!

চন্দনা ॥ কিন্তু আমাকেও যে সেই ইচ্ছিতটি আয়ত্ত্ব কর্তে হবে। ঐ
ঘর-ই যে হবে আমার গোসাঘর—! আচ্ছা সে হবে এখন।
...আপনার আর কোন প্রয়োজন আছে?

নরক ॥ [বিস্মিত হইয়া] আমার তো কোন প্রয়োজন নেই, দেবীর

কাৰাগাৰ

প্ৰয়োজনেই দাস এখানে বৰ্তমান ! ...এইবার তবে পূজাৰ
আয়োজন ?

চন্দনা ॥ অবশ্য । পূজাৰ কি আয়োজন কৰিবেন ?

নরক ॥ তিল তুলসী—

চন্দনা ॥ আমাৰ হয়ে ওগুলো যমুনাৰ জলে ভাসিয়ে দিয়ে আনুন ।

নরক ॥ [অবাক হইয়া চন্দনাৰ মুখের দিকে তাকাইয়া রহিল ।]

চন্দনা ॥ অবাক হয়ে দেখছেন কি ? ঐ আমাৰ পূজা । রহস্য নয় ।

...যান্—

নরক ॥ অধমের সঙ্গে পরিহাস কেন দেবী ?

চন্দনা ॥ অধমের সঙ্গে কোনকালেই পরিহাস করি নি । পরিহাস কৰ্ত্তে
পাৰি আপনাৰ সত্ৰাটের সঙ্গে... । আপনাৰ সঙ্গে পরিহাস
কৰ্ছি...আপনাৰ একুপ ধুষ্টতাময় কল্পনা ভবিষ্যতে আৰ যেন
কখনো আমাকে ক্লিষ্ট না করে... । শুনুন—যমুনাৰ জলে আমাৰ
হয়ে তিল তুলসী ভাসিয়ে নিয়ে এসে আমাৰ জগু একটি ধূপদানী
নিৰে আনুন...আমি আৰতি কৰ্ব—

নরক ॥ যথাজ্ঞা দেবী—

[প্ৰস্থানোদ্ভূত এমন সময় কংসের প্ৰবেশ । সকলে তাহাকে
অভিবাদন কৰিল ।]

কংস ॥ কোথায় যাও নরক ?

নরক ॥ দেবীৰ পূজাযোজন ব্যৱস্থা কৰ্ত্তে—

কংস ॥ এস । [নরকের প্ৰস্থান ।] ... [চন্দনাৰ দিকে তাকাইল ।

দেখিল চন্দনাও তাহাৰ দিকেই তাঁৰ দৃষ্টিতে তাকাইয়া রহিয়াছে ।

মুহূৰ্ত্ত কাল এই ভাবে কাটিল । পরে কংস ঘূৰিয়া দাঁড়াইল ।

মুহূর্ত্ত কাল কি ভাবিল, তাহার পর প্রস্থান করিতে উত্ত
হইল ।]

চন্দনা ॥ —সম্রাট...

কংস ॥ [তাহার দিকে ঘুরিয়া দাঁড়াইয়া] —বল...

চন্দনা ॥ চলে যাচ্ছেন যে... ?

কংস ॥ কেউ তো আমার থাকতে বললে না ।

চন্দনা ॥ সাহস ছিল না..., বলি নি । এবার সাহস পেলাম...,
আসুন । [কংসকে সিংহ-পীঠিকার লইয়া বসাইলেন ।] এর
পর কি কর্তব্য তাও তো জানি নে ! [নর্তকীদের প্রতি] ...
এখন ?

[নর্তকীগণ নৃত্য শুরু করিল ।]

চন্দনা ॥ তারপর ?

[সুরা-বাহিনী “মদিরা” মত্তের সরঞ্জামাদি লইয়া নাচিতে নাচিতে
আসিল—]

চন্দনা ॥ [তাহার হাত হইতে পান-পাত্রাদি লইয়া কংসকে পরিবেশন
করিতে গেল । মদিরা নৃত্য করিতে লাগিল । চন্দনার এই
আচরণে কংস মহাবিস্মিত হইয়া তাহার মুখের পানে বিমূঢ়ের মত
তাকাইয়া রহিল । পরে চন্দনার এই অপ্রত্যাশিত অনুগ্রহ
তাহার পক্ষে যেন এক আকস্মিক সৌভাগ্য...ইহাকে মুহূর্ত্ত মাত্র
বিলম্ব না করিয়া বরণ করা আবশ্যিক এই কথা তাহার মাথায়
খেলায় সে চট্ করিয়া এক নিমেষে চন্দনার হাত হইতে মগ্ন
লইয়া পান করিয়া ফেলিল । কিন্তু পানের পর চন্দনার দিকে
চোখে চোখে চাহিতে চেষ্টা করিয়াও সাহস পাইল না ।

কারাগার

মদিরার নৃত্য শেষ হইলে নরক ধূপদানী হাতে লইয়া প্রবেশ করিল ।] তারপর বুঝি আরতি ? ...

ধূপদানী...আমার ধূপদানী... [ছুটিয়া গিয়া নরকের হাত হইতে ধূপদানী লইল এবং কংসের সম্মুখে আসিয়া কংসকেই আরতি সুরু করিল ।]

কংস ॥ [অস্থির হইয়া উঠিল—]

তুমি—তুমি ভুল করছ চন্দনা ! আমি—আমি তো তোমার নারায়ণ নই— !

চন্দনা ॥ আমার নারায়ণ ? কোনদিন কে ছিল ? ...যদি থাকতো, তবে আজ আমি এখানে কেন ? ...আমার কিছু নাই, কিছু ছিল না । অথবা যা কিছু ছিল...সব মিথ্যা । ...মিথ্যাই যদি না হবে, তবে আমি যে পতিতা...এইটেই আমার জীবনের সব চাইতে বড় সত্য হয়ে দাঁড়াল কেন ? ...কিছু না—সব মিথ্যা...শুধু এইটুকু আজ সত্য...যে আমি পতিতা...আমাকে সমাজ পদাঘাতে দূর করে দিয়েছে, দেবতা চরণে ঠেলেছেন... কিন্তু...মাথায় তুলে নিয়েছ তুমি...তুমিই আজ আমার দেবতা... তুমিই আমার আরতি নাও...পূজা নাও—

—চন্দনার গান—

আরতি নাও মরমের, অধরের নাও গো বাণী,
সারথি মনোরথের হবে আজ হবেই জানি ।

বিমলিন কুমুম-ডোরে

তুলে নাও আদর করে

গাঁথো আজ নতুন মালা, ভরো মন-কুমুমদানী ।

আকাশে অরুণ ডালা, বাতাসে ফুলের আভর,
তরুণ ঐ প্রজাপতি, আলোকের পুলক-কাতর ।

আমি এই মধুর প্রাতে
বসে আজ বঁধুর সাথে
বাজাব ভৈরবীতে হৃদয়ের বীণাখানি ।

কংস ॥ আমি আজ ধন্য ! আমি আজ ধন্য ! আজ আমি জয়ী...
পরমজয়ী... ! দেবতাকে পরাজিত করে তার শ্রেষ্ঠ-সম্পদ আজ
আমি লাভ করেছি...সে তুমি !

চন্দনা ॥ কেমন আরতি হল ?

কংস ॥ আমার ভাষা নাই—আমার ভাষা নাই—

চন্দনা ॥ খুসী হয়েছ— ?

কংস ॥ কেমন করে বোঝাব আমি কত খুসী হয়েছি ! নরক...আজ
আমি একা খুসী হব না...রাজ্যে আজ উৎসবের ব্যবস্থা কর... এ
উৎসবের নাম হবে চন্দনোৎসব...

নরক ॥ যথাজ্ঞা সম্রাট !

[নর্তকীগণ ও নরক চলিয়া গেল ।]

চন্দনা ॥ কিন্তু আমার যে নিঃখাস বন্ধ হয়ে আসছে !

কংস ॥ কেন ? কেন ?

চন্দনা ॥ ঐ পাষাণ-ঘরটি দেখে ।...ও কি ?...রুদ্ধ কক্ষে আলো নাই,
বাতাস নাই...আলো-বাতাস প্রবেশ করে তার তিলমাত্র পথ
নাই । কেন ?

কাৰাগাৰ

কংস ॥ [শিহরিয়া উঠিয়া] ও একটা দুঃস্বপ্ন...

চন্দনা ॥ কিন্তু তা কি করে হয়...! ওটা তো জেগে থেকেই দেখতে পাচ্ছি...স্বপ্ন দেখে লোকে ঘুমিয়ে।

কংস ॥ হাঁ চন্দনা, আমি সেদিন একটা দুঃস্বপ্ন দেখেছিলাম। নিদ্রা-কালের সেই দুঃস্বপ্নকে জাগ্রত অবস্থায় ব্যর্থ করবার মানসে আমি ঐ পাষণ্ডের অন্ধকূপ রচনা করেছি...আমার দুঃস্বপ্ন ঐ পাষণ্ড-কারায় রুদ্ধ হয়ে ব্যর্থ হয়ে আছে।

চন্দনা ॥ কি দুঃস্বপ্ন ?

কংস ॥ [পরম আগ্রহ এবং কৌতুহল সহকারে, কিন্তু নিম্নস্বরে] আচ্ছা চন্দনা, দুঃস্বপ্ন কি সত্য সত্যই ফলে ?

চন্দনা ॥ সুখ-স্বপ্ন বরং ফলে না, কিন্তু দুঃস্বপ্ন ফলবেই ফলবে...আমার জীবনেই দেখেছি—!...কি দুঃস্বপ্ন দেখেছ সম্রাট ?

কংস ॥ যে দুঃস্বপ্নই দেখে থাকি, আমি তা বিফল করব...ব্যর্থ করব...আমার দৃঢ় প্রতিজ্ঞা।...এ আমার জীবন-মরণের কথা হয়ে দাঁড়িয়েছে চন্দনা--!

চন্দনা ॥ আপনার নাম কি কংস নয় ? কে আপনি ?

কংস ॥ কেন ?

চন্দনা ॥ বিশ্বের বুকে যে ত্রাস সঞ্চার করেছে গুনতে পাই, সে যদি একটা দুঃস্বপ্ন দেখে এমনই ভীত হয়ে পড়ে, যে, সে-দুঃস্বপ্নের কাহিনীটি পর্যন্ত বলতে আতঙ্কে শিউরে ওঠে,—ও প্রশ্ন কি নিতান্তই অশোভন ?

কংস ॥ [দুর্বলতা যথাসম্ভব গোপন করিয়া সপ্রতিভের মতো উত্তর

দিবাৰ চেষ্টা সহকাৰে] না—না—স্বপ্ন-কাহিনী বলব না কেন ? ...
আমি বলছিলাম কি ...ভাৰী তো একটা স্বপ্ন, তাৰ আবার
কাহিনী ...কেইবা বলে আৰ কেই বা শোনে !

চন্দনা ॥ [দৃঢ়তায়] আমি শুনব—

কংস ॥ [চন্দনাৰ সহিত না পাৰিয়া] শোন । ভাৰী মজাৰ কথা ।
সেই যে একটুকৰো পাথৰ ...যাকে তোমরা শালগ্রাম বুলতে ...
ঐ যা শেষে, আমি নয়, বিদূৰথ চূৰ্ণ বিচূৰ্ণ কৰল ...তাৰি পূজা-
বেদীতে ওৱা খুব রং চং কৰে এক জমকালো মূৰ্ত্তি গড়ে
পূজা পুৰু কৰল । ...সে মূৰ্ত্তিৰ কি বাহাৰ ! চাৰ চাৰখানা হাত ...
এক হাতে শঙ্খ, এক হাতে চক্ৰ, এক হাতে গদা, আৰ এক
হাতে পদ্ম ! ...হাসিৰ কথা নয় চন্দনা ?

চন্দনা ॥ ...কিন্তু স্বপ্নেৰ কথাটি কি ?

কংস ॥ দাঁড়াও, বলি—, ব্যস্ত কেন ? আমাৰ ভাৰী পিপাসা পেয়েছে ।
তুমি আমায় একটু জল নাও । না,—যাক্ গে, শোন—।
স্বপ্ন দেখলাম আমাৰি বোন দেবকী । দেবকী সেই চতুৰ্ভুজ
মূৰ্ত্তি পূজা কৰছে । ছোঁথ দিয়ে দৰদৰ ধাৰে অশ্রুৰ প্ৰবাহ ।
দেবকী প্ৰাৰ্থনা কৰছে—

চন্দনা ॥ কি প্ৰাৰ্থনা সত্ৰাট ?

কংস ॥ দেবকী প্ৰাৰ্থনা কৰছে, হে দেবতা ...তুমি বৰাভয় মূৰ্ত্তিতে
ধৰাতলে জন্ম নাও ...জন্ম নিয়ে, সেও ভাৰী এক হাসিৰ
কথা—!

চন্দনা ॥ তুমি স্বপ্নেৰ কথা বল—

কাৰাগাৰ

কংস ॥ বলি ।...তুমি আমায় জল দাও ।...না—না...জল নয়...। থাক্।

...তারপর—

চন্দনা ॥ হাঁ, তারপর ?

কংস ॥ সেই মূৰ্ত্তির মুখে হাসি ফুটল...যেমন অন্ধকার রাত্ৰের পর
প্রভাতের হাসি ফোটে । ...সেই অচল-মূৰ্ত্তি সচল হল ।...মূৰ্ত্তি
ক্রমে দেবকীর দিকে অগ্রসর হতে লাগল...আমি চোখে ক্রমেই
ঝাপসা দেখতে লাগলাম...শেষটায় মনে হল—ও-হো-হো—
[চীৎকার করিয়া উঠিল] সূরা ! সূরা !

চন্দনা ॥ [তৎক্ষণাৎ মত্তদান করিল । কংস পানাস্তে কথঞ্চিৎ সুস্থ
হইলে...] —শেষটায় ?

কংস ॥ শেষটায় মনে হল—মনে হল ~~হোম~~, আমি স্বচক্ষে দেখলাম...
সেই মূৰ্ত্তি দেবকীর বুকে ঝাঁপিয়ে পড়ল,—চন্দনা, চন্দনা, সঙ্গে
সঙ্গে একটা ভীষণ আৰ্ত্তনাদ...পরে বুঝলাম সে আৰ্ত্তনাদ আর
কারণো নয়, আমার । মনে হল আমি শয্যা থেকে ভূতলে
নিষ্কিপ্ত । কোটা শঙ্খ-ধ্বনির মাঝে আমার সে আৰ্ত্তনাদ অতল
তলে ডুবে গেল । নরক ছুটে এসে আমার জড়িয়ে ধরে চীৎকার
করে উঠল—ভূমিকম্প ! ভূমিকম্প ! [ভয়ে আতঙ্কে, আত্মহাৱার
মতো ছুটিয়া যাইতেই পাৰাণঘরের দেওয়ালে বাধা পাইল—]

চন্দনা ॥ ভূমিকম্প ? স্বপ্ন না সত্য ?

কংস ॥ হোক স্বপ্ন...অথবা হোক সত্য...কিছুমাত্র আসে যায় না...
যখন—হাঃ হাঃ হাঃ [অটু হান্ত] :

চন্দনা ॥ যখন—?

কংস ॥ [উৰ্দ্ধে চাহিয়া ইঙ্গিত । সঙ্গে সঙ্গে পাৰাণ-ঘরের সম্মুখস্থ

কারাগার

পাষণ্ডার উর্ধ্বে উঠিয়া গেল। দেখা গেল নারায়ণ-মন্দিরের চতুর্ভুজ নারায়ণ-মূর্তি বেদীর উপর রক্ষিত রহিয়াছে—] যখন সেই স্বপ্নদৃষ্ট মন্দির-দেবতা আজ আমার এই পাষণ্ড-ঘরে চিরতরে বন্দী...এবং—

চন্দনা ॥ —এবং ?

কংস ॥ দেবকী, বসুদেব তাদের অনুচরগণ সহ শতরক্ষী-পরিবেষ্টিত লৌহ-কারাগারে নিষ্কিণ্ড...শুধু এই জন্তু যে—

চন্দনা ॥ বল—বল—

কংস ॥ আমি অতিমানব অথবা দানব। যে দুঃস্বপ্ন মানুষকে বিধ্বস্ত করে, আমি সেই দুঃস্বপ্নকে ব্যর্থ করি...ঐ খানেই আমার আনন্দ এবং ঐ খানেই আমার উল্লাস !

চন্দনা ॥ [আত্মবিস্মৃত হইয়া প্রতিমা লক্ষ্যে] ঠাকুর—ঠাকুর—[প্রণাম করিতে গিয়াই বিদ্রোহিনীর মতো] না—না—কে ও ! কি ও ! কিছু না...শুধু মাটি, শুধু পাথর—[যেন সেখান হইতে পলায়ন করিতে পারিলে বাঁচে, কংসের হাত ধরিয়া তাহাকে টানিয়া লইয়া চলিল—] চল সত্রাট—

কংস ॥ আমি তবে তোমার পেলাম চন্দনা—[চন্দনার হাত দুখানি বুকে লইয়া—চুষনের পূর্বে চন্দনার মুখের পানে তাকাইল]

চন্দনা ॥ [চমকাইয়া উঠিয়া] না—আজ নয়।

কংস ॥ [সাগ্রহে] তবে ?—

চন্দনা ॥ [কি উত্তর দিবে ভাবিয়া পাইল না, হঠাৎ—] আগে তোমার দুঃস্বপ্ন ব্যর্থ হোক—

কংস ॥ ব্যর্থ হবে—।

করাগার

চন্দনা ॥ যেদিন হবে, সেদিন তুমি আমার পাবে।—[ধীরে ধীরে কংসের বাচ্চ-বন্ধন খসাইয়া লইয়া কংসের সহিত প্রস্থান করিতে গিয়াই ঘুরিয়া পুনরায় প্রতিমা দেখিল...নির্গিমেধ নেত্রে দেখিল—] শুধু মাটি...শুধু পাথর...শুধু রংবেরংএর খেলা...কিস্ত...কি সুন্দর... দেখলে চোখ জুড়িয়ে যায়...প্রাণ শীতল হয়...[কংসকে] না ?

কংস ॥ আমার চোখ জলে বায়—ওটাকে...

চন্দনা ॥ চূর্ণ করো না। কে বলে ও ঠাকুর ?...কি ওর সাধ্য ? কি ওর ক্ষমতা ?...তার চাইতে ও হবে আমার খেলবার পুতুল...ওকে স্নান করাব...খাওয়াব...গয়না পরাব...ভালোবাসব...বন্দী রেখে বন্দনা করব—

কংস ॥ আমার দোষ নাই,—

তবে দেখছি সেই সঙ্গে তুমিও আমার বন্দিনী হয়ে গেলে—

[চন্দনাকে লইয়া প্রস্থান । —]

[অতীতক দিয়া চোরের মত বিদুরথ-পত্নী অঞ্জনার প্রবেশ। সে পূর্বেই এখানে আসিয়া অন্তরালে আত্মগোপন করিয়া রহিয়াছিল। যে মুহূর্তে কংস এবং চন্দনা চলিয়া গেল...সেই মুহূর্তে সে পাষণ-ঘরের দিকে ছুটিয়া গেল। তাহার মস্তকে কঙ্কাপ্রদত্ত চিত্রিত সেই মঙ্গল কলস।]

অঞ্জনা ॥ [প্রতিমা-সম্মুখে নতঙ্গায় হইয়া] ঠাকুর ! ঠাকুর ! দয়াময় প্রভু ! স্বামীর কাছে যেদিন শুনেছি এখানে তোমার শুভাগমন হয়েছে, সেইদিন হতে আমি এই সুযোগটুকুরই প্রতীক্ষা করছিলাম, আজ তোমার দয়া হয়েছে...আমার সম্মুখে প্রকাশ হয়েছে ! প্রণাম ঠাকুর, প্রণাম— [প্রণামোত্ততা হইতেই বিদুরথের প্রবেশ।]

বিদূরথ ॥ অঞ্জনা—

অঞ্জনা ॥ [চমকিয়া উঠিল । তাকাইয়া দেখে স্বামী বিদূরথ । তাহার
আর প্রণাম করা হইল না ।] ...প্রভু !

[মাথা নীচু করিয়া অপরাধিনীর মতো দাঁড়াইয়া রহিল ।—]

বিদূরথ ॥ কঙ্কণের প্রভূদ্রোহিতা, পিতৃদ্রোহিতা আমি ধরি না, সে তরল-
মতি উচ্ছ্বাল যুবক, কিন্তু তোমার এরূপ ছঃসাহস দেখে আমি
স্তুভিত হয়েছি । কোন সাহসে তুমি সম্রাট কংসের প্রাসাদে
নারায়ণ পূজা কর্তে এসেছ ?

অঞ্জনা ॥ পূজা নয় প্রভু, স্নান । আমার রঞ্জনের কল্যাণে মানত আছে ।
ঠাকুরের কাছে মনে মনে মানত করেছিলাম আমার খোকা সেরে
উঠে যেদিন আরোগ্য স্নান করবে, সেদিন হে ঠাকুর—, আমি
তোমায় হুধ দিয়ে স্নান করাব । রঞ্জন সেরে উঠল, কিন্তু তুমি
আমায় মন্দিরে যেতে দাওনি বলে আজো আমি ঠাকুরকে হুধ
দিয়ে স্নান করতে পারিনি—

বিদূরথ ॥ [ক্রোধে] অঞ্জনা—

অঞ্জনা ॥ প্রভু—

বিদূরথ ॥ যদি আমি তোমার স্বামী হই, তবে—

[কংসের প্রবেশ—]

কংস ॥ ব্যাপার কি বিদূরথ ?

বিদূরথ ॥ [অঞ্জনাকে আদেশ সূচক স্বরে] ঐ মঙ্গলকলসীর হুখে আমার
মহিমাময় প্রভুর শ্রীপাদপদ্ম প্রক্ষালন কর—

কংস ॥ ইনি কে বিদূরথ ?

বিদূরথ ॥ কঙ্কণের মাতা । পুত্রের প্রভূদ্রোহিতার প্রায়শ্চিত্ত মানসে

কারাগার

প্রভুপাদ প্রকাশনের জগৎ মঙ্গলকলমে ছুঁ এনেছে—যদিও আমি
জানি সে গুরুতর অপরাধের এ কিছু মাত্র প্রায়শ্চিত্ত নয়—
কংস ॥ তোমাদের প্রভুভক্তি জগতের ইতিহাসে অমর হয়ে রইবে
বিদূরথ! প্রভুভক্তির এই আদর্শ আমার প্রতি প্রজাকে অনুপ্রাণিত
করুক!

বিদূরথ ॥ অগ্রসর হও অঞ্জনা—

অঞ্জনা ॥ এর চাইতে মৃত্যু ভালো ছিল! এর চাইতে মৃত্যু ভালো ছিল!

কংস ॥ ও কি বিদূরথ?

বিদূরথ ॥ স্ত্রীজাতি সুলভ লজ্জা। কিন্তু অঞ্জনা, লজ্জা কি? উনি যে
তোমার প্রভুর প্রভু! অগ্রসর হও অঞ্জনা—

অঞ্জনা ॥ কিন্তু হায় নাথ, যে ছুঁ বিশ্ব-নিখিলের প্রভুর স্নান উদ্দেশ্যে
উৎসর্গ করে এনেছি তা দিয়ে কি করে অপরের পদ প্রক্ষালন
করব! এতে যে আমার ছুঁধের শিশু চিরকণ রঞ্জনের মহা
অকল্যাণ হবে!

কংস ॥ [বিদূরথের প্রতি ব্যাপ্শ্যক কটাক্ষে] তাই তো, এতো
চরম লজ্জারই কথা বিদূরথ!

বিদূরথ ॥ [ক্রোধে] অঞ্জনা, যদি আমি তোমার স্বামী হই, যদি তুমি
আমার স্ত্রী হও...সতী হও...সহধর্মিণী হও—অগ্রসর হও—

অঞ্জনা ॥ [কংসের দিকে অগ্রসর হইতে হইতে] ভগবন! ওগো
নারায়ণ! আকাশের বজ্র আমার মাথায় ভেঙে পড়ুক...আমার
মৃত্যু হোক—আমার মৃত্যু হোক—

[সেতুপথ আলোকিত হইল। দেখা গেল কঙ্কণ অঞ্জনার মস্তকোপরি
অবস্থিত মঙ্গলকলম লক্ষ্য করিয়া তীর নিক্ষেপে উদ্ভূত—]

কঙ্কণ ॥ হাঁ, তাই হোক মা, তাই হোক—

বিদূরথ ॥ কঙ্কণ...মাতৃহত্যা হবে—

কঙ্কণ ॥ জানি, হয়তো হবে। মাতার...দেবতার...এই পৈশাচিক অপমান প্রচেষ্টা ব্যর্থ করবার জন্ত, ওরে আমার হতভাগিনী মা, ঐ মঙ্গলকলস লক্ষ্য করে যে তীর যোজনা করেছি, যদি তা কলস বিদ্ধ করে, পৃথ্বরূপে নারায়ণ স্নাত হবেন, তোর মুখ উজ্জ্বল হবে, ^{সমস্ত}সমস্ত লজ্জায় মুখ ঢাকবে...আর যদি এই তীর আমার অক্ষমতায় লক্ষ্য ভেদে অসমর্থ হয়ে তোকেই বিদ্ধ করে, তবে .. ওরে আমার অত্যাচারিতা...নির্যাতিতা...ঘরে-বাইরে লাঞ্ছিতা মা, তুই মৃত্যু চেয়েছিলি, মুক্তি পাবি... । —ছাড়ি তীর ?

অঞ্জনা ॥ ['আকুল আগ্রহে চীৎকার করিয়া উঠিল]

—ছাড়া তীর—

কংস ॥ (কপটতায়) মাতৃহত্যা হবে—আ-হা-হা, মাতৃহত্যা হবে ।

কঙ্কণ ॥——আমার—— আমার । সেও ভালো, তবু—

[তীর ক্ষেপণ । তীর কলস ছিঁদ্র করিল । দুগ্ধ ক্ষরিত হইতে লাগিল । কঙ্কণ অটুহাস্তে হাসিয়া উঠিল । উর্ধ্ব হইতে পুষ্পবৃষ্টি হইতে লাগিল । স্বর্গে বৃষিবা হনুভি বাজিয়া উঠিল । তাহারি মধ্যে কঙ্কণ ছুটিয়া আসিল এবং মাতাকে জড়াইয়া ধরিল—]

কঙ্কণ ॥ মা ! আমার মা !

অঞ্জনা ॥ বাবা !

—দুই—

প্রান্তর

ধরিত্রী

মন্দিরে মন্দিরে জাগো দেবতা !
আনো অভয়ঙ্কর শুভ বারতা,
জাগো দেবতা—জাগো দেবতা ॥
শৃঙ্খলে বাজে তব সম্বোধনী,
কারায় কারায় জাগে তব শরণি,
বিশ্ব মুক ভীত, কহ গো কথা ॥

জাগো দেবতা, জাগো দেবতা ।
নিশিদিন শোনে নিপীড়িতা ধরণী,
অশ্রুতে অশ্রুত শঙ্খধ্বনি,
পঙ্গু রুগ্ন নর অত্যাচারে,
ধ্বিতা নারী আজি দৈত্যাগারে,
জাগো পাষণ, ভাঙো নীরবতা .

জাগো দেবতা, জাগো দেবতা ॥

—তিন—

কাৰাগাৰ

[বহিঃপ্রকোষ্ঠে একটি খট্টার ওপর শয্যা—তছপরি
রোগকাতর কীৰ্ত্তিমান। পার্শ্বে বসুদেব ও
দেবকী। দূরে, যথাস্থানে গ্রহরী।—]

বসুদেব ॥ 'কীৰ্ত্তিমান—কীৰ্ত্তিমান—

[কোন উত্তর পাইলেন না—।]

দেবকী ॥ বাবা আমার—

[কোন উত্তর না পাইয়া, বসুদেবের প্রতি] তবে কি— তবে কি—

বসুদেব ॥ না দেবকী, এখনো জীবন আছে—...কে ?

[ঘাতক সহ বিদূরথের প্রবেশ।]

বিদূরথ ॥ রাজভৃত্য বিদূরথ।

বসুদেব ॥ কি উদ্দেশ্যে আগমন ?

বিদূরথ ॥—[ঘাতকের প্রতি দৃষ্টিপাত। সে শয্যার সম্মুখে আসিয়া
দাঁড়াইল]

বসুদেব ॥...কার শির চাও—?

বিদূরথ ॥ আমি চাই না..., না,...চাইব-ই বা না কেন, যখন আমার
প্রভু চান—

দেবকী ॥ কার শির ?

বিদূরথ ॥ [কীৰ্ত্তিমানকে দেখাইয়া]

—ওর—

বসুদেব ॥ কি দোষ করেছে ও ?

বিদূরথ ॥ তার উত্তর আমি দিতে অক্ষম।

করাপার

বন্দুদেব ॥ কিন্তু একটাবাব কি তা ভেবেও দেখবে না বিদূরথ—? তুমি

আমার জ্ঞাতি...আমাব আত্মীয়...এই শিশু তোমার পর নয় ।

বিদূরথ ॥ তুমি আমাকে প্রভূদ্রোহিতা শিক্ষা দিচ্ছ বন্দুদেব । সাবধান

দেবকী ॥ আমার এই ছুধের শিশু, তাও মুমূষু...তার শির নিয়ে কংসের
লাভ—?

বিদূরথ ॥ ওটা বোধ হয় প্রভু-নিন্দা হচ্ছে— । [কানে হাত দিয়া] ..সে

আমি সইব না—সইব না—

বন্দুদেব ॥ কেন সইবে ! আমার শির নাও—দেবকীর শির নাও—

কি শিশুনাও শির নাও— ! ..আমাদের সবাব শির এক সঙ্গে

নাও, আমাদের বক্ষা কর—আমাদের বাঁচাও—

বিদূরথ ॥ সত্যি বলছ ?

বন্দুদেব ॥ জীবনে মিথ্যা বলি নি বিদূরথ...ঐ আমাদের প্রার্থনা—

দেবকী ॥ আমাদের এই প্রার্থনা—এই কামনা পূর্ণ কর বিদূরথ, !...

বিদূরথ ॥ প্রভু, কিন্তু একদম আশ্রয় নয়—

বন্দুদেব ॥ তোমার প্রভুকে না হয় আমাদের এই কামনা জ্ঞাপন করে

একদম আদেশই নিয়ে এস—

বিদূরথ ॥ আচ্ছা, যাচ্ছি ।...তোমাদের সম্বন্ধে কি আদেশ হবে বলতে

পারি নে, প্রভুই জানেন, কিন্তু...[কীর্তিমানকে দেখাইয়া] ওর

সম্বন্ধে তাঁর সুস্পষ্ট আদেশ আছে । ...ওকে প্রস্তুত রেখো—

[সান্নিধ্যের প্রশ্নান ।—]

দেবকী ॥ মুমূষু...মুমূষু আমাব এই ছুধের শিশু...ঘাতকের মূর্তি চোখে

দেখা মাত্র প্রাণটুকু বেরিয়ে যাবে—ওকে আমি কি প্রস্তুত করব

স্বামী ?

বসুদেব ॥ হাঁ, ওকেও প্রস্তুত কর্তে হবে দেবকী। জীবনের শেষ
খাসে ও জেনে যাক... কেন... কিসের জন্তু... পিতার বুকভরা
স্নেহ, মাতার মনভরা গমতা... ধরণীর এই মায়ামধুর গেহ ছেড়ে
অকালে ওকে বিদার নিতে হ'ল।

দেবকী ॥ জান্লে, ওর ছোট একটি দীর্ঘশ্বাস পড়েনে—

বসুদেব ॥ অত্যাচারীর অত্যাচার যদি সত্য হয়, অত্যাচারিতের দীর্ঘশ্বাসও
তেমনি সত্য। যুগে যুগে অত্যাচারও হয়েছে যেমন সত্য
আবার সকল অত্যাচারিতের মিলিত দগ্ধশ্বাস পুঞ্জীভূত হয়ে যে
আগুণ জ্বলেছে সেই আগুনে অত্যাচারী দগ্ধ ও ভস্মীভূত
হয়েছে, তেমনি সত্য।

কীর্ত্তিমান ॥ [চেতনা লাভ করিয়া]

মা- -মা—

দেবকী ॥ বাবা আমার—

কীর্ত্তিমান ॥ আমায় একটু মধু দাও মা—

দেবকী ॥ মধু তো নেই বাবা...

কীর্ত্তিমান ॥ —ছিল তো মা—

বসুদেব ॥ হাঁ ছিল। ...কিন্তু...সে মধু আমরা আর পাব না বৎস!

কীর্ত্তিমান ॥ কেন বাবা?

বসুদেব ॥ আমাদের সকল মধু কেড়ে নিয়েছে—

কীর্ত্তিমান ॥ কে নিল বাবা?

বসুদেব ॥ তোমার মামা, কংস।

কীর্ত্তিমান ॥ তবে...তবে...মা, একটু দুধ দাও...আমাদের সেই কাজলি
গাই...তার দুধ—

কারাগার

বসুদেব ॥ তাও নেই ।

কীৰ্ত্তিমান ॥ সে কি বাবা... আমাব যে বড় আদরের কাজলী গাই...

তার শ্রাম্ভী বাছুর—

বসুদেব ॥ —কেড়ে নিয়েছে

কীৰ্ত্তিমান ॥ কে ? কে কেড়ে নিল ?

বসুদেব ॥ যে আমাদের সৰ্বস্ব লুণ্ঠন করেছে—

কীৰ্ত্তিমান ॥ কে সে বাবা ?

বসুদেব ॥ তোমার মামা, কংস ।

কীৰ্ত্তিমান ॥ মা, তবে তোর বুকের দুধ আমায় দে না... আমায় গলা

শুকিয়ে যাচ্ছে...

দেবকী ॥ তাও নেই—তাও নেই—ওরে আমার অভাগা সন্তান... আজ

মাথের বুকেও দুধ নাই—

বসুদেব ॥ কোথা থেকে থাকবে ? ওরা তোমার মাকে কখনো অঙ্কশনে

কখনো অনশনে রেখেছে ।... ওরে, আমরা আজ পিপসায় জলটুকুও

পাইনে ।

কীৰ্ত্তিমান ॥ তবে কি একটু খলঙ খেতে পার না—মা ?

দেবকী ॥ —পাবে । ...দিচ্ছি—

[লজ্জায় মাথা হেঁট করিয়া জল আনিয়া দিলেন—]

বসুদেব ॥ পিপাসার ঐ জলটুকুও তোমার মাকে ভিক্ষা করে সংগ্রহ

কর্ত্তে হয়েছে, অথচ এই কারাগারের বাইরেই ছকুল প্লাবিত

করে ববে ষাথ স্নেহময়ী মাথাময়ী মমতাময়ী যমুনা... সহস্র

ধারায় উৎসারিত হয়ে ক্ষুধা মেটায় পিপাসা মেটার, প্রাণ

জুড়ায় !

কীৰ্ত্তিমান ॥ যমুনা—যমুনা!—তুমি কাঁদছ কেন? আমি ও' ভিক্ষার জল
খাব না মা—আমি বাইরে যাবো [উঠবার চেষ্টা] কিন্তু একি
মা...আমার মনে হচ্ছে ক্রমেই যেন সব আঁধার হয়ে আসছে
[ক্রমিক অবসাদে] এ আমি কোথায় চলেছি মা—? [দেবকীকে
আঁকড়িয়া ধরিল]

বসুদেব ॥ বল দেবকী, বল—কীৰ্ত্তিমান জিজ্ঞাসা কচ্ছে সে আজ কোথায়
চলেছে...! বল—[সেখান হইতে চোখের জল ঢাকিয়া পার্শ্বস্থ
অন্য প্রকোষ্ঠে পালাইলেন]

কীৰ্ত্তিমান ॥ [ভয়ে] এ আমি কোথায় চলেছি মা?

দেবকী ॥ তুমি—তুমি চলেছ স্বর্গে—ভয় কি বাবা?

কীৰ্ত্তিমান ॥ স্বর্গ—?

দেবকী ॥ হাঁ, স্বর্গ।...স্বর্গের তো কত গল্পই তোমায় বলেছি...

কীৰ্ত্তিমান ॥ সেই স্বর্গ...যেখানে হীরার গাছে সোণার ফল—, সোণার
ফুলে মণির আলো!...না মা, সে ভালো না—ভালো না—

দেবকী ॥ কেন বাবা?

কীৰ্ত্তিমান ॥ ভালো লাগে আমাদের সেই সোঁদাল গাছে হলদে ফুল,
হলদে ফুলে, হলদে পাখী,...খানিকটা দেখতে পাই... খানিকটা
পাই নে! ভালো লাগে আমার কড়াই শুটির ক্ষেত, তারি
মাঝে প্রজাপতির দল, পাখ্‌নায় তাদের রামধনুকের রং...ধরতে
গেলেই ছুটে পালায়...অমনি তার পেছন ছুটি, কি ভালোই
না লাগে সেই ছুটোছুটি।

দেবকী ॥ হাঁ ছুটোছুটি, কিন্তু স্বর্গে তারা আপনা হতেই ধরা দেয়...
জানো?

কারণার

কীৰ্ত্তিমান ॥ আপনা হতেই ধরা দেয় ? তবে আর খেলা হল কি ?

..তার চাইতে ছুটতে আমার লাগে ভালো—কচি রোদের
কাঁচা সোণার, নদীর ধারে বালুর চরে...যখন দেখি নদীর বাঁকে
রাজহাঁসের মতো পাল তুলে পান্সী ছোটে ! আমিও ছুটি
তারি সাথে...শেষে মা আর পারি না, পাল তুলে হাল বেয়ে
পান্সী যায় পালিয়ে—

দেবকী ॥ স্বর্গে আছে সোণার নৌকা—রূপালী তার পাল—

কীৰ্ত্তিমান ॥ আছে,—থাক । সোণার নৌকা কি ছুটতে পারে মা ?

নাই যদি ছুটল...তবে সে কি হল খেলা ? সে আমার ভালো
লাগে না মা, আমার লাগে ভালো তোমায় আমি জ্বালাতন
করে পাগল করে তুলি...হাকুরের ফুল চুরি করে মালা গাঁথে
গলায় পরি—পূজার প্রসাদ পূজার আগেই চুরি করে খাই,
ভালো লাগে মা, ভালো লাগে, তুমি যখন মা আমার মার্কে
এস তেড়ে, একটি লাফে তোমার বুকে উঠি...হাসি মুখে চুমো
দিয়ে, কোলে আমার নাও— । স্বর্গে আমার কে দেবে মা
চুমো ?

দেবকী ॥ স্বর্গে রয়েছেন দেবতা...দেবতা দেবেন চুমো—

কীৰ্ত্তিমান ॥ দেবতা আমি চিনি না মা, দেবতা আমি চিনি না !...তুমি

শুধু একটি কথা আমায় বল—

দেবকী ॥ কি বাবা— ?

কীৰ্ত্তিমান ॥ স্বর্গে আছে হীরার গাছ...হীরার গাছে সোণার ফুল !

সোণার ফুলে মণির আলো... । স্বর্গে আছে চূনির প্রজাপতি...

পান্না দিয়ে গড়া তার পাখা । জানি মা জানি, স্বর্গে আছে

সোণার নৌকা...রূপালী তার পাল। ...স্বর্গে আছে সব...
সোণা আছে, রূপা আছে,...রং বেরংএর পাখী আছে...সবি
আছে মা সবি আছে...কিন্তু একটি কথা আমায় বল—

দেবকী ॥ কি বাবা— ?

কীৰ্ত্তিমান ॥ [মায়ের মুখের দিকে উন্মুখ হইয়া] ...স্বর্গে কি আছে
আমার মা ? [বলিয়াই মায়ের আঁচল মুঠিতে চাপিয়া ধরিল—]

দেবকী ॥ -- ওরে—ওরে—

কীৰ্ত্তিমান ॥ [মায়ের মুখের কাছে মুখ লইয়া] —নাই ? নাই ?

দেবকী ॥ [মুখ সরাইয়া লইয়া] না—না—না— [কাঁদিয়া
ফেলিলেন—]

কীৰ্ত্তিমান ॥ আমি যাব না—

স্বর্গে আমি যাব না—

তোমায় ছেড়ে স্বর্গে আমি যাব না [কাঁদিতে লাগিল]

[দাতক-সহ বিদূরথের প্রবেশ—]

বিদূরথ ॥ [কীৰ্ত্তিমানকে দেখাইয়া] ওকে যেতেই হবে। ..

[দেবকীকে] তোমরা থাকবে—

কীৰ্ত্তিমান ॥ [বিদূরথের ঐ কথা শুনিয়া মাকে আরো বেশী আঁকড়াইয়া
ধরিয়া] —না—না, আমি যাব না—স্বর্গে আমি যাব না—

বিদূরথ ॥ [কীৰ্ত্তিমানের দিকে ছুটিয়া গিয়া] রাজাজ্ঞা...প্রভুর আদেশ
তোমাকে যেতেই হবে কীৰ্ত্তিমান—

কীৰ্ত্তিমান ॥ [শঙ্কিত দৃষ্টিতে বিদূরথের প্রতি একবার চাহিয়াই] না—
না—মা—

[সজোরে মায়ের গলা জড়াইয়া ধরিল। কিন্তু তখন মৃত্যু তাহাকে

কারাগার

আলিঙ্গন করিল । তাহার দেহ শ্লথ হইয়া দেবকীর কোলে পড়িয়া গেল]

দেবকী ॥ বাবা—বাবা—

[বসুদেব ছুটিয়া কীৰ্ত্তিমানের সম্মুখে আসিলেন—]

বসুদেব ॥ কীৰ্ত্তিমান—কীৰ্ত্তিমান—

দেবকী ॥ শেষ ! সব শেষ !

বসুদেব ॥ [কীৰ্ত্তিমানের মৃতদেহ তুলিয়া লইয়া বিদূরথের প্রসারিত
হস্তদ্বয়ে সমর্পণ করিলেন এবং বোধহয় বলিলেন]

নাও—নিয়ে যাও—

—চার—

প্রান্তর

--ধবিত্রী--

গান

কারা পাষণ ভেদি' জাগো নারায়ণ ।

কাঁদিছে বেদীতলে আঁঠু জনগণ,

বন্ধ-ছেদন জাগো নারায়ণ ॥

হত্যা-যূপে আজি শিশুর বলিদান,

অমৃত-পুত্রেরা মৃত্যু-ত্রিয়মান ।

শোণিত-লেখা জাগে, নাহি কি ভগবান ?

মৃত্যুকুধা জাগে শিয়রে লেলিহান !

শঙ্কা-নাশন জাগো নারায়ণ ॥

—পাঁচ—

[সেই পুষ্পবাটিকা । পাষাণঘরের উন্মুক্ত দ্বার ।
চতুর্ভুজ-নারায়ণ মূর্তি । সম্মুখে
ধূপদীপ নৈবেদ্য...
ইত্যাদি—]

চন্দনা একাকিনী ।

চন্দনা ॥ [আত্মহারা হইয়া সেই মূর্তি-সম্মুখে আরতি-নৃত্য করিতেছে ।—
নৃত্যশেষে ঠাকুর প্রণাম করিতে গিয়াই চন্দনা শিহরিয়া উঠিল ।
কেহ দেখিল কিনা দেখিবার জন্য চারিদিকে চাহিল...দেখিল কঙ্কণ ।]

চন্দনা ॥ কে তুমি ?...কঙ্কণ !...তুমি এখানে ?

কঙ্কণ ॥ এ প্রশ্ন তোমার ও আমি কর্তে পারি...তুমি এখানে ?

চন্দনা ॥ কোথায় যাবো ? তোমাদের সমাজে আমার ঠাই নাই...মানুষ
আমাকে পদাঘাতে দূর করে দিচ্ছে...দেবতার চরণে গিয়ে
পুটিয়ে পড়েছিলাম...দেবতাও বিমুখ হলেন ।—তাই আজ আমি
এখানে । বেশ আছি ।

কঙ্কণ ॥ বেশ আছ ?

চন্দনা ॥ হ্যাঁ, বেশ আছি ।...থাকব না ? সম্রাট আমাকে তার মাথার
মণি করে রেখেছেন— ।...প্রভূত আমার সম্মান, অপমান্য আমার
ক্ষমতা ।...ভোগে, বিলাসে, আনন্দে, উল্লাসে বেশ আছি !...নাচি
গাই...পূজা করি, আরতি করি—

কঙ্কণ ॥ পূজা কর ! আরতি কর ! কাকে ?

চন্দনা ॥ [নারায়ণ মূর্তির দিকে চোখ পড়া মাত্র চোখ ফিরাইয়া লইয়া]
...যাকে ভালোবাসি তাকে...

কারাগার

কঙ্কণ ॥ সেই দুর্ভুক্ত কংসকে—?

চন্দনা ॥ [মরিয়া হইয়া] হাঁ। ভালবাসি...খুব ভালোবাসি। ...তবু মনে শান্তি পাই না...ইচ্ছে হয় যদি আরো—আরো—আরো।
ভালবাসতে পারতাম—

কঙ্কণ ॥ নরকে ডুবছ—!

চন্দনা ॥ হাঁ, ডুবছি...হুঃখ এই, এখনো তার তল স্পর্শ করতে পারি
নি। ...

কঙ্কণ ॥ হিঃ চন্দনা, যখন ছুরাত্মা দানব আমাদের ওপর, দিনের পর দিন, নূতন হতে নূতনতর, পৈশাচিক অত্যাচার করছে...যখন আমাদের শালগ্রাম-শিলা চূর্ণ বিচূর্ণীকৃত, যখন আমাদের বিগ্রহ মন্দির হতে লুপ্তিত...যখন আমাদের যারা মধ্যমণি...সেই বসুদেব...দেবকী সানুচর কারাঙ্ক, তখন...তখন কিনা, তুমি...যাদব-নন্দিনী হয়ে...কোথায় সেই অত্যাচারের প্রতিকার করবে...তা না করে—

চন্দনা ॥ গয়তানের সেবা করছি? ...কেন করছি না? ...তোমরা কি করেছ? তোমরা এই অত্যাচারের মাঝেও কি মধুপান করছ না? গ্রামে যখন আগুণ লেগেছে, তখনও কি ঘরে বসেই শাস্তচর্চা করছ না? ...বেণু-বীণা নিয়ে জ্যোৎস্না-রাতে সঙ্গীত সেবা করছ না? সুকুমার কাব্যচর্চা হচ্ছে...কলা-লক্ষ্মীর কলাপূজা হচ্ছে...প্রেম হচ্ছে...বিবাহ হচ্ছে...। উৎসব...বিলাস...কি বন্ধ রয়েছে? আবার ওদিকে, নারী যখন ধর্ষিতা হচ্ছে...সমাজ পতিগণ সেইখানে দাঁড়িয়ে দাঁড়িয়ে হাদিমুখে ধর্ষিতা নারীর মনের বল পরীক্ষা করছেন...! পতিতা বণে'

কালাপার

তাকে সমাজচ্যুত করে, সমাজ ধর্ম রক্ষা করতেও তাদের কিছুমাত্র ক্রটি হচ্ছে না—কঙ্কণ, আমি কছি দেশদ্রোহিতা, আর এরা কছেন দেশসেবা, না ?

কঙ্কণ ॥ এরা ঘুমিয়ে আছে...এদের জাগাতে হবে...

চন্দনা ॥ হাঁ, আমি জাগাবো। কিন্তু, কঁাদতে কঁাদতে গিয়ে তাদের সম্মুখে নতজানু হয়ে প্রার্থনার স্বরে তাদের জাগতে বলবো না—, আমি তাদের জাগাবো...কেমন করে...সে আমিই জানি...! কিন্তু তুমি এখানে কেন ?

কঙ্কণ ॥ আমার প্রয়োজন আছে— [পাষাণ ঘরের দিকে তাকাইল—]

চন্দনা ॥ [তাহার প্রতি তীক্ষ্ণ দৃষ্টিতে]

আমি বুঝেছি—

কঙ্কণ ॥ [চমকিয়া উঠিল]

কি বুঝেছ ?

চন্দনা ॥ ঐ বিগ্রহ এখান হতে অপহরণ, কেমন ?

কঙ্কণ ॥ তুমি আমার সাহায্য করবে চন্দনা ? মহামতি বসুদেব, মা দেবকী ঐ বিগ্রহ-হারা হয়ে তাদের রুদ্ধ-কারাকন্দের দ্বারে মাথা খুঁড়ে মরছেন...আজ পর্যন্তও বিন্দুমাত্র জলস্পর্শ করেন নি—! তার উপর—

চন্দনা ॥ তার উপর ?

কঙ্কণ ॥ মা দেবকী এক স্বপ্ন দেখেছেন। ...দেখেছেন ঐ দেবতা তার গর্ভে জন্মগ্রহণ কর্তে আসছেন...জন্মগ্রহণ করে'...ধরণীকে অত্যাচার মুক্ত করবেন...! তারা শুধু সেই আশা নিয়েই আজও প্রাণ ধারণ করে' আছেন ! ...

কান্নাপার

চন্দনা ॥ আমি জানি—আমি জানি—

কঙ্কণ ॥ কিন্তু তুমি জানলে কি করে ?

চন্দনা ॥ মা দেবকীর ঐ স্বপ্ন দুঃস্বপ্ন-রূপে দানবের চোখের ঘুম কেড়ে নিয়েছে—

কঙ্কণ ॥ সত্যি বলছ চন্দনা—

চন্দনা ॥ সত্যি বলছি !

কঙ্কণ ॥ [পরমোল্লাসে] তবে আর মুহূর্ত্ত বিলম্ব নয় । আমি এখন [বিগ্রহের দিকে ছুটল ।]

চন্দনা ॥ [তাহার পথরোধ করিয়া দাঁড়াইল ।] — ...সাবধান...
কখনো নয়—

কঙ্কণ ॥ কেন, কেন চন্দনা ?

চন্দনা ॥ ঐ বিগ্রহ রক্ষণাবেক্ষণের ভার আমার ওপর । চোরের হাতে আমার ঐ নিধি সাঁপে দিতে পারি না । সাধ্য থাকে, সাহস থাকে, এখন হাতে ওকে জয় করে নিয়ে যাও...আর তা যদি না পার...
চোরের মতো পালিয়ে এসেছ...চোরের মত পালিয়ে যাও—

কঙ্কণ ॥ [স্তম্ভিত হইল !] বটে !

চন্দনা ॥ হাঁ । ছেনো চারিদিকে প্রহরী, আর সে প্রহরীদের অধিপতি,
তোমারি পিতা বিদুরথ— ! [প্রস্থান]

কঙ্কণ ॥ এখন তো তবে সবাই এসে পড়বে ! ও...ক ? মা— ?

[হৃৎকলস মস্তকে, এবং রুগ্ন শিশু-পুত্র রঞ্জনকে ক্রোড়ে লইয়া
অঞ্জনার প্রবেশ—]

অঞ্জনা ॥ কঙ্কণ ? —আবার তুই এখানে—পালা—বাবা—পালা—

কঙ্কণ ॥ তুমি এখানে কেন মা ?

অঞ্জনা ॥ —তোদেরই জন্ত বাবা। —আমার যে না এসে উপায়
নাই—মানত—মানত—

কঙ্কণ ॥ তবে এই অবসরে যা—এই অবসরে—

[অঞ্জনাকে লইয়া পাষণ-ঘরের দিকে অগ্রসর হইল—]

[নেপথ্য হইতে বিদূরথ ॥ অঞ্জনা—অঞ্জনা—শোন—শোন—]

কঙ্কণ ॥ ঐ পিতার কর্তৃক পিতা বাধা দিতে আসছেন। তার পূর্বে
—তার পূর্বে— [অঞ্জনাকে লইয়া পাষণ-ঘরে প্রবেশ করিল।
সঙ্গে সঙ্গে সেতু-পথ আলোকিত হইল। দেখা গেল সেতু-পথের
উপর দণ্ডায়মান কংস।]

কংস ॥ হাঃ হাঃ হাঃ [অট্টহাস্ত এবং উর্ধ্বে ইঙ্গিত। সঙ্গে সঙ্গে উর্ধ্ব
হইতে পাষণ-দ্বার নামিয়া গেল। নামিয়া যাওয়ার সঙ্গে সঙ্গে
হাওয়ার ভাসিয়া আসিল তাহাদের আলোর জন্ত শেষ আকুলি-
বিকুলি—“আলো! আলো! আলো!”]

[ছুটিয়া বিদূরথের প্রবেশ।]

বিদূরথ ॥ প্রভুদ্রোহিনী স্ত্রী যাক্... পিতৃদ্রোহী পুত্র যাক্... কিন্তু দুখের
শিশু আমার ঐ রঞ্জন! [পাষণ প্রাচীরে করাঘাত করিতে
করিতে] রঞ্জন! রঞ্জন! ওরে আমার রঞ্জন! [পাষণ
প্রাচীরে মাথা খুঁড়িতে লাগিল।]

কংস ॥ বিদূরথ—

বিদূরথ ॥ [চমকিয়া উঠিল। প্রভুর সম্মুখে স্বীয় মর্মবেদনা গোপন
করিতে প্রাণপণ চেষ্টা করিয়াও সফল হইল না—] প্রভু!

কংস ॥ কে বন্দী হল?

বিদূরথ ॥ প্রভুদ্রোহী স্ত্রীপুত্র—!

কালাপার

কংস ॥ আমার শত্রু । ...কিন্তু সেজন্য কি তুমি কাঁদছ ?

বিদূরথ ॥ কাঁদছি ? না—কখনো না । প্রভূদ্রোহিতার উপযুক্ত দণ্ড
হয়েছে...

কংস ॥ তবে— ?

বিদূরথ ॥ না—না—না—না—ওঃ ! আমার বুকের ধন ঐ রজনটা—

[কাঁদিয়া ফেলিল ।]

—ছয়—

প্রান্তর

—ধরিত্রী —

গান

পূজা-দেউলে, মুরারী,

শঙ্খ নাহি বাজে !

ভগ্ন ঘট, শূন্য খালা,

পুণ্য-লোক রক্তে ঢালা,

দেত্য সেথা নৃত্য করে মৃত্যু-সাজে ।

দাও শরণ তব চরণ মরণ মাঝে ॥

—সাত—

[পুনরায় সেই পুষ্পবাটীকা ।]

* * * * *

[পাষণ-ঘরের দেওয়ালে কাণ দিয়া দাঁড়াইয়া বিদূরথ...এ যেন
কোন চোর...ভেতরে কেহ জাগিয়া আছে কিনা
পরীক্ষা করিতেছে ।]

বিদূরথ ॥ রজন !...রজন ! কথা ক'...সাজা দে'...খিদে পেয়েছে ?...
বল রে বল...না হয় কেঁদেই ওঠ...তবু বুঝি, এখনো—এখনো
তুই—[কংসের আবির্ভাব, সঙ্গে নরক]

কংস ॥ ওখানে কে ?

বিদূরথ ॥ [তড়িৎস্পৃষ্টবৎ চমকিয়া উঠিল—] এ্যা—

কংস ॥ বিদূরথ ! তুমি ! আজও এখানে— ?

বিদূরথ ॥ [অপরাধের একটী কৈফিয়ৎ সংগ্রহ করিয়া] আমি...আমি
কাণ পেতে শুনছিলাম অপরাধীরা আর্তনাদ কছে' কিনা—

কংস ॥ আর্তনাদ কছে' ?

বিদূরথ ॥ —না ।

কংস ॥ তোমার প্রভুর শত্রু চিরতরে নিপাত হয়েছে । বিদূরথ, তুমি
আনন্দিত, না ব্যগিত ?

বিদূরথ ॥ [জোর করিয়াই] আনন্দের কথা বই কি—আনন্দের কথা
বই কি—

কংস ॥ কিন্তু সে আনন্দের প্রকাশ কই ? তোমার মুখে হাসি কই ?

বিদূরথ ॥ [হাসিতে চেষ্টা করিয়া] হাসবো বই কি ! হাসবো বই কি !
[কিন্তু ব্যথা আর চাপিয়া রাখিতে পারিল না] কিন্তু...কিন্তু...

কারাগার

ঐ রঞ্জনটা—[একটা অব্যক্ত আর্তনাদ অফুটভাবে বাহির হইল ।

বিদূরথ প্রস্থান করিল ।]

কংস ॥ নরক, এর অর্থ ?

নরক ॥ লক্ষণ ভালো নয় সম্রাট !

কংস ॥ পুত্র ^ঐএর, গভীর বিদ্রোহ কি বিদূরথেও সংক্রামিত হল ?

নরক ॥ এখন হাতে ওকে একটু চোখে চোখে রাখতে হবে সম্রাট ।...

চারিদিকেই লক্ষণ খারাপ । নারদ-মুনি তো স্পষ্ট বলেই
গেলেন—

কংস ॥ তোমাকে আবার কি বলেছেন ?

নরক ॥ স্বর্গে দেবতাদের সভা হয়েছে । হৃষ্কতের দমন জন্ত এবং
সাধুদের পরিত্রাণ জন্ত নারায়ণ নাকি অবিলম্বেই দেবকীজঠরে
জন্মগ্রহণ করবেন—

কংস ॥ সেই পুরাতন দৈববাণীরই পুনরাবৃত্তি ..“ভগিনী-নন্দন হতে
কংসের নিধন ।”

নরক ॥ ভগিনী-নন্দন তো সব সাবাড়—

কংস ॥ ^ঐ[চমকিয়া উঠিয়া] সব ?

নরক ॥ —সব ।

কংস ॥ সব শুদ্ধ কটি গেল ?

নরক ॥ বোধ হয় ছয়টি ।...

কংস ॥ [সত্য সত্যই মর্ষবেদনায় আহত হইল ।] আ—হা—হা,
আমার সেই দেবকী ! ওঃ [দুই হাতে মুখ ঢাকিল ।]

নরক ॥ সম্রাট—

কংস ॥ নরক—

নরক ॥ এতগুলো জীবহত্যার চেয়ে এক ঐ বসুদেব...কি দেবকী...
হুজনার একজনকে কেটে ফেললেই তো সব ল্যাঠা চুকে যায়—
'অর্থাৎ কিনা বিষবৃক্ষ কেটে ফেললেই বিষফলের ভাবনা থাকে না—

কংস ॥ নরক—

নরক ॥ সত্যটি—

কংস ॥ তুমি জানো না নরক দেবকীকে আমি কি স্নেহ করেছি...কি
স্নেহ করি !

নরক ॥ তা জানি না। তবে হয়ত তার একটু নিদর্শন দেখেছিলাম
তারই বিবাহ-বাসরে...যখন ঐ কাল দৈববাণী হল—

কংস ॥ আমি তার শিরশ্ছেদ কর্তে উদ্বৃত্ত হয়েছিলাম। নরক—
নরক—আজ বুঝছি আমার সে অভিনয় কতখানি সফল, কত-
খানি সার্থক হয়েছিল। সে অভিনয়ে তবে শুধু বসুদেবই
প্রতারিত হয় নি, তুমিও—!

নরক ॥ ...কিন্তু সত্যটি, দেবকীর ছয় ছয়টি পুত্রহত্যা ..সে কিন্তু মোটেই
অভিনয় নয়...সেগুলি সত্য-সত্যই...সত্য !

কংস ॥ নরক. আমি আমার ভগিনীকেই ভালোবাসি, ভাগিনেয়কে
নয় —

নরক ॥ ভাগিনেয় বধ করে ভগিনীকে যেরূপ নিদারুণ ভালোবাসা
হচ্ছে—

কংস ॥ বুঝি, কিন্তু নরক, ভগিনীর চাইতেও আমি বেশী ভালবাসি
আমাকে।...হাঁ নরক, এটি একটি পরম সত্য...। এই সত্যের
উপাসক তুমি...আমি...সকলে।...অথচ এই সত্য কথাটিই তুমি
বক্তমান আলোচনার একেবারেই ভুলে যাচ্ছ—! সুখের বিষয়

কারাপার

নারদঋষি একথাটি কোন সময়ই ভোলেন না। তিনি বলেন,
'আত্মানং সততং রক্ষেৎ।'

নরক ॥ “রক্ষেৎ” তো বুঝলাম। কিন্তু রক্ষার উপায় কি তা কি কিছু নির্দেশ করলেন ?

কংস ॥ সে তো পূর্বেই করেছেন। এবং সেই অনুযায়ী কাজও হচ্ছে।
এবার তিনি শুধু একটি তিথির প্রতি লক্ষ্য রাখতে বললেন—

নরক ॥ তিথি ?

কংস ॥ হাঁ, তিথি...অষ্টমী তিথি।...কেন, শুনবে ?

নরক ॥ বলুন সন্ন্যাসী—

কংস ॥ সেটা গোপনই থাক...নরক !

নরক ॥ অথচ জানি, গোপন রাখতে পারবেন না। এ আপনার কম
যজ্ঞগা নয় সন্ন্যাসী...

কংস ॥ যজ্ঞগা ?

নরক ॥ হাঁ, যজ্ঞগা।..বিশ্বাস না করতে পারার যজ্ঞগা।...অতর্ক্যেও
বিশ্বাস কর্তে পারেন না, নিজকেও নয়—

কংস ॥ [নরকের প্রতি তীব্র তীক্ষ্ণ দৃষ্টিতে] নিজকে বিশ্বাস করি না
কি করে তুমি জানলে ?

নরক ॥ সন্ন্যাসী, আমি আপনার জন্মরহস্য জানি—।

কংস ॥ জন্মের আর রহস্য কি ! আমি উগ্রসেনের ক্ষেত্রজ পুত্র...দানব
দ্রমিলের ঔরসজাত পুত্র। মানবী মাতার গর্ভে দানবের ঔরসে
আমার জন্ম...মানবদেহধারী হলেও আমি দানব...এই তো
রহস্য ? কে না জানে ?...কিন্তু আমি, আমাকে বিশ্বাস করি
নে—এ কথা তুমি কি করে বল ?

কারাগার

নরক ॥ আপনার জন্মরহস্য সবাই জানে বটে, কিন্তু সবাই আপনার অবিরত পার্শ্বচর নয়। মহারানী অস্তি আর মহারানী প্রাপ্তি পিত্রালয়ে গমন করার পর থেকে আমি রাত্রেও আপনার পার্শ্বে প্রহরী থাকি... কারণ... ঘুমের ঘোরে মাঝে মাঝে... আপনি সাধারণ মানুষের মতোই ভয় পেয়ে চমকে ওঠেন—। আমি আরো লক্ষ্য করেছি—

কংস ॥ কি, কি লক্ষ্য করেছ—?

নরক ॥ আপনার ভেতরকার মানবী-মা আর্তস্বরে কেঁদে ওঠেন—

কংস ॥ নরক—নরক—

নরক ॥ আপনি তখন আপনার দানবত্ব বিস্মৃত হন। বিস্মৃত হয়ে সেই দানবী-মার পায়ে কাঁদতে কাঁদতে লুটিয়ে পড়েন—

কংস ॥ সাবধান নরক, সাবধান—!

নরক ॥ কিন্তু সে আপনার মুহূর্তের দৌর্বল্য সম্রাট। তারপরই যখন আবার আত্মস্থ হন... তখন আপনি শুধু দানব নন, দুর্নিবার দানব। কিন্তু সেই সাময়িক দৌর্বল্যের কথা আপনি জানেন, এবং জানেন বলেই আপনার আত্ম-বিশ্বাসের অভাব আছে।

কংস ॥ [একরূপ গায়ের জোরে] মিথ্যা কথা—আমার আত্মবিশ্বাস পর্বর্তের মতই অটল।

[সেতুপথ আলোকিত হইল। দেখা গেল, সেতুদণ্ডে
ভর দিয়া চন্দনা দাঁড়াইয়া রহিয়াছে।]

চন্দনা ॥ মিথ্যা নয়, আমিও তার সাক্ষী...

কংস ॥ —কবে?

চন্দনা ॥ গত রাত্রে।

কারাগার

কংস ॥ [পুনরায় গায়ের জোরেই] মিথ্যা—মিথ্যা—। অথবা তোমরা ভুল দেগেছ, ভুল বুঝেছ ।...আমি দুঃখল ? মিথ্যা কথা ।...মুহুর্তের তরেও আমি এতটুকু দুঃখল নই । আমি নির্দম . আমি নিষ্ঠুর... আমি শুধু দুঃদাস্ত দানব নই, আমি দুর্নিবার সহতান ।...ঐ যে মন্থুখে পাষণ-ঘর ওরি মধ্যে বন্দী করেছি এক সুকুমার কিশোর এবং সঙ্গে তার অভাগিনী মাতা . ঐ অন্ধকূপের অন্ধকার তরে ঐ পাষণ-বিগলিত করে ভেসে এনেছে তাদের কাতর আর্তনাদ “আলো দাও” “জল দাও” “আহার দাও”—! অটু-ভাঙ্গে সেই আর্তনাদ ডবিরে দিয়েছি, শিরায় শিরায় দানবের রক্ত নেচে উঠেছে...মনে প্রাণে সহতান ক্ষেপে উঠেছে... ওঠে নি .. ? তোমরা দেখনি ?

নরক ॥ দেগেছি—

কংস ॥ কিষ্ট ওতেও তো ক্ষুধা মিটেছে না...পিপাসা ক্রমে বেড়েই চলেছে... এবার ? এরপর ?

চন্দনা ॥—বাইরের ঐ যাদব পল্লীতে আশুগ ধরিরে দাও ! ..পল্লীবাসীরা শশু-শ্যামল ক্ষেত্র ডায়া গাভল কৃষ্ণ-কুণীর জলে উঠুক...অুগ নিজায় সুখ-শয়ান স্বামা স্ত্রী চম্কে উঠুক ..তাদের প্রিয়তম পুত্রকন্যা তাদের চোখের মন্থুখে দগ্ন হোক... তাদের উদ্ধার করার বিফল প্ররাসে তাবা নিজেবা ভস্মীভূত হোক...আকাশ জুড়ে ক্রন্দনেব রোল উঠুক...প্রলয়ের বিষণ বেড়ে উঠুক .

কংস ॥ [এই দৃশ্য যেন তার চোখের মন্থুখে প্রত্যক্ষ হইয়া উঠিতে ছিল—সোৎসাহে] উঠুক—উঠুক—আর সেই বিশ্বগ্রাসী লেলিহান অগ্নিশিখার রক্ত-আলোকে আলোকিত হয়ে আমবা সেই অপূর্ণ

দৃশ্য দেখি—আমার ক্ষুধার্ত...পিপাসার্ত দানবাত্মা তৃপ্ত হোক...
তৃপ্ত হয়ে নৃত্য করুক...থিয়া তাইথে! থিয়া তাইথে!...
বিদূরথ—বিদূরথ—

চন্দনা ॥ বিদূরথ নয়, এ আগুণ আমি জালব, আমি—আমি—আমি—
দেখ তুমি—[প্রস্থান]

কংস ॥ সুরা দাও—সুরা দাও—পাত্রের পর পাত্র দাও—পিপাসায়
আমার কণ্ঠ রোধ হয়ে আসছে...

[মদিরা, মত্তপাত্র লইয়া নাচিতে নাচিতে প্রবেশ করিয়া কংসকে
মদ পরিবেশন করিতে লাগিল ।—]

কংস ॥ [এই নৃত্যের মধ্যে কংস আকণ্ঠ মত্তপান করিয়াছে—] আমার
ঘুম পাচ্ছে—আমার ঘুম পাচ্ছে—আজ কতকাল পরে ঘুম এল
চোখে!...নেচে নেচে নিয়ে আয় ঘুম...গান গেয়ে চোখে আন
ঘুম। ঘুমুলে আমায় কেউ ডাকিস নে...তোরাও গিয়ে ঘুমো—

[নিদ্রাকর্ষণ]

[ঘুমপাড়ানী গান—গাহিতে গাহিতে নর্তকীদের প্রবেশ—]

ঘুম ঘুম ঘুম ধরার আঁখি !

টাঁদের আলোয় ঘুমিয়ে চকোর, ঝিমিয়ে আসে নয়ন-পাখী !

আজকে তারার দীপালিতে, কোন্ স্বপনের নিদালীতে,

এই অধরে ঐ অধরের চুমোর ছোঁয়া মাখিয়ে রাখি !

ঘুম-কুমারী, জাগো এখন অস্তুরে,

ঘুমকে আনো ঘুম-পাড়ানী মস্তুরে !

কান্নাপান

শ্রান্ত মোরা মাটির কোলে, এই ধরণীর কলরোলে !

সাধ হয়েছে, পীতমকে আজ জড়িয়ে ধরে ঘুমিয়ে থাকি !

[কংস ঘুমাইয়া পড়িয়াছে । নর্তকীরা নাচিতে নাচিতে গাহিতে গাহিতে চলিয়া গেল । নরক মদ খাইতে খাইতে তাহাদের সঙ্গে চলিয়া গেল—শুধু কথেকজন প্রহরী দরে চিত্রপ্রায় দাঁড়াইয়া রহিল ।]

* * *

[অন্ধকাব । সেই অন্ধকাবে ক্রমে ক্ষীণ আলোক বিকাশ হইল । কংস স্বপ্ন দেখিতে লাগিল—

— স্বপ্নদৃশ্য—

পাষাণঘরে অবরুদ্ধ চতুর্ভুজ নারায়ণমূর্তি । বন্ধন ও অঞ্জনা । অঞ্জনার ক্রোড়ে রঞ্জন । কঙ্কণের মুখে খোঁচা খোঁচা দাঁড়ি । সকলেই ক্ষুৎপিপাসায় মুমূর্ষু । খাদ্য এবং জলের জ্ঞান সকলের প্রাণপন চেষ্টা । চেষ্টা নিষ্ফল । অবশেষে অঞ্জনা বেদীমূলে মাথা খুঁড়িতে লাগিল । কপাল কাটিয়া দরদরধাবে রক্ত পড়িতে লাগিল । সেই বক্ত অঞ্জনা সংগ্রহ করিয়া করিয়া রঞ্জনের জিহ্বায় দিতে লাগিল । রঞ্জন তাহা খাইয়া কথঞ্চিৎ শান্ত হইল বটে, কিন্তু পবে মাতাব স্তন্যদুগ্ধ চাহিতে লাগিল । অঞ্জনা জ্বাব করিয়া তাহাকে তাহা হইতে বঞ্চিত করিয়া ...সেই দুগ্ধ একটি পাত্রে সংগ্ৰহ করিয়া ...তাহা পিপাসার্ত কঙ্কণকে দিলেন । কঙ্কণ তাহা পান করিল । রঞ্জন ক্রমে মৃত্যুবরণ করিল । ... অঞ্জনা তাহা অনুভব করিয়া পুল শোকে কাতর হইয়া কঙ্কণকে ডাকিলেন । বন্ধন গিয়া বুঝিল রঞ্জনের মৃত্যু হইয়াছে । কঙ্কণ শোকে ক্ষিপ্ত হইয়া উঠিল ..কিন্তু পবে শোকেই আনন্দ অভিভূত হইয়া পড়িল, এবং মাতার গলা জড়াইয়া ধরিয়া ফোঁপাইয়া ফোঁপাইয়া কাঁদিতে লাগিল ।

* * *

অন্ধকাব : ক্রমে আলোকের বিকাশ । দেখা গেল কংস ঘুমাইয়া রহিয়াছে,—কিন্তু তখনি বোধকরি ঐ কন্দন তাহার কর্ণে শব্দ ।

সে ঘুম হইতে চমকিয়া উঠিল। তাহার মধ্যকার স্তম্ভ মানব জাগ্রত হইল। সে ভুলিয়াই গেল যে সে দানব। সে প্রথমে বুঝিতে চেষ্টা করিল কোথা হইতে ঐ ক্রন্দন ভাসিয়া আসিতেছে। যখন বুঝিল, তখন ছুটিল...পাষণঘরের দেওয়ালে কাণ পাতিল।]

কংস ॥ ওরে, তোরা কে ? বল, তোরা কে ? ...এক মা... আর দুই সন্তান ? কি হয়েছে তোদের ? দুধের শিশুর মৃত্যু হল ? কেন ? জল পায় নি ? এক ফোঁটা জলও পায় নি ? ... কি ? ...মা ও কে এক ফোঁটা জল দিয়ে বাঁচাবার জন্তু মাথা খুঁড়ছিল ? ...কপাল কেটে রক্ত বের হল ? ওর পিপাসা মেটাতে সেই রক্ত ওর জিবে দিলেন ? .. কি ? কি ? ... আর একটু জোরে বল— ...কি ? এত করেও বাঁচল না ? আ—হা—হা ! [সেখানে আর দাঁড়াইয়া থাকিতে পারিল না। একরূপ কাঁদিতে কাঁদিতেই সরিয়া আসিল—] ...আ—হা—হা— ! নিজের রক্ত দিয়েও মা তার বুকের ধনকে বাঁচাতে পারল না ! মায়ের চোপের সামনে এক ফোঁটা জলের জন্তু কি তার আকুলি বিকুল ! একি চারিদিকে হাহাকার ! ... চারিদিকে দীর্ঘশ্বাস ! আকাশে বাতাসে উঃ কি হৃদয়ভেদী ক্রন্দনের রোল ! ও—হো—হো— ! [কাঁদিতে কাঁদিতে] এ কি ! এ কি ! [স্তম্ভ মনুষ্য জাগ্রত হইল] কেন এই ক্রন্দন ? কেন এই দীর্ঘশ্বাস...এই হাহাকার ? ...কর এই অত্যাচার ? আমি তাকে—আমি তাকে— [হঠাৎ স্মরণ হইল অত্যাচার তার নিজের—অমনি—কাঁপিয়া উঠিল...পরম লজ্জায়] সে যে আমি—সে যে আমি—আমি নিজে—আমি নিজে—[বলিতে বলিতে

কারাপার

তুই হাতে মুখ ঢাকিয়া পালাইল—সিংহ-পীঠিকার তাহার শয্যায় ।

...চোখ বুঁজিয়া পড়িয়া রছিল ।]

[* অন্ধকার * —]

[পুনরায় সেই স্বপ্ন দৃশ্য । এবার রঞ্জনের কঙ্কালটি দেখা যাইতেছে । তাহাই আঁকড়াইয়া ধরিয়া অঞ্জনা পড়িয়াছিল । কঙ্কণ মাতাকে টানিয়া তুলিল । ...যেন বলিল ঈশ্বরের নিকট এর প্রতিশোধ প্রার্থনা করি এস । বহু কষ্টে অঞ্জনাকে ধরিয়া তুলিলে উভয়ে নতজানু হইয়া বসিল । প্রার্থনাও করিল । তাহার পরই অঞ্জনা মাটিতে সেই যে লুটাইয়া পড়িল, আর উঠিল না । কঙ্কণ বুঝিল অঞ্জনারও শেষ হইল । শোকে মুহমান কঙ্কণ কাঁদিতে কাঁদিতে, প্রতিশোধ স্পৃহায় কাঁপিতে কাঁপিতে, নতজানু হইয়া এক হাত মৃত্যু মাতার দিকে প্রসারিত করিয়া, অণু হাত উর্ধ্বে তুলিয়া ভগবানের দৃষ্টি এই অত্যাচারের বিরুদ্ধে আকর্ষণ করিল—দেখিতে দেখিতে নারায়ণ মূর্তি রূপান্তরিত হইল এক কৃষ্ণ প্রস্তর খণ্ডে...তাহাতে জলস্তাকেরে একে একে ফুটিয়া উঠিল—

“যদাযদাহিধর্ম্মশ্রম্মানির্ভবতি ভারত ।

অভুখানমধর্ম্মশ্রতদাত্মানংসৃজাম্যহম্ ॥

পরিভ্রাণারগাধূনাং বিনাশায়চহুঙ্কৃতাম্ ।

ধর্ম্মসংস্থাপনার্থায় সম্ভবামি যুগেযুগে ॥

[আবার অন্ধকার । সে অন্ধকার যখন অস্তুরিত হইল তখন দেখা গেল কংস নিদ্রিত । চন্দনা ছুটিয়া আসিয়া তাহাকে জাগাইল ।]

চন্দনা ॥ সম্রাট ! দানবেশ্বর !

কংস ॥ [জাগিয়া উঠিয়াই] কি চন্দনা ?

চন্দনা ॥ [পরমোল্লাসে] আ গুণ ! আ গুণ— !

কংস ॥ কোথায় ?

চন্দনা ॥ ষাদব পল্লীতে । সব কী ঘুমই ঘুমছিল...কিছুতেই জাগবে না ।
 ...যেন প্রতিজ্ঞা কবে ঘুমছিল । এইবার ঘুম ভাঙে কিনা—
 দেখ— [সেখানকার একটি পরদা টানিয়া সরাইয়া] ...যে
 ঘরে বসে সংসার চিন্তাতেই বিভোর হয়ে ছিল...সে জেগেছে ...যে
 ঘরে বসে শাস্ত্রাধ্যয়ন করাছিল সে জেগেছে, ...সমাজ-দেবতারাও
 জেগেছেন...শুধু জাগেনি . জলন্ত ঘরের মধ্য হতে দগ্ধ হয়ে, ছুটে
 পথে এসে দাঁড়িয়েছে . নিজেরা জেগেছে...এইবার ভগবানকেও
 জাগতে বলছে । এইবার দেখ—ঐ বধির ভগবান জাগেন কিনা!
 এতেও যদি না জাগে,—এতেও যদি ঐ মাটি...ঐ পাষাণের চেতনা
 না হয় তবে এবারে ঘরে আগুন জেলেছি, এখন বুকে আগুন
 জাল্বো...মাতার বুকে...পিতার বুকে...নরের বুকে...নারীর বুকে
 সেই আগুন...যে আগুন আমার বুকে জলছে—সেই আগুনে ঐ
 মুক...ঐ বধির...অচেতন ভগবান...পড়বে পড়বে পুড়ে আমারি
 মতো ছাই হয়ে যাবে ।

[দুব হইতে ভাসিয়া আসিল সহস্র কণ্ঠের প্রার্থনা :—

“ভগবান জাগো !

ভগবান জাগো !”]

কংস ॥ [সেই অগ্নিদাহ-দৃশ্য যেন দুই চোখ দিয়া পান করিতেছিল—]

আঃ...ক্ষুধা মিটল ! পিপাসা মিটল ! আঃ...আরো আগুন
 চাই, আরো আগুন...

[বাহিরের প্রার্থনা ভাসিয়া আসিল—

“ভগবান জাগো !

“ভগবান জাগো !]

কংসাগার

[সাতকে বিদুরথের প্রবেশ]

কংস ॥ হাঃ হাঃ হাঃ বলে ভগবান জাগো ! ওদের ভগবান জাগে...

ঐ— [উল্টে ইচ্ছিত । পাষণ্ডার উঠিয়া গেল । পাষণ্ডার হইতে বাহির হইয়া আসিল কঙ্কণ, এক হাতে সেই চতুভুজ নারায়ণ মূর্তি, অপর হাতে রঞ্জনের কঙ্কাল । অঞ্জনার মৃতদেহ পাষণ্ড ঘরে লুটাইতেছে—]

কঙ্কণ ॥ ভগবান জাগে—ভগবান জাগে । অত্যাচারের আশুণ যখন জলে উঠে, তখন মৃত মানব জাগে, নিদ্রিত ভগবান জাগে— !

কংস ॥ [কঙ্কণকে দেখিয়া সবিস্ময়ে] এ কি ! এ কি ! কে এ ?

বিদুরথ ॥ কঙ্কণ ! তুই এগনো বেঁচে আছিস ?

কঙ্কণ ॥ হ্যাঁ, বেঁচে আছি । বেচে নাই মাতা । বেচে নাই রঞ্জন ।

[মৃত্যু অঞ্জনাকে দেখাইয়া] ঐ...মাতা । [রঞ্জনের কঙ্কাল বিদুরথের প্রতি নিক্ষেপ করিয়া] হে প্রভুভক্ত পিতা, ঐ রঞ্জন ।

[কংসকে] আর হে সন্ন্যাস, ভাবছ কেমন করে আমি বাচলাম ? শুনে মাতাকে শিউনে উঠবে । তোমার এই নরক

ধর্ম্মপাজ) প্রতিষ্ঠাব জন্য আমার ভগবতী মাতা...মুমূর্ষু... দুঃখের শিশু... ঐ রঞ্জনকে তাব স্তন হতে বঞ্চিত করে, সেই স্তনের শেষ

বিন্দুটুকু পয়স্কৃত আগায় পান করিয়ে, ঐ শিশু দধিচৌ বঞ্জনকে নিয়ে মৃত্যু বরণ কবেছেন । আজ আমি শুধু বেঁচে নাই.

আজ আমি পাহাড় চূর্ণ করতে পারি । মাতৃস্তনের অমোঘ শক্তি আমার বাহতে । এই বাহতে বহন করি জাগ্রত ভগবান

... প্রতিষ্ঠা করব দেবকী ক্রোড়ে, কংস-করাগারে [কংসের প্রতি] সন্ন্যাস, সাধা থাকে বাধা দাও . [সগর্বে প্রশ্বাস ।]

কংস ॥ [অভিভূত হইয়াও] ধর—ধর—[মূর্ছা ।]

ଚତୁର୍ଥ ଅଙ୍କ

—এক— *

[প্রাসাদ কক্ষ ।

কক্ষের এক পার্শ্বে একটি পূজাবেদী, তত্পরি
শালগ্রাম শিলা ।]

—উগ্রসেন ।—

[উগ্রসেন সেই শালগ্রাম শিলা পূজা শেষ করিয়া প্রণাম করিয়া
উঠিয়াই দেখেন সম্মুখে কংস উপস্থিত ।]

কংস ॥ [নেপথ্যে চাহিয়া ডাকিল]

—নরক

[নরকের প্রবেশ]

নরক ॥ সম্রাট—

কংস ॥ কই আমার পিতৃদেব কই ?

নরক ॥ [উগ্রসেনের মুখের দিকে তাকাইল । আবার কংসের মুখের
দিকে তাকাইল ।]

উগ্রসেন ॥ আমাকে পিতা-রূপে স্বীকার কর্তে কি লজ্জা বোধ হচ্ছে
সম্রাট ?

কংস ॥ আমার পিতা ? আপনি ? সে কি ! [ভালো করিয়া
নিরীক্ষণ করিয়া] তাই তো ! [তখন শালগ্রাম শিলার প্রতি
দৃষ্টি নিক্ষেপ করিয়া] তবে ও কি ?

* অভিনয়কালে এই দৃশ্য পরিত্যক্ত হয় ।

কারাগার

উগ্রসেন ॥ - নারায়ণ । আমি পূজা করি । এবং যদি তুমি এই শালগ্রাম চূর্ণ কর—তা হলেও আমি এতটুকু ছঃখিত হব না, কারণ—

কংস ॥ কারণ— ?

উগ্রসেন ॥ এই শালগ্রাম শিলাটির সঙ্গেও একটি দৈববাণী জড়িত আছে । যদি ইচ্ছা হয়, তুমি শুনতে পার—

কংস ॥ দৈববাণী ?

উগ্রসেন ॥ হ্যা, দৈববাণী । এক দৈববাণী তুমি স্বকর্ণে শুনেছ... দেবকীর বিবাহ বাসরে । মনে আছে সে দৈববাণী ?

কংস ॥ হ্যাঁ, সে দৈববাণীর ছন্দটি অতীব মধুর বলে কিছুতেই ভোলা যায় না— । কাণ দুটি আবার একবার জুড়িয়ে দাও তো নরক—

নরক ॥ “দেবকী নন্দন হতে কংসের নিধন ।”

কংস ॥ আ—হা—হা ! .. কি সুস্বাদিত ছন্দ ! কি শ্রুতিমধুর বাক্য-বিন্যাস— ! বাবা, আপনার কণপটাহে মধুরষ্টি হচ্ছে না ?

উগ্রসেন ॥ পুত্রের নিপনে পিতা উল্লসিত হয়... জগতে আর কখনো ঘটেছে কি না জানি না । কিন্তু আমি উল্লসিত হব । তুমি আমাদের সিংহাসন চ্যুত করে সম্রাট হয়ে বসে, আমাদের এই প্রাসাদ-কক্ষে বন্দী করে রেখেছ বলে নয়,—

কংস ॥ পিতা, আপনার তবে কোন কষ্ট হচ্ছে না .. কুশলে আছেন, এবং সুখেও আছেন দেখছি ! নরক, যাক্ আজ আমার মন শান্তি পেল, পিতাকে আমি সুখী করতে পেরেছি । এ সংসারে কয়জন পুত্র তা পারে ? বল নরক—

নরক ॥ যথার্থ বলেছেন সম্রাট !

উগ্রসেন ॥ [নরকের প্রতি] শুক হও কুকুব— [কংসকে] তুমি
শোন নরাধম, তোমার নিধনে আমি মহা উল্লসিত হব কারণ...
তুমি আমার এক পুত্র... রাজ্যব্যাপী আমার আর লক্ষ লক্ষ
পুত্রের জীবন ছাৰ্কেসহ করেছ... * * *

* —, তুমি তাদের ঘর-সংসার শ্মশান করেছ...

কংস ॥ কিন্তু তারা এ কথা বলে না—

উগ্রসেন ॥ তুমি তাদের কণ্ঠরোধ করেছ—

কংস ॥ হাঁ, চাঁৎকার নাহি। একটা পরম শাস্তি—একটা চমৎকার
শৃঙ্খলা বিরাজ কছে—। ...

উগ্রসেন ॥ কিন্তু তারি অন্তরালে, অব্যক্ত আৰ্জ্জনাৎ অক্ষুট ক্রন্দন...
তা তোমার কণ্ঠ কুহরে প্রবেশ কবে না বটে, কিন্তু...তা
বাথাহারা নারায়ণের নিদ্রা ভঙ্গ করেছে, হে দানব, এখনো
সাবধান—

কংস ॥ নারায়ণ? নারায়ণ? [শালগ্রাম শিলাটি তুলিয়া লইয়া]
যুম বুঝি এর কিছুতেই ভাঙে না, পিতা?

উগ্রসেন ॥ হাঁ চূর্ণ কর। আমান প্রায়শ্চিত্ত হবে। আমি যে দ্বিতীয়
দৈববাণী শুনেছি, পূর্ণ হবে।

কংস ॥ আবার কি দৈববাণী?

উগ্রসেন ॥ শুনবে? শুনবে?

কংস ॥ দৈববাণীর মধুর ঝঙ্কার শুনবে না? বলুন পিতা, আমার
কাণ খাড়া হয়ে উঠেছে—

উগ্রসেন ॥ মন্দির লুণ্ঠন ভয়ে ভীতার্ভ এক ব্রাহ্মণ স্বপ্নাদিষ্ট হয়ে
ঐ শালগ্রাম শিলা আমাকে দান করে গেছেন। যে মুহূর্তে ঐ

করাপার

শালগ্রাম শিলা আমি অঞ্জলি পেতে গ্রহণ করলাম সেই যুহার্ভে
দৈববাণী হল—

কংস ॥ মধু—মধু—না শুনতেই মধু বৃষ্টি হচ্ছে ! [উগ্রসেনকে] ঠা,
দৈববাণী হল—

[...দৈববাণী ॥ ঐ শালগ্রাম শিলায় আমি নারায়ণ রাজলক্ষ্মী
সহ বাস করছি । যতদিন আমার এই শালগ্রাম অক্ষুণ্ণ অটুট থাকবে,
ততদিন চঞ্চলা রাজলক্ষ্মীও এই সংসারে অচঞ্চলা অচলা হয়ে বাস
করবেন ।]

উগ্রসেন ॥ --সেই দৈববাণী, আবার ! [কংসকে] চূর্ণ কর...যদি
ইচ্ছা হয় কর চূর্ণ ঐ শালগ্রাম । ...পাপ ভোজ-রাজত্বের
অবমান হোক, যজুবংশের রাজত্ব পুনঃ প্রতিষ্ঠিত হোক ।
আমার পাপের প্রায়শ্চিত্ত হোক

কংস ॥ [ভীষণ অন্তর্দ্বন্দ্ব । ভয়ে, আশঙ্কায়...চোখ—মুখ বুঁজিয়া
কংস শালগ্রাম শিলা নরকের হাতে দিয়া তাহা বেদীতে স্থাপন
করিতে ইচ্ছিত করিল—]

উগ্রসেন ॥ হাঃ হাঃ হাঃ ওরে ভীক...ওরে কাপুরুষ...বুঝে দেখ
দেবতার প্রতাপ—

কংস ॥ [এ আঘাতও তাহার সহ হইল না । তৎক্ষণাৎ সে ক্ষেপিয়া
গিয়া নরকের হাত হইতে শালগ্রাম শিলা ভূতলে নিক্ষেপ করিয়া
চূর্ণ করিতে গিয়াই...কি ভাবিয়া তখনি প্রতিনিবৃত্ত হইয়া]
না থাক । এ না হয় আমার কাছেই থাক—

উগ্রসেন ॥ নারায়ণ পাপীকে এইরূপেই উদ্ধার করেন বৎস—

কংস ॥ [ইহাও তাহার নিকট অসহ্য বোধ হইল] নারায়ণ । ঘরে

পুষব আমি ! ... [অস্তর্দ্বন্দ] ... [পরে সপ্রতিভ ভাব ধারণ
করিয়া] না বাবা, তোমার মনে বাধা দিতে পার না...তোমার
জিনিষ...তুমিই রাখো—

[উগ্রসেনের হাতে দিল ।]

উগ্রসেন ॥ হাঁ, স্মৃতি হোক ।

[কংস পালাইয়া বাঁচিল । নরক অনুবর্তী হইল । —]

—দুই—

রাজপ্রাসাদ

চন্দনা ॥

—গান—

অগ্নি-রাগের গান ধরে কে বল্চে প্রাণের দ্বারে—
জাগে রে মন, ঘুমিও না আর আধার-কারাগারে !

* *

দীপ্ত তানের মুর্ছনাতে
সূর্য জাগে সুর শোনাতে,
প্রভাত-প্রদীপ ভাসিয়ে দিয়ে রাতের পারাবারে !

* *

চিত্ত-বীণায় কোন্ দীপকের ছন্দ জাগে রে,
নৃত্য করে গানের শিখা বুকুরাগে রে !

* *

কারাগার

তাই তো বুকের তলে তলে
জ্বালামুখীর চিতা জ্বলে,
হাসিমুখেই ধূপের মতন পুড়্‌চি বারে বারে ।

[কংসের প্রবেশ]

কংস ॥ আবার গান গাচ্ছ চন্দনা ?

চন্দনা ॥ তবে কি করব ?...আসুন সন্ন্যাসী, আজ ফাগুয়া খেলি—

কংস ॥ না—না, কোনো উৎসব নয় । ঈ আলো গুলো বড় বেশী জ্বলছে
...ওগুলো নিভিয়ে দাও—

চন্দনা ॥ অন্ধকার হবে—

কংস ॥ সেই ভালো চন্দনা, সেই ভালো ।

চন্দনা ॥ সে কি সন্ন্যাসী ?

কংস ॥ আলো আমার ভালো লাগে তখন...যখন আমি চাই জগতের
সকলে আমাকে বিশ্বয় বিস্ফারিত নেত্রে চেয়ে দেখুক !
চেয়ে দেখুক আমার অনন্ত-ক্ষমতা, অপারিসীম-সম্পদ, অপরিমেয়
ঐশ্বর্য... আলো চাই তখন... । দীপালোকে তখন আমার মন
উঠবে না, তখন চাই আগুন, যার প্রদীপ্ত গগনস্পর্শী-শিখা আমার
মহিমা আমার বিভূতি বিশ্বের চোখে উদ্ভাসিত করবে—!... কিন্তু
...চন্দনা, আলো আজ নয় -

চন্দনা ॥ —কেন ?

কংস ॥ —আজ একজনের সঙ্গে আমার সাক্ষাৎ হবে...যার কাছে
আমি লাস্ত্রিত হইয়াছি...সত্যি কথা বলব চন্দনা, আজ তাকে
আমার মুখ দেখাতে—

চন্দনা ॥ বুঝেছি, লজ্জা হচ্ছে ।...আর এও বুঝেছি সে কে ।

কংস ॥ কে ?

চন্দনা ॥ —কঙ্কণ ।

কংস ॥ [লজ্জায় মুখ ঢাকিল, ক্ষণকাল পর] আর মাত্র একজনের কাছে, মাত্র একদিন, অমনি লাঞ্চিত লজ্জিত হয়েছিলাম, ...সে ছিল এক নারী...!

চন্দনা ॥ নারী ?

কংস ॥ হ্যা, নারী... যে আমার ঐশ্বর্য...আমার সম্পদ তুচ্ছ করে তার পল্লী-কুটির ফিরে গেল... আমার সজল চোখের পানে একটিবারও দৃষ্টিপাত করল না...! লজ্জায় লাঞ্চার আমার উচ্চশির নত হল—, কিন্তু...তারপব...তারপর...সেই নারীই নিজে... স্বেচ্ছায়...

চন্দনা ॥ [উত্তেজিত হইয়া] সম্রাট—তুমি আমার অপমান করছ—

কংস ॥ স্বেচ্ছায় এসে আমার বাণবন্ধনে ধরা দিল । আমার নতশির উন্নত হল । ইচ্ছা হল আমার সেই গৌরব, আমার সেই গরব এই বিশ্ব ব্যাপী অগ্নি-আলোকে লীপায়ান হোক ।... আজ যে এসেছে, সেও স্বেচ্ছা ই এসেছে, কিন্তু তোমার মতো অনন্তোপাশ হয়ে আসেনি...আমার প্রেরিত সৈন্য-সামন্ত একাই সে বধ কর্তে পার্ত্ত, হ্যা, আমি বিশ্বাস করি, সে অনায়াসে পার্ত্ত, কিন্তু সে তা করেনি । সে স্বেচ্ছায় শৃঙ্খলিত হয়েই এসেছে । এ আমার নিদারুণ লজ্জা..., নিভিয়ে দাও ঐ আলো অন্ধকার আমার মুখ ঢাকুক—

চন্দনা ॥ হ্যা মুখ ঢাকুক, ...আমারো । এই অন্ধকারে আমার আনন্দের

কারাগার

আলো শুধু এইটুকু...যে...অপমানিত...লাঞ্ছিত আজ শুধু আমি
নই,—তুমিও !

[প্রস্থান । সঙ্গে সঙ্গে সকল আলো ম্লান হইয়া গেল ।]

কংস ॥ কিন্তু এ অন্ধকারে আমি বৈশাঙ্গণ থাকবো বলে মনে হচ্ছে
না...কোন দিনই থাকিনি । কিন্তু, তোমার দুঃখ এই যে
তোমার ও অন্ধকার তোমাকে আমরণ ঢেকে রাখবে ।...

[নরকে প্রবেশ করিতে দেখিয়া] নরক, আমার শৃঙ্খলাবদ্ধ
অতিথি—আমি প্রস্তুত ।...মদিরা, সুরা—[নরকের বন্দীকে
আনিতে ইঙ্গিত, বাহিরে মৃদু বাণী । মদিরা সুরা আনিয়া দিল ।
কংস মদ্যপান করিতেছে...এমন সময় শৃঙ্খলাবদ্ধ কঙ্কণকে লইয়া
প্রায় দশ জন দানব-বক্ষী প্রবেশ করিল]

কংস ॥ তুমিই বল নরক, এ জীবনে আমার সব চাইতে বড় বান্ধব
কে ?... [নরক মহা মুঞ্চিলে পড়িল, সে তাহার কথাই গিলিবে
কি না তাহাই ভাবিতেছিল, তাহাকে উত্তর যোগাইয়া দেওয়ার
মানসে]...যত্নকুলে—?

নরক ॥ —কেন, আমাদের বিদূষক ?

কংস ॥ সেই বিদূষকেরই নয়নানন্দ পুত্র ঐ কঙ্কণ..., বড় বাথা পাই নরক,
যখন কর্তব্যের নিদারণ আহ্বানে, এমন যে প্রিয়জন...তাকে ও—

নরক ॥ সত্য সত্যটি !

কংস ॥ অথচ ওরা সে কথা বোঝে না । বোঝে না যে কর্তব্যের
অমুরোধে, শাস্তি এবং শৃঙ্খলারক্ষার জন্য, আমাদের এই অবুঝ
সোণার চাঁদদের আঘাত কর্তে গিয়ে, আমরা নিজেরাই দ্বিগুণ
আহত হই !...

কঙ্কণ ॥ তোমার এই ভণ্ডামি আমার বৃদ্ধ পিতার জন্ত সঞ্চিত থাক ।...

তাতে তোমার কাজ হবে । আমাকে দাও আমার প্রাপ্য—

কংস ॥ হাঁ, তোমার প্রাপ্য...আমার প্রীতি...আমার স্নেহ...। তোমার
প্রাপ্য...রাজসম্মান. রাজানুগ্রহ—

কঙ্কণ ॥ —অর্থাৎ দাসত্বের স্বর্ণ-শৃঙ্খল ?

কংস ॥ কুলোকে তাকে ঐ আখ্যা দেয় বটে—, কিন্তু, প্রকৃতপক্ষে—

কঙ্কণ ॥ তা আরো ভয়ঙ্কর ।...প্রথম আসে ভীকৃত্য, তারপর আসে
কাপুরুষতা । তারপর বিক্রয় হয় বিবেক, তারপর বিসর্জন হয়
মনুষ্যত্ব । তখন পদাধাতকে পুরস্কার মনে হয়, পাছকালেহনে
মোক্ষলাভ হয় !

কংস ॥ নরক, কঙ্কণের অস্থখ করেছে ।...বিকারও বলতে পার ।...
চিকিৎসা না করে তো পারি না, ওধে আমারি বিদূরথের পুত্র ।

নরক ॥ ঔষধ তো প্রস্তুতই আছে সম্রাট--

কংস ॥ [নরককে ইঙ্গিত, পরম ব্যগ্রতায়] হাঁ, সেই ঔষধ—সেই ঔষধ
—[ইঙ্গিত পাইয়া নরক চলিয়া গেলে— ...কঙ্কণকে] তুমি
আমার বিদূরথের পুত্র...বিনা চিকিৎসায় তোমায় রাখতে পারি
না । শুশ্রূষা করি কে ভাবছ ?...সে ব্যবস্থাও আছে, বিদূরথই
না হয় বৃদ্ধ হয়েছে, তোমার মাতাই না হয় মৃত, কিন্তু [পৈশাচিক
হাস্তে] বধুমাতা কঙ্কাদেবী তো আছেন...[পার্শ্বের কক্ষে কঙ্ক
নিদারুণ আর্তনাদ করিয়া উঠিল...ও-হো-হো—] ঐ—তো !

কঙ্কণ ॥ কঙ্কা—কঙ্কা—

[কঙ্কাস্তর হইতে] কঙ্কা ॥ প্রিয়তম ! প্রিয়তম !

কঙ্কণ ॥ তুমিও এখানে—তুমিও এখানে কঙ্কা ?

কান্নাপান

[উভয় কক্ষের মধ্যবর্তী স্তূপে বাতায়ন অন্তরালে কক্ষকে দেখা গেল...পার্শ্বে তাহার নির্যাতনকারিণী যবনী প্রহরিণী...প্রহরিণীর হস্তে শাগিত ছুরিকা—]

কক্ষা ॥ [অব্যক্ত যন্ত্রণায়] হাঁ, আমাকে এখানে এনেছে। এনে...

[হাত তুলিয়া দেখাইয়া] আমার আঙ্গুল কেটে নিয়েছে—

[সেই মুহূর্তে আর এক যবনী প্রহরিণী এক স্বর্ণথালায় কক্ষার কর্তিত অঙ্গুলি লইয়া আসিল—সঙ্গে আসিল নরক ।]

নরক ॥ [কক্ষণের প্রতি] তোমার ঔষধ...এই কর্তিত অঙ্গুলির রক্ত-
প্রলেপ—

কংস ॥ ঔষধ খুব ভালো। তোমার বিকার দূর হল কক্ষণ ?

কক্ষণ ॥ —সয়তান...[তাহার চোখে আগুণ জ্বলিতে লাগিল—] কিন্তু, বৃথা...ব্যর্থ হবে তোমার এই অত্যাচার...। যখন দেখি দুর্বলের ওপর, নারী যে নারী, তারি ওপর, প্রবল, অত্যাচার কর্তে। নিতান্ত ব্যগ্র...তখনি বুঝি তার সত্যকার শক্তি লুপ্ত হয়েছে... রয়েছে শুধু তার শেষ সম্বল—ঐ পাশবিকতা। কিন্তু হে নিষ্ঠুর নিশ্চয় দানব, তোমার অত্যাচারে অত্যাচারে জর্জরিত হয়ে আমরা আজ পাষণ হয়েছি...এই পাষণে ষত ইচ্ছা আঘাত কর...আমরা নীরব, নিথর রইব...। পাষণে আঘাত কর্তে কর্তে তোমার হাত আপনা আপনি ক্লান্ত হবে...শ্রান্ত হবে...শেষে ঐ হাত কেঁপে উঠবে...অবশেষে ঐ হাত অবসাদের পক্ষাঘাতে আহত হয়ে এই পাষণ পদতলে অসাড় হয়ে লুটিয়ে পড়বে !

কংস ॥ বিকার বেড়েই চলেছে নরক ! তবে আর এক অঙ্গুলির আর এক মাত্রা—

নরক ॥ হাঁ, যেমন রোগ, তেমনি ঔষধ হওয়া চাই—

কংস ॥ এখনো বল—

নরক ॥ দাসত্ব স্বীকার কর কিনা—

কঙ্কা ॥ কখনো না—কখনো না—

কঙ্কণ ॥ দাসত্বের প্রস্তাবে আমি পদাঘাত করি—

কংস ॥ নরক, ঔষধের তবে দ্বিতীয় মাত্রা—

[নরকের প্রশ্ন—]

কঙ্কণ ॥ চক্ষের সম্মুখে দানবের...রাক্ষসের...এই অসহনীয় পৈশাচিক
অত্যাচার...এক দুর্বলা নারীর ওপর...যে নারী আমাকে চিরতরে
দাসত্ব শৃঙ্খল হতে মুক্ত করেছে। সে মুক্তি যদি সত্য হয়, তবে
মিথ্যা—মিথ্যা—মিথ্যা এই লৌহ-শৃঙ্খল—[শৃঙ্খল ভাঙ্গিয়া ফেলিল]
—কোথায় কঙ্কা—কোথায় কঙ্কা—

[ছুটিয়া কঙ্কার প্রবেশ। হাতে তাহার ষবণী-প্রহরিণীর ছুরিকা]

কঙ্কা ॥ আমি এসেছি—

কঙ্কণ ॥ ওরা তোমার অঙ্গুলির পর অঙ্গুলি কেটে...আমায় ওদের
দাসত্ব বরণ কর্তে বাধ্য কর্বে স্থির করেছে, কিন্তু জানেনা ওরা—

কঙ্কা ॥ যে সে অঙ্গুলি আমি স্বেচ্ছায় দিতে পারি—[নিজের অঙ্গুলি
কাটিতে কাটিতে] অঙ্গুলি কেন, মুক্তি প্রয়াসে, জীবন দিতে
পারি, যদি প্রয়োজন হয়, জীবনের চাইতেও যে বেশী সেই
তোমাকে পর্য্যন্ত চিরতরে ত্যাগ করতে পারি! [বলার
সঙ্গে সঙ্গে অঙ্গুলি কাটিয়া ফেলিল...সঙ্গে সঙ্গে উহা কঙ্কণ
অঙ্গুলিতে গ্রহণ করিল—]

কঙ্কণ ॥ [কংসের সম্মুখে গিয়া] নাও—নাও ঘাতক—। [তাহার

কান্নাগার

সম্মুখে অঙ্গুলি রাখিল।] তৃপ্ত তুমি ?...উদ্ভম।...[গিয়া কঙ্কার হাত ধরিল। ভূপতিত শৃঙ্খলটি আর এক হাতে তুলিয়া লইল। কংসের সম্মুখে গিয়া ছই জনেই নতজানু হইল—] কিন্তু হে দস্য, মুক্তিকামী হলেও আজ আমরা মুক্তি চাই না—

কংস ॥ মুক্তি চাও না ?

কঙ্কণ ॥—চাই, কিন্তু, আজ নয়। আজ চাই কারা-বন্ধন।...এই নাও লৌহ-শৃঙ্খল [নিষ্ফেপ] ঐ লৌহ-শৃঙ্খলে আমাদের শৃঙ্খলিত কর...শৃঙ্খলিত করে প্রেরণ কর তোমার সেই কারাগারে... যেখানে আমাদের আত্মীয়-স্বজন, ভাই-বন্ধু, সকলে, এক সঙ্গে, সকল অত্যাচারের সব কঠোরতা, তুচ্ছ করে, হাসিমুখে, জগতে ধর্মরাজ্যের প্রতিষ্ঠাতা সেই অনাগত দেবতার জন্ম প্রতীক্ষায় তপস্বী করছে ! একের মুক্তি নয়, মুক্ত হব সবাই...একদিনে... এক সঙ্গে !

কংস ॥ তবে তাই হয়ো বৎস—এক সঙ্গেই মুক্ত হয়ো ! [প্রস্থান। [নরক রক্ষীদের প্রতি ইঙ্গিত করিয়া প্রভুর অনুবর্তী হইল। রক্ষীরা আসিয়া কঙ্কণ ও কঙ্কাকে ঘিরিয়া দাঁড়াইল। কঙ্কণ ও কঙ্কা সোজাসে নিজেরাই লৌহ শৃঙ্খল হাতে তুলিয়া লইয়া গাহিল—
“আজি শৃঙ্খলে বাজিছে মাঠে বরাভয়”

—তিন—

কারাগার ।

[অস্ত্রপ্রকোষ্ঠে বন্দুদেব, দেবকী ও তাহাদের কনিষ্ঠ-পুত্র
নিদ্রিত । বর্হিপ্রকোষ্ঠে কেহ নাই ।

—দূরে কংস এবং নরক । রক্ষীগণ ষথাস্থানে দণ্ডায়মান ।

নেপথ্য হইতে—কারাবন্দীদের গান মাঝে মাঝে ভাসিয়া আসিতেছিল—

“পায়ে পায়ে বাজে লোহার শিকল তালে তালে তারি আমরা গাই”]

কংস ॥ এই আমার কারাগার ?

নরক ॥ হাঁ সম্রাট, কারাগার... তবে একাংশ মাত্র—।

কংস ॥ আরো আছে ?

নরক ॥ বলেন কি সম্রাট ?... আর নেই ! অপরাধীর সংখ্যা যেরূপ
বেড়ে গেছে, তাতে কারাগারকে একরূপ বিস্তৃত কর্তে হয়েছে যে...

কংস ॥ দেখো... শেষে আমার প্রাসাদ নিয়ে টানাটানি করো না ।

* * * * *

নরক ॥ না সম্রাট,—কিন্তু আজ কি এই গৌরবটাই সব চাইতে বড়
হয়ে উঠছে না... যে, হাঁ... রাজ্য অরাজক নয়... শাসন আছে
...শান্তি আছে শৃঙ্খলা আছে ?

কংস ॥ ভোজবংশের এ বড় কম কৃতিত্ব নয় নরক—সেজ্ঞ তোমরা
গর্ব অনুভব করতে পার...

নরক ॥ না সম্রাট, মুক্ত কর্তেই স্বীকার করি এ জ্ঞান লজ্জাই অনুভব
করি—

কংস ॥ কেন ?

নরক ॥ যে এ কৃতিত্ব সম্পূর্ণ ঐ যাদবদেরই ।... ওদের মধ্যে যারা মহিমায়

কারাগার

সম্রাটের সেবা করবার সৌভাগ্য এবং সুযোগ লাভ করেছে, দেখেছি তারা সবাই আমাদের চাইতেও আপনার সিংহাসনের বেশী হিতাকাঙ্ক্ষী। দেখে অনেক সময় মনে মনেই সন্দেহই জেগেছে যে এ রাজ্য আমাদের না ওদের!...এই বিদূরথের কথাই ধরুন—

কংস ॥ কই বিদূরথ তো এখনো এল না ?

নরক ॥ শ্মশানেই আমি লোক পাঠিয়েছিলাম...সে এসে খবর দিল পুত্র শোকে বিদূরথ বড়ই কাতর হয়ে পড়েছে...পুত্রের দাহ-কার্য শেষ করেই সে আসছে বলে পাঠিয়েছে—

কংস ॥ বিদূরথের একমাত্র বন্ধন ছিল ঐ শিশু-সন্তানটি ! না নরক ?

নরক ॥ হাঁ সম্রাট, তাই তার এই অকাল মৃত্যুতে সে কাতর হয়েছে বড় বেশী।

কংস ॥ কাতরতার পরই কঠোরতা চাই। প্রকৃতির সাম্য রক্ষা কর্তে হলে এটা নিতান্ত প্রয়োজন। কি বল নরক ?

নরক ॥ যথার্থ বলেছেন সম্রাট।

কংস ॥ হুঁ!...[কারাকক্ষের দিকে নরকের দৃষ্টি আকর্ষণ করিয়া]
ওরা বুঝি ঘুমচ্ছে—?

নরক ॥ হাঁ সম্রাট।

কংস ॥ আর কঙ্কণ ও কঙ্কা ?

নরক ॥ তারা আছে ওদিকে!...গিয়ে একবার দেখবেন ?

কংস ॥ [সাগ্রহে]...কেন, ওরা কি পিপাসায় এখনি ছটফট করছে ?

নরক ॥ এ রকম কোন সুখবর এখনো পাঠ নি—

কংস ॥ হুঁ!...[কি ভাবিল।] আচ্ছা নরক, দেবকীকে আমার একটবার দেখতে ইচ্ছা হয়—কোন উপায় করতে পার ?

নরক ॥ সে কি সম্রাট, এখনি তাকে ডেকে তুলি—

কংস ॥ [শিহরিয়া উঠিয়া] না—না—। আমি, বুঝলে কিনা, তাকে তার অলক্ষ্যে দেখতে চাই—, অর্থাৎ—

নরক ॥ আপনি তার সম্মুখে যেতে চান না, অথচ তাকে একটবার না দেখেও পাচ্ছেন না... অর্থাৎ সেই পুরাতন দুর্বলতা-টা—

কংস ॥ [ক্রথিয়া উঠিয়া]

সাবধান নরক [তাহাকে একরূপ ভেঙু চাইয়া] দুর্বলতা—
দুর্বলতা—দুর্বলতা—! জানো, দেবকীর এখনো এক পুত্র—

নরক ॥ [সভয়ে] জীবিত আছে জানি সম্রাট, কিন্তু তার জন্ত দায়ী ঐ বিদূরথ। হত্যার ভার রয়েছে তার ওপর, কিন্তু, এখনো তার দেখা নাই—! না—ঐ যে সেও এসে পড়েছে।

কংস ॥ ওকে গিয়ে বল... পুত্র শোকে তুমি বড়ই কাতর হয়ে পড়েছ বিদূরথ। অতএব... প্রকৃতির সাম্য রক্ষার্থে—তোমাকে নিদারুণ কঠোর হয়ে—কি কর্তে হবে নরক ?

নরক ॥ বসুদেবের পুত্রকে হত্যা কর্তে হবে—!

কংস ॥ জলে যখন বসন সিক্ত হয়, আগুনের তাপে তাকে উত্তপ্ত না করে পরিধান করলে অসুখ হয়। এও—তাই।

নরক ॥ বুঝেছি সম্রাট।...

কংস ॥ তবে এস—

[কংস অন্তরালে রহিল। বিদূরথ প্রবেশ করিলে নরক তাহার সম্মুখীন হইল।—পুত্র শোকে একদিনেই বিদূরথ উন্মাদ হইয়া গিয়াছে বলিলে অত্যাক্তি হয় না। চেহারা দেখিলে মনে হয় এ যেন কোন প্রেত... শ্মশান হইতে উঠিয়া আসিল। বিদূরথের

কারাগার

গলদেশে একটি পাত্র ঝুলিতেছে, তাহাতে তাহার পুত্রের চিতাভস্ম।]

নরক ॥ এস তাই, এস—।...শোক করে তো তাকে আর ফিরে পাবে না—

বিদূরথ ॥ সাবধান—।...[আপন মনে চিতাভস্ম ছড়াইতে লাগিল এবং বিড়বিড় করিয়া বকিয়া যাইতে লাগিল] ফিরে পাবে না... ফিরে পাবে না...[হঠাৎ নরককে ভ্যাঙচাইয়া] ফিরে পাবে না, কেন শুনি ?

নরক ॥ [বিষ্ময়ে অবাক হইল।—]

বিদূরথ ॥ [নরককে] কোনদিন বীজ বোন নি ? তা থেকে গাছ হয় নি ? ও আমার সোণার টাঁদ, এই তোমার বুদ্ধি ?

নরক ॥ তুমি কি উন্মাদ হলে বিদূরথ ? তোমার ওপর যে সত্ৰাটের আদেশ রয়েছে—

বিদূরথ ॥ [সত্ৰাটের কথা মনে হইতেই সসম্মুখে]—কি আদেশ ?

নরক ॥ বসুদেবের সৰ্ব্ব কনিষ্ঠ...শেষ পুত্র হত্যা করা—

বিদূরথ ॥ হাঁ, কর্ব। নিয়ে এস—

নরক ॥ আমি আনছি—

[কারাগারের অন্তঃপ্রকোষ্ঠে প্রস্থান।—]

বিদূরথ ॥ “এক ফোঁটা জল—দাও...দাও...গলা ভেজাবার জন্য এক ফোঁটা না হয় আর ফোঁটা জলই দাও...”

—তাও তো দিলাম না।...দিতে গেলাম...কে যেন আমার হাত চেপে ধরল ! আমার পায়ে শেকল বাঁধল ! কিন্তু কাণে তো ভোস এল “জল দাও—জল দাও—! এক ফোঁটা না দাও—

আমি কোঁটা দাঁও—! ওরা বলল কোঁচ্ছ কেন ? হাসতে শুরু...
আমি হাসলেম ! আমি হাসলেম ! [ছ চোখ দিয়া বরষর ধারে
জন পড়িতে লাগিল । প্রহাসন ।]

* * *

[অসুখপ্রকোষ্ঠ হইতে বসুদেব দেবকী ও নরক বাহির হইয়া বহি-
প্রকোষ্ঠে আসিলেন । বসুদেবের হস্তে তাঁহাদের শেষ সস্তান । শিশুটি
ঘুমাইয়া আছে । কারাগারের বাহিরে আসিবার কালে নরক বসুদেবের
নিকট সস্তান চাহিয়া হাত বাড়াইল ।]

নরক ॥ দাঁও—

[বসুদেব সস্তানকে নরকের হাতে তুলিয়া দিতে গেলেন—দেবকী
গুমরিয়া কাঁদিয়া উঠিল ।]

দেবকী ॥ [বসুদেবকে]

দাঁড়াও আর একটিবার আমার বুকে দাঁও—আর একটিবার—

বসুদেব ॥—চুপ্...চুপ্...ঘুম ভেঙে যাবে !

দেবকী ॥ থাক্ তবে থাক্... [কাঁদিতে লাগিলেন ।]

বসুদেব ॥ [নরকের হাতে সস্তান তুলিয়া দিয়া] হত্যা করো, ক'রো—

কিন্তু ঘুম ভাঙিবে হত্যা ক'রো না...ও ভয় পাবে—ভয় পাবে...

আর কেন দেবকী, সরে এস—

দেবকী ॥ [সস্তান লক্ষ্যে] ও কি আগল ? ও কি আগল ?

ওর হয়তো ক্ষুধা পেয়েছে—ওর হয়তো—

বসুদেব ॥ তুমি কাতর হচ্ছ—তুমি কাতর হচ্ছ দেবকী—

দেবকী ॥ আমার বুকের ধন, আমার চোখের মণি—

কান্নাগার

বসুদেব ॥ হাঁ, বুকের ধন—চোখের মণি আমরা অঞ্জলি দিচ্ছি—আমরা

অঞ্জলি দিলাম—এইবার বল—

অনাগত দেবতা স্বাগতম্

দেবকী ॥ [কাঁদিতে কাঁদিতে]

অনাগত দেবতা স্বাগতম্!

[তিনবার আবাহনের পর দেবকীকে লইয়া বসুদেবের অন্তর্কোঠে প্রস্থান]

[নরক সস্তান লইয়া বাহিরে আসিল। বিদূরথও চিতাভস্ম ছড়াইতে ছড়াইতে পুনরায় প্রবেশ করিল—]

নরক ॥ [বিদূরথের সম্মুখে গিয়া], কর হত্যা—এই নাও ছুরি—

বিদূরথ ॥ [একদৃষ্টে সস্তানটি দেখিয়া]—মারব কি ? মরেই গেছে !

নরক ॥ না, ঘুমিয়ে রয়েছে ।

বিদূরথ ॥ এটা কে রে ?

নরক ॥ বসুদেবের শেষ সস্তান । ছুরি নাও—বসিয়ে দাও—

বিদূরথ ॥ —দাও—

[সস্তান ও ছুরিকা...গ্রহণ]

...[সস্তানটিকে বেশ ভালো করিয়া একবার দেখিয়া লইয়া] আমার
খোকা ?

নরক ॥ তোমার খোকা মারা গেছে—

বিদূরথ ॥ হাঁ, মারা গেছে । তাকে নিজ হাতে পুড়িয়ে এলাম । ...
পুড়িয়ে তার সব কটি ছাই তুলে নিলাম, শ্মশানে ছড়িয়েছি, পথে
ছড়িয়েছি...এখানে ছড়িয়েছি...ওখানে ছড়িয়েছি...ঘরে ঘরে
বিলিয়ে এসেছি...তারাও ছড়াবে বলেছে । কি হবে জ্ঞান ?

নরক ॥—কি ?

বিদূরথ ॥ সেই ছাই থেকে আবার উঠবে...

নরক ॥ কে ?

বিদূরথ ॥ আমার খোকা। শুধু কি খোকা ? আমার খোকান মতো
হাজার হাজার লাখ লাখ লোহাব খোকা—!

তারা কি করবে জান ?

নরক ॥ [নীরবই রহিল--]

বিদূরথ ॥ এবার ওরা যা পায় নি, সেবার তারা তাই নিতে আসবে...!
এক ফোঁটা জল পায় নি...এক ফোঁটা দুধ পায়নি...এক মুঠো
ভাত পায় নি...। এবার ওরা এসে...প্রথমেই বলবে—আগে চাই
সুদ, তারপর চাই আসল।

নরক ॥ বাক্য রাখ বিদূরথ। তোমার কাজ কর—

বিদূরথ ॥ একে মারলেও ঠিক তাই হবে।...মারি ?
[নেপথ্য হইতে কংস ॥--না !]

বিদূরথ ॥ [স্বর চিনিতে পারিয়া] প্রভু! [স্বর লক্ষ্য করিয়া
তাকাইল—]

নরক ॥ হাঁ—

[নেপথ্যে কংস ॥] বিদূরথ...ওকে আমার হাতে দাও

[বিদূরথ দস্তান সহ কংসের দিকে ছুটিয়া দৃশ্যের অন্তরালে চলিয়া
গেল। অন্তরালে হইতে একটা ভীষণ হুঙ্কার এবং “মা—গো...”
শিশুর আর্তনাদ শোনা গেল...কিন্তু তখনি বোধ হইল...শিশুকে
কণ্ঠরোধ করিয়া হত্যা করা হইল]

কংস ॥ [নেপথ্যে] আর একটি—আর একটি—তারপর—তারপর—

নরক ॥ হাঃ হাঃ হাঃ

—চার—

প্রান্তর

ধরিত্রী

গান

নাহি ভয়, নাহি ভয় ।

মৃত্যু-সাগর মন্থন শেষ, আসে মৃত্যুঞ্জয় ॥

হত্যায় আসে হত্যা-নাশন,

শৃঙ্খলে তাঁর মুক্তি-ভাষণ,

ঐক্যকারায় তমো-বিদারণ

জাগিছে জ্যোতির্ময় ॥

দলিত হৃদয়-শতদলে তাঁর

আঁখিজল-ঘেরা আসন বিথার ।

ব্যথাবিহারীয়ে দেখিবি কে আয় ।

ধ্বংসের মাঝে শঙ্খ বাজায়

নিখিলের হৃদি-রক্ত-আভায়

নবীন অভ্যুদয় ॥

—পাঁচ—

কারাগার

[পাশাপাশি দুইটি প্রকাষ্ঠ । তাহাব একটিতে বঙ্কণ আৰ
একটিতে কঙ্কা । ষথাস্থানে কাবাবক্ষীৰূপে অঘাস্মুব,
বকাস্মুব এবং তৃণাবৰ্ত্ত ; কঙ্কণ ও বঙ্কণ
উভয়েই ক্ষুৎপিপাসা কাতব ।—]

কঙ্কণ ॥ কি হবে কঙ্কা, কি হবে ?

কঙ্কা ॥ দেবে না. .দেবে না ওবা এক ফোঁটা জল । জল না দিয়ে
আতাব না দিয়ে . ওবা দাঁড়িয়ে দেখছে ..আমবা এই পাষণ
কাৰায় ছটফট কৰ্ত্তে কৰ্ত্তে ..মাথা খুঁড়তে খুঁড়তে শেষে কথার
শক্তিটুকুও হাবিখে কেমন কবে. তুমি আমায় চোখেব সামনে
আমি তোমার চোখের সামনে ধাবে ধীবে চিবতবে চোখ
বুঁজি—।

কঙ্কণ ॥ [বক্ষীদেব প্রতি] ভেবে দেখ ভাই, শুধু একটিবাব ভেবে
দেখ কোনদিন তোমাব কি পিপাসা পায় নি ? পিপাসায়
কৰ্ণবোধ হয়ে আসে নি ? এক ফোঁটা জলের অভাবে কি মৃত্যু
যজ্ঞণাবও অধিক যজ্ঞণা অনুভব কব নি ? ..

অঘাস্মুর ॥ —কবেছি .

বঙ্কণ ॥ কবেছি ?

বকাস্মুর ॥ কেন কৰ্ব না !

কঙ্কণ ॥ তা যদি করে থাক . তব আমাদের এত অসহ পিপাসার
যবণাধিক যজ্ঞণা তোমাদের ছায় স্পর্শ করে না কেন ?...কেন

কায়াগার

তবে পাষণের মতো পাষণ হয়ে দাঁড়িয়ে আছ ?...ঠেলে ফেল
এই লোহহার...নিরে এস স্থনীতল জল...আমাদের বাঁচাও...
আমাদের বাঁচাও—

তৃণাবর্ত্ত ॥ আমরা আর তোমরা হলাম এক ?...অসহ পিপাসায় যখন
আমাদের বাক্য বন্ধ হয়ে আসে...তখন আমরা এক কলস মদে
গলাটা ভিজিয়ে নি ।...

অঘাসুর ॥ কারো কাছে মাথা খুঁড়তে হয় না ।

বকাসুর ॥ কংস রাজার কল্যাণে না চাইতেই পাই !

কঙ্কা ॥ পিপাসার চাইতেও ওদের ঐ পরিহাস আরো বেশী যজ্ঞণা দেয়
স্বামী !...কেন চাও ওদের কাছে জল ?...তার চাইতে...এস
স্বামী...কণ্ঠে এখনো ষেটুকু...যতটুকু...শক্তি আছে...সমস্ত শক্তি
একত্র করে...জীবনের শেষ নিঃশ্বাসে প্রার্থনা করে মরি...হে
ভগবান...তুমি এই করুণাহীন, মমতাহীন মরুভূমিতে শঙ্খধ্বনি
করে নেমে এস ! চক্রে তোমার ধ্বংস কর নিশ্চয় দানব !
গদাঘাতে চূর্ণ কর এই লৌহ কায়াগার ! তারপর পদ-হস্তের
স্পর্শ দাও...আলো দাও...মুক্তি দাও...শান্তি দাও—! [মুমূর্ষ
হইয়া পড়িল ।]

অঘাসুর ॥ [কঙ্কাকে দেখাইয়া] ওটা বোধ হয় মুক্তিই পেল !

কঙ্কণ ॥ কঙ্কা ! কঙ্কা ! [সাড়া না পাইয়া] সাড়া নাই ! তবে কি—
তবে কি—শেষ ? সব শেষ ? [রক্ষীদের প্রতি] ওরে—তোরা
বল...আছে না গেল ?

বকাসুর ॥ কি করে বলব নশায়—আপনার পরিবারের খবর ! দেখছি
কথা বলছেন না, এবং ভূমি নিয়েছেন । এটা তার মৃত্যু লক্ষণ

কি রাগাভিমানের লক্ষণ...তা পরিজ্ঞাত হবার সৌভাগ্য আমাদের
তো হয় নি মহাশয় ।

কঙ্কণ ॥ [পাষণ প্রাচীরে আঘাত করিতে করিতে] কঙ্কা—কঙ্কা—।
[উৎকর্ণ হইয়া কোন সাড়া পায় কিনা শুনিব, কিন্তু সাড়া না
পাইয়া কাঁদিয়া উঠিল] নেই—নেই—! আমরা গলা শুকিয়ে
আসছে ..তালু ফেটে যাচ্ছে...জল...একটু জল...এক ফোঁটা
জল—[সানুচর কংসের প্রবেশ ।]

কংস ॥ তাই তো, আমার বিদুরথের পুত্র কঙ্কণ...কঙ্কণই জল চাচ্ছে
নরক । ..নরক, তোমাদের এসব কি হচ্ছে বল দেখি ! আমার
বিদুরথের পুত্র কঙ্কণ...সে কিনা এক ফোঁটা জল না পেয়ে মর্ন্তে
বসেছে ! ছিঃ ।

নরক ॥ জল দি সম্রাট—

কংস ॥ আবার জিজ্ঞাসা কর ।

নরক ॥ [এক অনুচরের মস্তকস্থিত জলকলস লইয়া কঙ্কণের সম্মুখে
গিয়া কারাগারের বাহিরে ; ঠিক তাহার সম্মুখে, ধীরে ধীরে,
অতি ধীবে, কলস হইতে আর একটি সুবিস্তৃত পাত্রে জল ঢালিতে
লাগিল]——কঙ্কণ, জল নাও—

কঙ্কণ ॥ [নিস্তেজ হইয়া ঝড়িয়াছিল । “জল” কথাটি কাণে যাওয়াতে
চোখ মেলিল—জল দেখিয়া চোখে মুখে এক অদ্ভুত দীপ্তি ফুটিয়া
উঠিল ! লাফাইয়া উঠিল—] জল ! জল !...দাও জল—

কংস ॥ পান কর কঙ্কণ...প্রাণ ভরে পান কর—

কঙ্কণ ॥ [লৌহদণ্ড ঝাকিয়া]...কিন্তু—?

কংস ॥ বাইরে আসবে ?

কান্নাপান

কঙ্কণ ॥ ষাঁর খোল—

কংস ॥ নরক, অপরাধী কি দাঁহিরে আসতে পারে ? আমি ব্যবহার শাস্ত্রের কথা বলছি ।

নরক ॥ হাঁ, আসতে পারে, যদি অপরাধী দোষ স্বীকার করে, ক্ষমা চেয়ে বশুতা স্বীকার করে—

কংস ॥ [কঙ্কণের মুখের দিকে চাহিল ।]

কঙ্কণ ॥ না—না—না— । জল আমাকে ভেতরে এনে দাও—

কংস ॥ আমি ব্যবহার শাস্ত্রের কথা বলছি নরক । পিপাসা দণ্ডে দণ্ডিত অপরাধী যে...তাকে কি...কারাকক্ষে জল দেওয়া যায় ?

নরক ॥ ব্যবহারশাস্ত্রে নিষেধ আছে সম্রাট ।

কংস ॥ [যেন মহা চিন্তিত হইয়া] তাহলে কি হবে নরক ? কি করে আমি আমার কঙ্কণকে বাঁচাই—?

নরক ॥ উপায় আপনার ঐ কঙ্কণের হাতেই--

কংস । তাই তো । আচ্ছা ও ভেবে দেখুক ।...এস...আমরা একটু ধূরে আসি—[নরকসহ অন্তর্দিকে প্রস্থান । প্রস্থানকালে নরক অঘাসুরকে গোপনে কি কথিয়া গেল । জল তদ্রূপ অবস্থাতেই রহিল ।]

* * [সে এক অদ্ভুত দৃশ্য । কঙ্কণের চোখের সম্মুখে স্নানাতল অপরিপাক জল...অথচ সে তদ্বারা পিপাসা নিবারণ করিতে পারিতেছে না । জল দেখিয়া তাহার চোখে-মুখে এক অস্বাভাবিক ঔজ্জ্বল্য ফুটিয়া উঠিল । পিপাসা শাস্ত্রের আশায় তাহার জিব্ লক্ লক্ করিতে লাগিল । সে জিব্ বাহির করিয়া ধীরে ধীরে লৌহদণ্ডের মধ্য দিয়া মস্তক অগ্রসর করিয়া দিতে লাগিল । এইরূপে ক্রমে তাহার জিহ্বা সেই জলস্পর্শ

করিতে যাইবে এমন সময় অঘাসুর আসিয়া পাত্রটি পা দিয়া আর একটু দূরে সরাইয়া দিল। কঙ্কণ অঘাসুরের দিকে একটবার ডাকাইল। তৎপর পুনরায় সে অগ্রসর হইতে লাগিল। এবারও তাহার জিহ্বা যখন জলস্পর্শ করিতে গেল..তখন অঘাসুর পা দিয়া পাত্রটি উল্টাইয়া দিল। সমস্ত জল মাটিতে পড়িয়া গেল। কঙ্কণ দেখিল জলের আশা নিস্কুল হইয়া, দেখিয়াই সে মরিয়া হইয়া মাটিতে গড়ানো জলই যতটুকু পারে, জিহ্বা দ্বারা চাটিয়া লইতে লাগিল। ইহা দেখিয়া অঘাসুর, ছুটিয়া আসিয়া সেই জল পা দিয়া লেপন করিয়া উহা কর্দমাক্ত করিয়া দিল।]

অঘাসুর ॥

বকাসুর ॥

তৃণাবর্ত ॥

}

হাঃ হাঃ হাঃ

কঙ্কণ ॥ তাহাদের দিকে অগ্নিময় দৃষ্টি নিঃক্ষেপ।]—বটে। ...[এক প্রচণ্ড স্ফটিক লৌহদণ্ড বা কাইয়া কারাকক্ষ হইতে বাহির লইয়া আসিল। তাহা দেখিয়া অঘাসুর, বকাসুর, তৃণাবর্ত এবং জলকলস-বাহী রক্ষা সকলেই মন্ত্রস্ত হইল।]

অঘাসুর ॥ বক্ষী! বক্ষী!

বকাসুর ॥ অস্ত—অস্ত—

তৃণাবর্ত ॥ প্রেহা—সৈন্ত—

[সকলে লোকজন ডাকিবার ভয় ছুটিল—। কঙ্কণ বাহির হইয়া আসিয়াই পলায়নরত...সংপশ্চাৎ অবস্থিত জলকলস-বাহী রক্ষীর হাত চাপিয়া ধরিল, এবং তাহার নিকট হইতে জলকলসটি ছিনাইয়া লইল। সে জলকলস রাখিয়াই অন্য সকলের সহিত পলায়ন করিল।]

কাক্সাগার

কঙ্কণ ॥ সে জল কলস কাড়িয়া লইয়াই নিঃশেষে সমস্ত জল পান করিবার জন্য কলস উঁচু করিয়া ধরিবামাত্র কঙ্কার কথা তাহার মনে পড়িল। ...] কঙ্কা ! [কলস নামাইল। উত্তা হাতে লইয়া টলিতে টলিতে কঙ্কার প্রকোষ্ঠের দিকে গেল। প্রকোষ্ঠের লৌহদণ্ড ধরিল। ডাকিল] — কঙ্কা !

কঙ্কা ॥ প্রি—য়—ত—ম !

কঙ্কণ ॥ [কঙ্কা বাঁচিয়া আছে বুঝিবামাত্র তাহার হৃদয়ে নব উৎসাহের সঞ্চার হইল। তাহার দেহে অপূর্ব বলসঞ্চার হইল। মাংসপেশাগুলি ফুলিয়া উঠিল—নে বিনা বাক্যব্যয়ে লৌহদণ্ড ভাঙ্গিবার প্রয়াস করিল। তাহার প্রয়াস সার্থক হইল। হার ভঙ্গ হইল। জল কলসটি হাত হইতে তুলিয়া লইয়া ছুটিয়া কঙ্কার সম্মুখে গিয়া] — কঙ্কা—কঙ্কা . জল !

কঙ্কা ॥ [সে দুই হাত বাড়াইয়া কঙ্কণের মুখখানি জড়াইয়া ধরিতে উঁচু হইতে লাগিল, হঠাৎ ...পড়িয়া গেল, আর উঠিল না ... চিবতরে এই পৃথবী ছাড়িয়া চলিয়া গেল।]

কঙ্কণ ॥ কঙ্কা—কঙ্কা—[বুঝিল, কঙ্কা মৃত !] নাহ ! ...নাই ! [তাহার বুকের উপর পড়িতে গিয়াই] না—না আলিঙ্গন নয় ... [বলিতে বলিতে কলস হাতে লইয়া উঠিয়া দাঁড়াইল] আজও আমরা দাস ... আজও আমরা দাস ... [—ঠিক এই সময় অঘাসুর ইত্যাদি দানবগণের সদলবলে প্রবেশ ।]

অঘাসুর ॥ ঐ যে ... জল খাচ্ছে—

কঙ্কণ ॥ জল ? জল ? [বাহিরে আসিয়া ভূতলে কলস নিক্ষেপ]

জল ! ...

[সে দানবদের দিকে অতি করুণভাবে অগ্রসর হইতে লাগিল। দানবরা পিছাইয়া গেল— তাহারা পিছাইয়া গেল দেখিয়া, সে ঘুরিয়া দাঁড়াইয়া—অন্য পার্শ্বের দানবাদিগের দিকে অগ্রসর হইতে লাগিল। তাহারাও পিছাইয়া গেল।]

কঙ্কণ ॥ [দানবদের প্রতি] দয় কর—দয়া কর—আমায় আজ শুধু
একটি দয়া কর—

দানবগণ ॥ [বিস্মত হইয়া] দয়া !

কঙ্কণ ॥ হাঁ, দয়া।

[কংসের আবির্ভাব]

কংস ॥ দয়া ?

কঙ্কণ ॥ হাঁ, দয়া। ...আমি [কঙ্কাকে দেখাইয়া] ওর সঙ্গে যাব।
তরবারের একটি আঘাত—না হর বল্লমের একটি খোঁচা—না হর
একটা তীর—একটা ইট—আমায় মার—দয়া করে আমায়
মার— [নতজানু হইল]

কংস ॥ নরক, কঙ্কণ হ'ল আমার বিদ্রোহের পুত্র ...। ওর কোন
কামনা কি আমাদের অপূর্ণ রাখা উচিত ?

নরক ॥ না সত্ৰাট—

কংস ॥ তোমার ইচ্ছাই পূর্ণ হোক কঙ্কণ—[রক্ষীদের প্রতি ইঙ্গিত
করিয়া প্রস্থান]

[ইঙ্গিত পাইয়া দানবগণ এক সঙ্গে সকল অস্ত্র দ্বারা কঙ্কণকে
আঘাত করিল। কঙ্কণ ভূপতিত হইল।]

পঞ্চম অঙ্ক

—এক—

[নৃত্যশালা ।

কংস এবং নর্তকীগণ যে যেখানে ছিল ঘুমাইয়া পড়িয়াছে ।

দ্বারে দ্বারে যখনই প্রহরিনীগণও নিদ্রিত । সুরার সরঞ্জাম,

বাদ্যযন্ত্রাদি উত্পত্তঃ বিক্ষিপ্ত । চারিদিকে বিশৃঙ্খলা ।

একটি মুক্ত বাতায়নের পাশে চন্দনা । বাতায়নে ভর দিয়া বাহিরের
দিকে মুখ রাখিয়া সেও বোধ করি ঘুমাইতেছিল ।

দূর হইতে একটি কাতর আর্জনার্দেব শব্দ-ধারা ভাসিয়া আসিতে
লাগিল বহুদূরে যেন সহস্র লোক কাঁদিতেছে— ।

চন্দনা চমকিত হইয়া জাগিয়া উঠিল ।

বাহিরে ঝড় উঠিল । মাঝে মাঝে দু একবার বিদ্যুৎও চমকাইল ।
বৃষ্টিও পড়িতে লাগিল ।]

চন্দনা ॥

—গান—

নিরন্ধ্র মেঘে মেঘে অন্ধ্র গগন ।

অশান্ত-ধারের জল বর বরে অবিরল

ধরণী ভীতি-মগন ॥

ঝঞ্জার ঝঞ্জরী বাজে বনননন,

দীর্ঘশ্বাস কাঁদে অরণ্য শনশন,

প্রলয়-বিষাণ বাজে বাজে ঘনঘন,

মুচ্ছিত মহাকাল-চরণে মরণ ॥

কান্নাপান

শুধিবেনা কেহ কিগো এই পীড়নের ঋণ ?
দুঃখ-নিশির শেষে আসিবেনা শুভদিন ?
দুষ্কৃতি-বিনাশায় যুগ যুগ-সম্ভব,
অধর্ম্য নিধনে এস অবতার নব,
'আবিরাবির্মএধি' ঐ ওঠে রব—
জাগৃহি ভগবন, জাগৃহি ভগবন ॥

চন্দনা ॥ [গানেব শেষে প্রবল বৃষ্টি নামিয়া আসিল । গান শেষ হওয়া
মাত্র • ঘন ঘন বিছ)ৎ চমকিত হইতে লাগিল • এবং বজ্রপাত হইল •
চন্দনা কি দোঁকা চমকিতা উঠিল গান ছাড়িয়া দিল—] ও কি ?
কে ও ? এই ছয়োগে...এই ঝড়-ঝঞ্ঝা বৃষ্টির মাঝে ও কে যায় ?
• কে তুমি পথিক • ঝড়-ঝঞ্ঝান তুমি দৃকপাত কর না • বজ্রকে তুমি
তুচ্ছ কর্ছ অন্ধকারকে তুমি গ্রাহ্য কর না ?
• ও কি ? তোমাব ক্রোড়ে কি ও ? পথিক ! পথিক !
তোমাব ক্রোড়ে কি আকাশেব চাঁদ ? চুবি কবে পালাচ্ছ ?
• কে তুমি পথিক, কে তুমি ? আকাশেব চাঁদ তোমাব ক্রোড়ে !
• কে তুমি ? [হঠাৎ চিনিত পাবিয়া]—বসুদেব ! তুমি বসুদেব !
তবে কি তোমাব ক্রোড়ে • তোমাব ক্রোড়ে—আমি দেখব !
আমি দেখব !

[ছুটিয়া প্রস্থান ।]

* * *

[মুহূর্ত্ত বজ্রপাত । প্রবল ঝড়-ঝঞ্ঝা]

কংস ॥ [হঠাৎ চমকিতা জাগিয়া উঠিয়া বসিল । চাবিদিকে চাহিয়া
দেখিল—এক একটি বজ্র পতন শব্দে চমকিতা উঠিতে লাগিল ।

উঠিয়া দাঁড়াইল । পলাইয়া অন্ত্র যাইবে ভাবিয়া যেই এক এক
 দ্বারের সম্মুখে যায়, অমনি বাহিবে তাহারি যেন অতি কাছে
 এক একটি বজ্রপাত হয় । একে একে সকলেই জাগিয়া উঠে ।
 কংস পলাইতে পথ পায় না— । যাহারা জাগিয়া উঠিল
 তাহারাও ভয়ে নিস্বাক হইয়া রহিল, তাহারা কংসের ঐ অবস্থা
 দেখিয়া আরো ভীত হইয়া পড়িল । সকলেই পলায়ন করিতে
 চায়, অনুমতির জগু কংসের মুখের পানে চায় । ক্রমে যুদ্ধযুঁহ
 বজ্রপাত হইতে লাগিল অত্র সকলেও প্রাণ ভয়ে ছুটাছুটি করিতে
 লাগিল— । কংস পলাইতে পারিতেছে না এ যেন স্বয়ং প্রকৃতি
 মাতা প্রতি দ্বারে দাঁড়াইয়া তাহার গতি রোধ করিয়া তাহাকে
 এই কক্ষে বন্দী করিয়া রাখিলেন । কংস ছুটিয়া গিয়া শয্যান
 বসিল, এবং হাতের কাছে যাহা পাইল, তাহাই জড়াইয়া ধরিয়া
 কাঁপিতে কাঁপিতে প্রথমে প্রাণপণ চীৎকার করিয়াই একবার
 ডাকিল “নরক—নরক”— কিন্তু তাহার পরই ভয়ে যেন তাহার
 কণ্ঠ রোধ হইয়া আসিতে লাগিল । তাহার ডাক শুনি ক্রমেই
 যুদ্ধ হইতে যুদ্ধের হইয়া শেষে আর শোনাই গেল না, যদিও
 দেখা যাইতে লাগিল যে কংস নরককে প্রাণপনেই ডাকিতেছে ।
 প্রতি দ্বার দিয়া অঘাসুর বকাসুর ভৃগাবর্ত প্রভৃতি দানব সেনানীর
 প্রবেশ । হাতে তাদের উন্মুক্ত রক্তাক্ত তরবারি চোখে মুখে
 ঘাতকের উল্লাস-দীপ্তি । তাহাদের সঙ্গে নরক ।]

কংস ॥ [তাহাদিগকে দেখিয়া আর্তনাদ করিয়া উঠিল] ওঃ

নরক ॥ [ছুটিয়া সম্মুখে গেল]

সম্রাট—সম্রাট—

কাঁরাপার

কংস ॥ [কাঁপিতে লাগিল]

নরক ॥ সত্ৰাট, আমি নরক...

কংস ॥ —না।

নরক ॥ সত্ৰাট, চেয়ে দেখুন আমি আপনার দাসামুদাস নরক—

কংস ॥ [স্থির হইল। একদৃষ্টে ক্ষণকাল তাহার প্রতি তাকাইয়া
রহিল] নরক ?

নরক ॥ প্রভু, আমার চিনতে পারছেন না ?

কংস ॥ [চিনিতে পারিয়া] হাঁ, নরক।

[নরকের মুখ হইতে দৃষ্টি অপসরণ না করিয়া, দানব সেনানীদের
দিকে হাত বাড়াইয়া তৎপ্রতি নরকের দৃষ্টি আকর্ষণ করিয়া, চুপি
চুপি] ওরা কারা ?

দানব সেনানীগণ ॥ [সকলে একসঙ্গে কংসের কাছে আসিয়া নতজানু
হইয়া] সত্ৰাটের দাসামুদাস—

নরক ॥ অঘাসুর - বকাশুর ভৃগাবর্জ প্রভৃতি আপনারই সেনানায়ক-
গণ।

কংস ॥ ওরা কেন ?

নরক ॥ সত্ৰাটকে সুসংবাদ দিতে এসেছে—

কংস ॥ [কাঁপিতে কাঁপিতে] আমি জানি—আমি জানি কি সে সংবাদ—

নরক ॥ কি সত্ৰাট ?

কংস ॥ [বলিতে কণ্ঠ রোধ হইয়া আসে—] যে আজ—

নরক ॥ আজ কি ?

কংস ॥ [চারিদিকে সভয়ে চাহিয়া লইয়া]... অষ্টমী !

নরক ॥ হাঁ, সত্ৰাট অষ্টমী।

কংস ॥ সে আজ জন্মেছে—!

নরক ॥ যদি জন্মেই থাকে—, তাতে ভয় কি সম্রাট ?

কংস ॥ [কংস ভয় পাইয়াছে এ কথা অন্নের মুখে শোনা তাহার অভ্যাস নয়, শুনিলে বিশেষ বিরক্ত হয়। যথাসম্ভব শীঘ্র ভীতভাব কাটাওয়া উঠিয়া, বিরক্তি সহকারে] নরক ! তোমার স্পর্ধা !

নরক ॥—সম্রাট !

কংস ॥ তুমি বলতে চাও, আমি ভয় পেয়েছি !

নরক ॥ কখনো! মুহূর্ত্তের তরেও তা কল্পনা করবারও স্পর্ধা রাখি নাই—

কংস ॥ আমি বিশ্ব-ত্রাস কংস। আমি শুদ্ধ জিজ্ঞাসা করছি। সে কি জন্মেছে—?

নরক ॥ আমি তার উত্তর দিচ্ছি—সে মরেছে—।

কংস ॥ [মহারাগান্বিত হইয়া] পরিহাস, নরক ?

নরক ॥ পরিহাস নয় সম্রাট। সম্রাটের আশঙ্কা, শত্রু জন্মগ্রহণ করবে, করাগারে দেবকী জঠরে !

কংস ॥ তাই দৈববাণী নরক—

নরক ॥ ওটা ছলনা। দেবতার ঐরূপ প্রকাশ করে আপনার দৃষ্টি বিপথে পরিচালিত করেছে ! প্রকৃতপক্ষে শত্রু জন্মগ্রহণ করেছে, অস্ত্র, যেখানে ঐ দৈববাণীর কুহকে ভুলে সম্রাট আদৌ দৃষ্টি দেন নি !

কংস ॥ —নরক— নরক—

নরক ॥ হাঁ সম্রাট, নইলে শত্রুর নাড়ী-নকত্র প্রকাশ করতে দেবতাদের

কারাগার

এ অস্বাভাবিক আগ্রহ কেন? .. তারা ঐ দৈববাণী দ্বারা
আপনাকে প্রতারণিত করেছে—

কংস ॥ বটে! বটে! [ছুই চোখে আগুন জ্বলিতে লাগিল।]

নরক ॥ কিন্তু আমাদের প্রতারণিত কর্তে পারে নি। তাই আজ রাজ্যের
যত পুত্র সন্তান.. নবজাত এবং সন্তোজাত...সব—

দানব সেনানীগণ ॥ [মহোৎসবে—] আমরা বধ করে এসেছি—

কংস ।--সব ?

দানবসেনানীগণ ॥—সব। ছিন্ন-শিরের তপ্ত-রক্তে আমাদের অসি এখনো
উত্তপ্ত—!

কংস ॥ [যেন এসব কথা তাহার কানেই গেল না—] কারাগারে—
কারাগারে--?

নরক ॥ সেখানেও গিয়েছি—

কংস ॥ [যেন মৃত্যুদণ্ডও শুনিতে পারে এককপ আশঙ্কায়] সেখানে
কি? [কিন্তু তখনই তাহার মুখ চাপিয়া ধরিল]

অঘাসুর ॥ আমাকে বলতে দিন সন্ধ্যাট। সেখানে আমরা গেলাম...
উদ্ভূত অসি নিয়ে . এই আশা করে ..যে.. যদি শত্রু জন্মগ্রহণ
করে থাকে, তাকে তার মাতৃক্রোড় হতে ছিনিয়ে সবলে আকর্ষণ
করে নিয়ে শিলাতলে নিক্ষেপ করে তখনি বধ করব—

কংস ॥ [যেন তাহার চক্ষের উপর ইহা ঘটিতেছে,—মহাউৎসবে] বধ
কর্লে?

অঘাসুর ॥ না সন্ধ্যাট—। গিয়ে দেখি শত্রু জন্মগ্রহণ করে নি—

কংস ॥ মুর্থ!...সে গর্তের অন্তরালে বসে হাসছে!...সেখান থেকে

তাকে—[গর্ভ বিদারণ করিয়া টানিয়া বাহির করিয়া ক্রণ হত্যার ইঙ্গিত—]

নরক ॥ কিম্ব সে তো দেবকী-নন্দন নয়—

কংস ॥ পরিহাস নরক, পরিহাস— ?

নরক ॥ সে দেবকী-নন্দিনী—।... আজই জন্মগ্রহণ করেছে—

কংস ॥ নন্দিনী ?

নরক ॥ হাঁ সখাট—

কংস ॥ ভাগিনী-নন্দিনী ?

নরক ॥ হাঁ সখাট, ভাগিনী নন্দন নয় ।

কংস ॥ আ—[খেন বাঁচিয়া গেল—] আমার ভাগিনী ?

নরক ॥ হ্যা সখাট—!

কংস ॥ [সহজভাবে] ভাগ্নী ! ভাগ্নী ! [কপটতায়] কত দুঃখ ছিল মনে নরক, আমার সব আছে ; রাজ্য আছে, ঐশ্বর্য আছে দাস-দাসী হুতা অশ্ব...সব আছে, ছিল না শুধু একটি ভাগ্নী যাঁকে আমি সেই ভাগ্নী পেলাম !...আজ যে কি আনন্দ... [সতস।] তার ওপব তো হাত তোলনি তোমরা ?

দানবসেনাগণ ॥ না সখাট—।

কংস ॥ আমায় রক্ষা করেছে ! [উর্কে চাহিয়া] দৈববাণী ! দৈববাণী !
[অটুহাস] হাঃ হাঃ হাঃ

[ছুটিয়া চন্দনার প্রবেশ—]

চন্দনা ॥ [কংস উর্কে চাহিয়া অটুহাস হাসিতেছিল...চন্দনা তাহার সম্মুখে গা ঘেসিয়া দাঁড়াইল । যে মুহূর্তে কংসের অটুহাস শেষ

কাম্বোপার

হইল, সেই মুহূর্তে চন্দনা কংসের মুখের দিকে তাকাইয়া] হাঃ হাঃ

হাঃ [হাঃ ।]

কংস ॥ [হাসির শব্দ শুনিয়া নিজে তাকাইয়া দেখিল চন্দনা । আবেগে
তাহার হাত দুখানি চাপিয়া ধরিয়া একটি বাঁকি দিয়া কহিল]

চন্দনা ॥ আজ কি আনন্দ !

চন্দনা ॥ আনন্দে আমার ইচ্ছা হচ্ছে, আমি মরি ! আজ আমি মরি !

কংস ॥ ছিঃ ! আজ আমার সেই দুঃস্বপ্ন ব্যর্থ ! আজ তবে তোমায়
পাব চন্দনা ?

চন্দনা ॥ [চটুল দৃষ্টিতে] হা, আজ আমায় পাবে । কিন্তু, তোমার
উৎসব কই ? জয়-বাঁধ কোথায় ? এত অন্ধকার কেন ?

কংস ॥ [অবশেষ ব্যাকুণতা সহকারে] সহস্র দীপ জ্বালো—লক্ষ দীপ
জ্বালো—রংমশাল কই ? রংমশাল ?

চন্দনা ॥ কি হবে সহস্র দীপে ? আজ সহস্র টাঁদ আমার চোখে লাগবে
না লক্ষ সূঁচাও না । কেউ কি কখনো দেখেছে আকাশের
বুক চিরে রূপ ঠিকরে বের হয়ে আসে ? আমি দেখেছি । কেউ
কি দেখেছে রূপ দেখে আকাশ হল মাড়ান, বাতাস হল পাগল ?
আমি দেখেছি । কেউ কি দেখেছে রূপ দেখে বনের অজগর এল
ছুটে... চরণ-পদ্মেব পদশ নিল... ধনু হয়ে ফণা ধরল... ফণা ধরে
তার জয়যাত্রায় জয়-ছত্র হল ? আমি দেখে এলাম... আমি দেখে
এলাম, রূপ নয়. রূপের আঙুন , কোটি কোটি পতঙ্গ সেই
রূপের আঙুনে বাঁপ দিতে ছুটেছে—, আমিও আমিও—
[ষবনী প্রহরিনীগণ রংমশাল জ্বালাইয়া আনিয়াছিল—তাহা হাতে
লইয়া চন্দনার নৃত্য .]

কংস ॥ চন্দনা—চন্দনা—! অপরূপ ! অপরূপ !

চন্দনা ॥ হাঃ হাঃ হাঃ

কংস ॥ তুমি আগার—তুমি আমার— ! .. কিন্তু, ও কি চন্দনা—ও কি
চন্দনা—? এ যে আগুন !

চন্দনা ॥ হাঁ ; আগুন-রূপের আগুন ! রূপের আগুনে আজ ঝাঁপ
দিয়েছি . আঃ ! [অগ্নি-গর্ভে ডুবিয়া গেল]

কংস ॥ —চন্দনা চন্দনা—

—তুই—

প্রান্তর

ধরিত্রের গান

তিমির বিদারি অলক-বিহারী কৃষ্ণমুরারি আগত ওই ।

টুটিল আগল, নিখিল পাগল, সর্বসহা আজি সর্বজয়ী ॥

বহিছে উজান অশ্রুঘমুনায়

হৃদি-বৃন্দাবনে আনন্দ ডাকে আয়,

বসুধা-যশোদার স্নেহধার উথলায়

কাল-রাখাল নাচে থৈ তা থৈ ॥

বিশ্ব ভরি ওঠে স্তব—নমো নমঃ,

অরির পুরীমাবে এল অরিন্দম ।

করাপান

ঘিরিয়া দ্বার বৃথা জাগে প্রহরীজন,
অন্ধ কারায় এল বন্ধ-বিমোচন ।
ধরি অজানা পথ, আসিল অনাগত,
জাগিয়া ব্যথাহত ডাকে মাতৈঃ ॥

—শেষ—

[শেষ রাত্রি । কারাকক্ষে নিদ্রিত বসুদেব ও দেবকী ।

দূরে কারারক্ষী ও নিদ্রিত ।

ছদ্মবেশে আত্মগোপন করিয়া চোরের মতো কংসের প্রবেশ ।...
সঙ্গে কোন অনুচর নাই, অথ কেহ তাহাকে দেখিয়া ফেলে সর্বদাই এই
আশঙ্কায় সশঙ্ক ।]

কংস ॥ [চাপা গলায়] বসুদেব—বসুদেব—

বসুদেব ॥ [আগ্রত হইয়া] কে ?

কংস ॥ আমি—

বসুদেব ॥ কে তুমি ?

কংস ॥ [চারিদিকে দৃষ্টিপাত করিয়া নাম বলিতে সাহস পাইল না—]

আমি—আমি—

বসুদেব ॥ কংস !

কংস ॥—চূপ—[চারিদিকে চাহিয়া দেখিতে লাগিল কেহ শুনিয়াছে
কিনা—]

করাপার

না—যখন দেখি ভগিনী আমার শুধু নীরবে চোখের জলই ফেলে...
প্রতিশোধ নিতে চায় না, অভিশাপ দেয় না—!

বসুদেব ॥ আজ এসব কথা কেন কংস—?

কংস ॥ ...হাঁ, আজ । আজ আমি তাকে চাই । আজ আমি তাকে বলব...
ভুলে যাও দিদি ভুলে যাও ...শুধু আজ স্মরণ কর । আমি
তোমার সেই কংস । যার মূর্ত্তের অদর্শন তুমি সইতে পার্বে
না,—[অধীর হইয়া] খোল দ্বার দ্বার খোল বসুদেব—সেই
ভাই আজ সেই বোনকে দেখতে এসেছে, দ্বার খোল—দ্বার
খোল—

বসুদেব ॥—সে ঘুমিয়ে রয়েছে । কতকাল সে ঘুমোয় নি...আজ সে
ঘুমিয়েছে—

কংস ॥ তাকে ডাকো—তাকে ডাকো—

বসুদেব ॥ দেবতা তার চোখে হাত বুলিয়ে ঘুম এনে দিয়েছেন । সে ঘুম
ভাঙবার সাধ্য আমার নেই—

কংস ॥—[চাপা গলায়] দেবকী—দেবকী—ভগিনী—

বসুদেব ॥ বৃথা চেষ্টা—বৃথা চেষ্টা—

কংস ॥ তুমি দ্বার খোল—দ্বার খোল—

বসুদেব ॥ ঐ নিদ্রিত কারারক্ষীকে ডেকে তোল—

কংস ॥ [আতঙ্কে] না—না—ওরা দেখবে—

বসুদেব ॥ তুমি সন্ধ্যাট, চোর নও । দেখলে ক্ষতি ?

কংস ॥—সে হবে আমার মৃত্যু । অনুশোচনায়, মর্শ্ব-বেদনার কংস কাতর
...এ যদি আমার কোন ভৃত্য চোখে দেখে...তখনি—তখনি হবে
আমার মৃত্যু । আমি নিজেই দ্বার খুলব—[খুলিবার চেষ্টা, ব্যর্থ

কারাগার

হইয়া] একি ! [পুনরায় চেষ্টা, তাহাতেও বার্থ হইয়া]
আমি ভাঙব—আমি পাহাড় চূর্ণ করেছি... আমি—আমি—
[ব্যর্থ চেষ্টে—] একি ! একি ! আমারি হাতে গড়া কারাগারে
আমি প্রবেশ কর্তে পারি না !

বসুদেব ॥ বুঝে দেখ কংস...এই পাষণ কাবার লৌহ দ্বার...তুমি একে
যতদূর পাব কঠোর কবেছ, কিন্তু কত কঠোর ববেছ, আজ বুঝে
দেখ—!

কংস ॥ [পুনরায় চেষ্টা করিতেছিল কিন্তু এবারও বার্থ হইল—]
আমি পারছি না কেন পারছি না—[দেবকীর স্বপ্ন শোনা গেল—]

দেবকী ॥ তুমি পারবে না—

কংস ॥ [মরিয়া হইয়া চেষ্টা করিতে করিতে] আমি পারব—পারব—

[দেবকীর প্রবেশ—বুকে তাহান যোগমায়া]

দেবকী ॥ [কালা দ্বারের দিকে অগ্রসর হইতে হইতে] তুমি পারবে
না -- । * * * * *

* * * * * কারাগারে আজ ভগবান
স্বয়ং জন্মগ্রহণ করেছেন—কারাগার আজ পূণ্য-তীর্থ ! কারাগার
আজ স্বর্গ ! তাই জগতের এই মহাতীর্থে ভগবানের এই স্বর্গে ..
পাতকী তুমি তোমার প্রবেশ নিষেধ - , সমতান তুমি বৃথা
মাথা খুঁড়ে মরছ ! কিন্তু, কেনই বা এত চেষ্টা , আমাকে চাও ?
আমি নিজের বাইরে আসছি— ঐ লৌহ-দ্বার আর আমার
পথ-রোধ কর্তে পারেন না . আমি আজ—আমি আজ—তাব জননী
যিনি দুষ্কর্তের দমনের জন্ত, সাধুদের পরিত্রাণের জন্ত, ধর্ম

কারাগার

সংস্থাপনের জন্য যুগে-যুগে জন্ম গ্রহণ করে থাকেন—, আমার

তপস্রায় এ যুগেও আমারি গর্ভে অল্প জন্মগ্রহণ করেছেন—

[বসিছে বলিতে বাহিরে আসিলেন, গৌড়-দ্বার সন্নিহিত গিয়া তাহার
পথ করিয়া দিল। কংস আভিভূতের মতো ধীবে ধীবে পশ্চাৎপদ হইল]

কংস ॥ [দেবকীর কোড় হুইতে সন্তান দোহা ।]

তবে—সে—দে— [দেবকীর কোড় হুইতে সন্তান ছিনাইয়া লইল—]

দেবকী ॥ ও আমার নয়—আমার নয়—

বসুদেব ॥ সাবধান কংস ত্রি সন্তান নন্দের-নন্দিনী—বিশ্বের যোগমায়া—

কংস ॥ সন্তানের প্রাণ নশা। জন্ম মানন্দে মিথ্যাভাষণ করি... কিন্তু

আমি ভুলব না আমি কংস—

[কথিয়া গিয়া দেবকীর কোড় হুইতে যোগমায়াবে তুলিয়া লইয়া
ভূতলে সজোরে নিশ্চেষ্ট -অমর্শ উদ্ধে অষ্টভুজ মহামায়া মূর্ধির আবির্ভাব]

মহামায়া ॥ তোমাতে বধিবে যে

গোকুলে বাড়িছে সে !

কংস । [কাঁপিতে কাঁপিতে] একি ! একি !

দৈববাণী ॥ ইথং যদা যদা বাধা দানবোথ ভাব্যতি ।

তদা তদা বতায়াতঃং ব বিধাম্যারি সংক্রমম ॥

বসুদেব ॥ শোন কংস, শোন । আজ সফল হল আমাদের পূজা, সার্থক

হল আমাদের তপস্রা—

কংস ॥ হাঃ হাঃ হাঃ— কেন ?

বসুদেব ॥ আজ ভগবান স্বয়ং স্বর্গ থেকে ধবাতলে নেমে এসেছেন—

কংস ॥ .—আসেনি । আর যদি এসেই থাকে, তোমরা তাকে আনতে

পারনি, এনেছি আমি—

বসুদেব ॥ তুমি !

কংস ॥ হাঁ, আমি, এই দুৰ্বৃত্ত...এই নারকী! কত যুগ-যুগ ধরেই তো
কত কোটি-কোটি লোক কত পূজা করেছে...কত তপস্যা করেছে
...তাতে তার স্বর্গের আসন একভিলও টলেনি—চোখ বুঁজে পড়ে
থেকে সে শুধু পূজাই নিয়েছে...আমি তার এই স্পন্দা সইতে
পারি না...অমি তাই অত্যাচারে-অত্যাচারে তাকে জর্জরিত করে
তার স্বর্গ থেকে আমার এই মর্ত্যেই তাকে টেনে এনেছি...
কেন জান ?

বসুদেব ॥ তোমারি মূর্তির জন্ত—

কংস ॥ —চুপ—চুপ—। না—না—আমি—আমি তাকে দেখব...শুধু
একটির দেখব...

বসুদেব ॥ ...হাঁ, দেখবে।...দেখবে তিনি শুধু আমাদের মূর্তির জন্ত
আসেননি।...হে দুৰ্বৃত্ত...হে নারকী, তিনি এসেছেন...আমাদের
মুক্ত করতে, সেই সঙ্গে তোমাকে ও—!

--স্ববনিকা

মনোমোহন থিয়েটার

—কারাগার—

প্রথম রজনী—২৪শে ডিসেম্বর, বুধবার—রাত্রি ৭ ঘটিকা, ১৯৩০।

অধ্যক্ষ —	শ্রীযুক্ত গুরেন্দ্রনাথ ঘোষ (দানীবাবু)
সহঃ অধ্যক্ষ	" নির্মলেন্দু লাহিড়ী
নৃত্য-শিক্ষক	" ব্রজবল্লভ পাল
স্মারক	" পাঁচকড়ি সান্যাল
	" আশুতোষ ভট্টাচার্য
রঙ্গ-পীঠাধ্যক্ষ	" নারায়ণচন্দ্র তা
ত্রৈ সহকারী	" বৈদ্যনাথ দাস
আলোক শিল্পী	" বিভূতিভূষণ রায়
	" সুধীরচন্দ্র সুর
হারমোনিয়াম বাদক	" চারুচন্দ্র সুর
সঙ্গতি	" বনবিহারী পাল
সজ্জাকর	" নৃপেন্দ্রনাথ রায়
	" বিভূতিভূষণ দে

প্রথম রজনীর অভিনেতৃগণ

উগ্রসেন—	শ্রীযুক্ত রাধিকানন্দ মুখোপাধ্যায়
কংস—	" নির্মলেন্দু লাহিড়ী
নরক—	" মণীন্দ্রনাথ ঘোষ

- বিদূরথ— শ্রীযুক্ত সন্তোষকুমার দাস
 কঙ্কণ — " ভূমেন্ রায় (এমেচার)
 বসুদেব— " সুরেন্দ্রনাথ ঘোষ (দানীবার)
 কীর্তিমান— শ্রীমতী জ্যোতির্ময়ী
 রঞ্জন— " মতিবালা
 যাদবগণ — শ্রীযুক্ত পশুপতি সামন্ত, লক্ষ্মীকান্ত চট্টোপাধ্যায়
 কালা গুপ্ত ইত্যাদি -
 পূজার্থীগণ— " ননীলাল বন্দ্যোপাধ্যায়, অনিলচন্দ্র বিশ্বাস,
 হরিদাস ঘোষ, কালোচরণ গোস্বামী,
 ইত্যাদি
 দানবগণ - " নিরাপদ শীল, সুনীল মুখার্জী, হারাধন ধাড়া,
 টুনীলাল মুখার্জী
 দেবকী— শ্রীমতী সুনীলাবালা
 কঙ্কা— " সরসীবালা
 চন্দনা— " নীহারবালা
 অঞ্জনা— " হরিমতী (ব্র্যাকী)
 যোগমালা— " রাধারানী
 মদিরা— " শেফালিকা (পুতুল)
 নন্দকীগণ— " আশালতা, নিকুপমা, অন্নদামণী, গিরিবালা,
 কমলা, রাধারানী, নির্মলা, সরসীবালা,
 স্নেহলতা, উমাসুন্দরী, আশুরবালা,
 নন্দরানী কচি, ইত্যাদি—

বাঙলার নাট্যসাহিত্যে নবযুগ !

বাঙলার নাট্যকাভিনয়ে নবযুগ !!

শুক্ল অন্তর্গত ব্রায় এম-এ

বাঙলার নাট্যসাহিত্যে যে নবযুগ নবরস নবছন্দের অবতারণা করিয়াছেন, নাট্যরসরসিক কলাবিদ দর্শক তাহাতে যুগ্ক হইয়াছেন। কিন্তু যাহারা এই নবযুগের নব-নাট্যগ্রন্থের সহিত পরিচিত নহেন, তাহাদের জ্ঞান নিম্ন করেকটি মাত্র প্রসিদ্ধ অভিমত প্রকাশিত হইল।

আমরা কিছুই বলিব না, অপরে

কি বলিতেছেন তাহাই দেখুন

মমথ রায় এম্-এ প্রণীত

নাট্য গ্রন্থাবলী

মুক্তির ডাক

[একদৃশ্যে সম্পূর্ণ একাক্ষ নাটক, আর্ট থিয়েটার লিমিটেড পরিচালিত
ষ্টার থিয়েটারে অভিনীত]

মূল্য—ছয় আনা

সুপ্রসিদ্ধ সাহিত্যিক শ্রীযুক্ত মমথ চৌধুরী
এম-এ, বার-এট-লেঃ—“মুক্তির ডাক আমার খুব ভালো
লেগেছে...এখানি যথার্থই একখানি drama। বাঙলা সাহিত্যে ও-জিনিস
একান্ত দুর্লভ।...মুক্তির ডাকের অভিনয় আমি মানসচক্ষে দেখেছি, এবং
তাই দেখেই বলছি যে “মুক্তির ডাক” একখানি যথার্থ drama. বাঙলা
সাহিত্যে নাটক একরকম নেই বলেই হয়। আশা করি আপনি আমাদের
সাহিত্যের এ অভাব পূর্ণ করবেন। ইতি—১৩।৭।২৪

সুপ্রসিদ্ধ কথা-শিল্পী ডাঃ শ্রীনরেশ্বর দ
সেনগুপ্ত এম-এ, ডি এল এ—“মুক্তির ডাক বাঙলার নাট্য-
সাহিত্যে একটা নতুন পথ পরিষ্কার করেছে তাহা সবাই স্বীকার করিবে। অত
ছোট একাক একখানা নাটকের ভিতর ঘটনা ও বাক্যের সমাবেশ দ্বারা
তুমি চরিত্রগুলি এমন সুন্দরভাবে ফুটাইয়া তুলিয়াছ যে, ইহাতে অনেক
পাকা পুরাতন সাহিত্যিক রীতিমত হিংসা করিতে পারেন। গল্প গাঁথবার
ক্ষমতা তুমি ভালো রূপেই দেখাইয়াছ।”

সুপ্রসিদ্ধ সমালোচক সাহিত্যিক রায়
সত্যেন্দ্রমোহন সিংহ লাহাদুরঃ—“আপনার এই প্রথম
উত্তম সফল হইয়াছে।...আপনার গ্রন্থরচনা সার্থক হইয়াছে।”

“প্রবর্তক”—১৩৩১, আঘাত :—“মুক্তির ডাক নাটকখানি
সুন্দর হইলেও প্রথম শ্রেণীর মধ্যে গণ্য।—পাড়তে পাড়তে মেটারলিকের
'মনাভনা'র কথা মনে পড়িয়া যায়। নাটকখানি ঠিক সেইরকমই। নাটক-
খানিতে পাকা হাতের যথেষ্ট পরিচয় পাওয়া গেছে।”

চাঁদসদাগর

[পঞ্চাঙ্ক পৌরাণিক নাটক, আর্ট থিয়েটার লিমিটেড্ পরিচালিত
প্রথমে মনোমোহন এবং ষ্টার থিয়েটারে বৎসরাধিক
কাল অভিনীত হইতেছে। মূল্য ১/- মাত্র]

“নাট্যঘর”—৬ই আশ্বিন, ১৩৩৪—“নাটকখানি শুধু “মনোমোহনে”ই নতুন নয়, নাট্যসাহিত্যেও নতুন। পঞ্চাঙ্ক নাটক রচনার তাঁর এই প্রথম চেষ্টাই এতটা জয়যুক্ত ও সাফল্যমণ্ডিত হয়েছে দেখে আশা হচ্ছে যে, বাংলাদেশে অন্ততঃ একজন এমন নাট্যকার জন্মেছেন যিনি ভবিষ্যতের রঙ্গমঞ্চকে কু-নাটক অভিনয়ের দায় হতে রক্ষা করতে পারবেন।”

“কল্লোল”—অগ্রহায়ণ, ১৩৩৪—“বাঙলার নাট্যসাহিত্যের অত্যন্ত দৈন্য।...নাট্যসাহিত্যে নতুন প্রতিভার অত্যন্ত প্রয়োজন। সে প্রতিভা শ্রীযুক্ত মন্থরায়ের কাছে আশা করা যেতে পারে। তাঁর কলমের কাজ শুধু স্বপ্ন নয়, জোরালো ও রঙদার।...নাটকটিতে শক্তির ছাপ আছে। ভবিষ্যতে তাঁর হাত থেকে অনেক কিছু আশা করা যায়!”

“আশ্বশক্তি”—৪ঠা কার্তিক, ১৩৩৪—“নাটকখানি আমাদের ভালো লেগেছে নাট্যকারের চরিত্রাঙ্কন ও ঘটনা-সংস্থাপনের প্রশংসনীয় দক্ষতায়। আর আমাদের মুগ্ধ করেছে তাঁর সৃষ্ট বেহুলার চারু চিত্রটি। পুরাণোল্লিখিত চরিত্রের ওপর কল্পনার তুলিতে তিনি যে রঙ ফলিয়েছেন, তা বাস্তবিকই অনিন্দ্যনীয়।”

“আনন্দবাজার পত্রিকা”—২৬।৯।২৭—“কি ভাষার দিক দিয়া কি চরিত্রাঙ্কনে প্রকৃত শিল্পীর রসবোধের বহু পরিচয় তিনি দিয়াছেন।...বাঙলার প্রাণের বেদনা করুণা ও অশ্রুমাখা অতীত স্মৃতি এই “চাঁদসদাগর” শত শত দর্শককে পরিতৃপ্ত করিবে সন্দেহ নাই।”

“ভারতবর্ষ”—পৌষ, ১৩৩৪—“শ্রীযুক্ত মনমথ রায় গতামু-
গতিক ভাবে এই দৃশ্যকাব্য লেখেন নাই ; তাঁহার একটা নিজস্ব ছন্দ-ভঙ্গী
আছে। তিনি ঐক্ৰজালিকের আয় ঘটনার ঘাতপ্রতিঘাত এমন সুন্দর-
ভাবে অগ্রসর করিয়াছেন যে, পাঠক ও দর্শক মুগ্ধ না হইয়া থাকিতে
পারেন না। “চাঁদসাদাগর” বাঙাল দৃশ্য-কাব্য ক্ষেত্রে একদা বিশিষ্ট স্থান
অধিকার করিবে। বঙ্গক্ষেত্রে এই “চাঁদসাদাগর”র অভিনয়ও যথেষ্ট
জনাদর লাভ করিয়াছে ”

“The Bengalee” in its issue of October 18th,
1917: “Once in a while a play is produced which
Theatre-goers love to witness over and over again, which
leaves the beaten track and carves out a path of its own,
which is hailed as something out of the ordinary,—
such a play is undoubtedly Mr. Manmatha Ray’s
“CHANDSADAGAR.”

দেবাসুর

[এক দৃশ্যের এক একটি অঙ্কে সম্পূর্ণ পঞ্চাঙ্ক বৈদিক নাটক
আর্ট থিয়েটার লিমিটেড পরিচালিত ষ্টার থিয়েটারে
অভিনীত। মূল্য—১২ মাত্র।]

সুপ্রসিদ্ধ ঔপন্যাসিক ও নাট্যকার—ডাঃ শ্রীযুক্ত নরেশচন্দ্র সেন ও এম-এ, ডি-এলঃ—
 “ঋগ্বেদের ইতস্ততঃ বিক্ষিপ্ত কতকগুলি খণ্ড হইতে একটা গোটা চিত্র তুমি গাঁথিতে চেষ্টা করিয়াছ—...Flora Anine Steelএর এই রকম চিত্রের পাশে ধরিলে তোমার নাটকের এ বিষয়ে কৃতিত্ব কতকটা অনুভব করা যায়। তোমার বইখানি একটা উচ্চ স্তরের আর্টের অভিব্যক্তি বলিয়া স্বীকার করিতেই হইবে।”

“আনন্দলাকার পত্রিকা”—১২ই জ্যৈষ্ঠ, ১৩৩৫—
 “ইতিপূর্বেই “চাঁদসদাগর” লিখিয়া মনোখবাব খ্যাতিলাভ করিয়াছেন ; “দেবাসুর” তাঁহার সেই যশ বৃদ্ধি করিবে সন্দেহ নাই...পরাধীন ভারতের মর্শ্বকথা মুক্তির আকাঙ্ক্ষা নাটকের মধ্যে সুন্দররূপে ব্যক্ত হইয়াছে। নাট্যকলা হিসাবেও গ্রন্থখানি অনবদ্য হইয়াছে। বিশেষভাবে আত্মত্যাগী দধীচির চরিত্র অতি মহান্ হইয়াছে।...এই নাটকখানি বাঙলা সাহিত্যে স্থায়ী আসন লাভ করিবে, তাহাতে সন্দেহ নাই।”

“আত্মশক্তি”র তৃতীয় বর্ষের ৫ম সংখ্যার নাট্যনিবন্ধে “দেবাসুর” প্রবন্ধে :—তাঁর নাটক উচ্চ স্তরের হয়ে উঠেছে, একথা আমরা নিঃসন্দেহে বলতে পারি। পৃথিবীর অধিকার নিয়ে দুই জাতির এই যে সংঘর্ষ, সামান্য নাটকের সীমার মধ্যে তাঁর এই উপযুক্ত প্রকাশ কম শক্তির পরিচয় নয়। তাই দেব ও অসুর এই দুই জাতির বন্দ তাঁর নাটকে শুধু বৈদিক কালের একটি কাহিনী হিসাবেই আমাদের মনোহরণ করে না.....” ইত্যাদি।

“ভারতবর্ষ”—শ্রাবণ, ১৩৩৫—“আমরা নাট্যকারের ‘বলাসুর’ ও ‘বৃত্তাসুরের’ চরিত্র চিত্রণ দেখিয়া সত্যসত্যই মুগ্ধ হইয়াছি ; এই দুইটা চিত্র অঙ্কনে নাট্যকার যে মনস্তত্ত্বের বিশ্লেষণ করিয়াছেন তাহা সত্যসত্যই বিশেষ উপভোগ্য। আরও একটি ভিনিস এই নাটকের সর্বত্র ফুটিয়া উঠিয়াছে, তাহা প্রবল দশাসুরাগ। বর্তমান সময়ে এই শ্রেণীর নাটকের উপযোগিতা যে কত অধিক তাহা আর বলিতে হইবে না। এক কথায় বলিতে গেলে এই নাটকখানি আমাদের বড়ই ভাল লাগিয়াছে।”

“Forward” in its ‘Review of Books’ dated July 24th, 1928. Dak ;—“Judged from his one-act dramas, Mr. Maumatha Ray, M.A. is an artist who is much ahead of his times....‘DEVASUR’, his latest work is a fine production, new in technic, novel in conception. The constructive imagination is at once great, and here-in there is ‘USHA’ the soul of an imprisoned mother crying in agony of the burden of her iron chains, and dancing still, to stir you to action to break into pieces the chains of slavery under which you labour..... Considered from every point of view, style, technique, conception and execution, “DEVASUR” is an outstanding production.

লিড্রোহী কলি কাকি নকরুলন সিসলানি ৪—
“এক বুক কালা ভেঙে পথ চ’লে এক দীঘি পদ্য দেখলে ছ’চোখে আনন্দ যেমন ধরে না, তেমনি আনন্দ ছ’চোখ পূরে পান করেছি আপনার

লেখায় ;—আমার প্রাণের আনন্দ এর চেয়েও ভালো ক’রে প্রকাশ করার শক্তি আমার নেই বলে লজ্জা অনুভব করছি। সূর্য্যকে অভিবাদন করতে পাবি—কিন্তু তাকে উজ্জ্বলতর করে দেখানোর মত আলো ও অভিমান আমার নেই। বিশেষ করে “আপনার “সেমিরেমিস” পড়ে কী যে আনন্দ পেয়েছি তা বলে উঠতে পারিছিনে। যতবার পড়ি ততবারই নতুন মনে হয়। এত বড় সৃষ্টি !...আমায় আর কারুর কোন লেখা এত বিচলিত করে নি।”

কল্লোল—(পৌষ, ১৩৩৫) :—“নাটক প্লাবিত বঙ্গদেশে মাঝে মাঝে যে দুই একখানি নাটক স্বীয় বৈশিষ্ট্যে কলারসিকের মনোহরণ করে, “দেবাসুর” তাহারই একখানি। ঘটনার ঘাতপ্রতিঘাত, সুললিত ভাষা গৌরব, অপূর্ব চরিত্রচিত্রণ নাটকখানিকে অপক্লপ রূপ দান করিয়াছে। শৃঙ্খলিতা নির্ঘাতিতা দেশজননীর মুক্তির জন্ত ব্যাকুলতা কোনও খানে নাটককে ক্ষুণ্ণ না করিয়া জাতিকে দেশাত্মবোধে অনুপ্রাণিত করিয়াছে। বৃত্তাসুর বলাসুর শচী এবং দধীচি চরিত্র চতুষ্টয় দর্শক ও পাঠককে মগ্নমগ্ন করিবে। ত্রীযুক্ত মন্থ রায়ের নাটক লেখার নিজস্ব মনোমদ ভঙ্গী এই নাটকে বর্তমান। নাটকখানি মাত্র পাঁচটি দৃশ্যে পাঁচ অঙ্কে সমাপ্ত।”

শ্রীবৎস

—প্রথম রজনীর অভিনয় দর্শনে—

নবশক্তি—(৩১শে জ্যৈষ্ঠ, ১৩৩৬) “আমাদের পৌরাণিক উপাখ্যানগুলির মধ্যে জনপ্রিয়তার উপাদান আছে প্রচুর। মন্থবাবু এই

প্রাচুর্যের সন্ধান রাখেন। তাই তাঁর কলম থেকে উপরো-উপরি এমনিগারা কয়েকখানি জনপ্রিয় নাটক রূপ পেয়েছে। “শ্রীবৎস” তাঁর এই তালিকারই অন্তর্ভুক্ত। নাটকখানির প্রধান গুণ হচ্ছে তার আড়ম্বরহীনতা। শনির কোপে শ্রীবৎসরাজাকে উপযুক্তপরি যে লাঞ্ছনার আঘাত সহ করতে হয়েছিল তারই মূল মূল গুলিকে সাজিয়ে মন্থনবাবু অতি নিপুণভাবে এই পুরাতন উপাখ্যানটিকেও চিত্তাকর্ষক করে তুলেছেন। অনাবশ্যক উচ্ছ্বাস তিনি কোথাও প্রকাশ করেননি এবং ঘটনা সংস্থাপনের গুণে নাটকটি কোথাও দুর্বোধ্য হয়ে ওঠেনি। এমনিগারা নাটকের অভিনয় করেই রঙ্গমঞ্চ তার লোকশিক্ষক নাম সার্থক করে।... শ্রীবৎসের অভিব্যক্তি ... অহীন্দ্রবাবুর নাট্য প্রতিভার অগ্ৰতম শ্রেষ্ঠ নিদর্শন। শেষ যবনিকাপাত পর্যন্ত তা যেমন Pathetic তেমনি হৃদয়গ্রাহী। কোন একটি ভূমিকার অভিনয় দেখে আমরা বহুদিন এরকম আনন্দ পাইনি তা মুক্তকণ্ঠে এখানে স্বীকার করছি।... ইত্যাদি — চন্দ্রশেখর।

স্বাস্থিক—(১৪।৬।২৯) :—শ্রীবৎস চিন্তার সেই বহুবিধিত কাহিনী। “ফোঁটা ফুলের টাটকা মধু।”... দৃশ্যের পর দৃশ্যে ঘটনাস্রোত এমনি সংযত ও সংহত ভাবে আসিতে থাকে যে, অভিনয়ের সঙ্গে সঙ্গে হুঃখ, ঘৃণা বিস্ময় ও আনন্দে তন্ময় হইয়া রহিতে হয়, কোথাও অতৃপ্তি থাকিয়া যায় না।

শ্রীবৎস সম্বন্ধে

Amrita Bazar Patrika, dated July 2nd, 1929, Dak Edition. “If Sj. Ray has already made his mark as a

dramatist, he has won fresh laurels in his new presentation. It is a very difficult task to produce a mythological drama before a modern audience, and this makes the success of S. J. Ray all the more creditable. Without departing from the thread of original mythology, he has introduced characters and innovations that have added greatly to the dramatic effect of the book...the book is sure to catch the imagination of an appreciative audience.

এতদ্ব্যতীত “বঙ্গবাণী”, “অমৃতবাজার পত্রিকা”, “ভোটরঙ্গ” প্রভৃতির বহু প্রশংসা স্থানাভাবে দেওয়া গেল না।

মহুয়া

প্রথম রজনীর অভিনয় সম্বন্ধে—

“নাট্যসর” [৬ষ্ঠ বর্ষ, ১০ম সংখ্যা]

—“শ্রীযুক্ত মনমথ রায় মহুয়া-নদেরটাদের বিচিত্র প্রেম-লীলাকে লীলায়িত করে তুলেছেন তাঁর নবগঠিত নাটকখানিতে। পাঁচটিমাত্র দৃশ্যের মধ্যে আবদ্ধ রেখে তিনি প্রেমগীতিকায় যে অন্তরা গেয়েছেন, নিজের প্রেয়সী কল্পনাকে গীতিকথার রচনার সঙ্গে পরিচয় সাধন করিয়ে নাট্যরসের যে গৈরিক প্রস্রবণকে মর্থিত করে তুলেছেন, তাঁর অমৃতধারা নাট্যরসিকের চিত্তকে অনন্তপূর্ব সুখাস্বাদে ভরপুর করে দেবে, এ ভবিষ্যদ্বাণী নিঃসন্দেহে করতে পারা যায়।”

[২৬শে পৌষ, ১৩৩৬]

এই নাটক খানিকে আধুনিক নাট্য সাহিত্যের অন্ততম রত্ন বলতেও আমাদের আপত্তি নেই। মন্থথবাবুর লেখনী অক্ষয় হোক।

“নন্দশক্তি” [১ম বর্ষ, ৩৫শ সংখ্যা]

“... শ্রীযুক্ত মন্থথ রাব এই চিত্রকুন প্রেমের গাথাকে নাটকের মধ্যে যে-ভাবে রূপ দিয়েছেন, তাতে তাঁর আত্মপ্রসাদ অনুভব করবার যৎপট্ট কারণ আছে।... মন্থথবাবুর নাটকে এই গাথার গৌরবও যেমন বক্ষিত হয়েছে তেমনি নাটকীয় আবেষ্টনের মধ্যে মন্থথার রোমান্স অধিকতর উজ্জল হয়ে ফুটে উঠেছে।... মন্থথবাবুর “মহা” হচ্ছে একখানি অভিনব রোমান্টিক নাটক। নাট্যকার নাট্যচরিত্রের প্রত্যেককেই নিজস্ব বৈশিষ্ট্য অনুযায়ী বেশ একটি পরিপূর্ণ রূপ দিতে পেরেছেন। বিশেষ করে পালা গানের মহা নাটকের মধ্যে এমন অপরূপ হয়ে ফুটে উঠেছে যে তাকে ওদেশের জগৎপ্রসিদ্ধ কারমেনে। সঙ্গে তুলনা করতে কিছুমাত্র কুণ্ঠাবোধ হয় না। এছাড়া পালাগানের কাহিনীকে পরিবর্তিত ও পল্লবিত করে নাট্যকার যে ভাবে তাকে নাটকের উপযোগী করে নিয়েছেন নাটকত্বের দিক থেকে তাও সবিশেষ প্রশংসার। মন্থথবাবুর ভাষায় কাব্যের উচ্ছ্বাস সহজেই দৃষ্টি আকর্ষণ করে। রোমান্টিক নাটকে এই কবিত্বপূর্ণ ভাষা বেশ খাপ খেয়েছে।... “মহা” একাধারে দর্শকদের মন ও থিয়েটার কর্তৃপক্ষের পকেট ভণ্ডিমে দেবে বলে আমাদের দৃঢ় ধারণা।

“শিখর”... [৪ষ্ঠ বর্ষ, ৩১শ সংখ্যা]

আমরা মুক্তকণ্ঠে স্বীকার করিতেছি এরূপ উপভোগ্য নাটক বাংলা রঙ্গমঞ্চে অভিনীত হইতে কমই দেখিয়াছি।... তরুণ নাট্যকার সুপ্রসিদ্ধ কথাশিল্পী শ্রীযুক্ত মন্থথ রাব এম-এ, মহা নাট্যরূপ দিয়াছেন। তাঁহার ক্ষমতার সহজে কোনরূপ সন্দেহ থাকিতে পারে না—ইতঃপূর্বেই আমরা

“চাঁদ-সদাগর” ও “শ্রীবৎসে” তাঁহার প্রতিভার পূর্ণ বিকাশ দেখিতে পাইয়াছি। আমরা তাঁহার এই নব উদ্যমেও মুগ্ধ হইয়াছি।...“মহয়া” মনোমোহনের বিজয় বৈজয়ন্তী হইবে বলিয়াই আমাদের বিশ্বাস।”

“লক্ষ্মীলালী”...[১ম খণ্ড, ২১১ সংখ্যা]

মন্মথবাবু নামের সঙ্গে প্রত্যেক শিক্ষিত বাঙ্গালীই আজ পরিচিত। চাঁদসদাগর, দেবাস্বর, শ্রীবৎস প্রভৃতিতে তাঁর যে নাট্যপ্রতিভার বিকাশ দেখেছি—তাঁর পরিণতি দেখলুম আমরা এটি “মহয়া” নাটকে। এর লিখনের ধরণ—ভাষার ক্রান্তি—বলবার ভঙ্গী চমৎকার। মন্মথবাবুর সব চাইতে বিশেষত্ব এই যে, তাঁর নায়ক-নায়িকারা মামুলী থিয়েটারি টং-এ কথা কয় না। সহজ মানুষের সহজ জীবন তারা প্রতিফলিত করে তোলে।...নাটকখানিতে পড়বার, ভাববার, দেখবার, অনেক জিনিষ আছে।

“স্মানন্দলালার পত্রিকা।” [নবপর্ষ্যায় ৮ম বর্ষ ২৪৩ সংখ্যা] “এই নূতন নাটক নাট্যসাহিত্যে তাঁহার যশ আরও বৃদ্ধি করিবে...গীতাী বাঙালীর এই “মহয়া” আখ্যানটি অবলম্বনে নাটক রচনা করিয়া মন্মথবাবু বসন্তান ও নাট্যপ্রতিভার যথেষ্ট পরিচয় দিরাছেন। মন্মথবাবুর আরও ক্রান্তি...বিচয় এই যে তিনি নাটকখানি আধুনিক নাট্যকলা সম্বন্ধে প্রণালীতে রচনা করিয়াছেন।” জিজ্ঞাসয় দেখিয়াই প্রত্যেক পত্রিকাই এইরূপ উচ্ছৃঙ্খলভাবে মহয়ার প্রশংসা করিয়াছিল।

গুরুদাস চট্টোপাধ্যায় এণ্ড সন্স

২০৩/১১, কর্ণওয়ালিস্ ট্রীট, কলিকাতা

কথা-সাহিত্যিক

শ্রীযুক্ত অখিল নিয়োগীর লেখা সম্বন্ধে

== অভিমত ==

জলধর সেন = তাঁর প্রতিভাই তাকে সাহিত্যক্ষেত্রে পরিচিত কবে দেবে, এ বিশ্বাস আমাব আছে।

কালিদাস রায় = শমান্ অখিলের গ্লি ও লেখনি ছই-ই সমান তালে লে। শিশু-সাহিত্য রচনায় তাহার অপূৰ্ব দক্ষতা। শিশু-রঞ্জনের যাহা কিছু প্রয়োজন অগিলের রস-ভাওরে তাহার কোনোটোরই অভাব নাই।

নবেন্দ্র দেব = অখিল নিয়োগী আমাদের শিশু-সাহিত্যের শক্তিশালী শিল্পী। বাংলা-সাহিত্যে এ বিভাগে তাঁর দান অসংবারণ।

মন্মথ রায় = শিশু সাহিত্যের সহিত শিশুর খেটুকু পরিচয় ছিল, তাহাতে শুধু এই মনে হইত যে আমি যদি শিশু হইতাম তবে ভাবিতাম ঐ নিয়োগী যদি আমার বড় ভাই হইত...!

মণীন্দ্রলাল বসু = আপনার বহুগুলি সত্যই চিত্তাকর্ষক। বইগুলি কবিলের ওপর ছিল। একদিন দেখি তাই নিয়ে বাড়ীর ছেলে মেয়েদের ওটলা পুস গেছে। সবাই টানাটানি করে পড়ছে।

বাঙলার কথা = শিশু সাহিত্য রচনায় অখিল বাবুর হাত বেশ পাকা। কুলেদের মনে পেরে ছিবার পথ তিনি ভাল করিয়াই ডানেন।

মোচাক = মাথের মুখে শোনা রূপকগার মতোই মিষ্টি!

মাতৃ-সন্দির = শিশু-সাহিত্য রচনায় লেখক নিপুন।

“Forward.” = The author is well-known to the public for his several productions and has already made himself popular as a writer of Children's literature.

বেপরোয়া	(শিশু উপন্যাস)	...	১
স্বপন পুরী	(২য় সংস্করণ)	...	৬০
পরীর দৃষ্টি	(৩য় সংস্করণ)	...	১৭/০
বাঘমামা	(২য় সংস্করণ)	...	১৭/০
মহাপূজা	(শিশু নাট্য)	...	১৭/০*
বান্ধাদিত্য	(শিশু নাট্য)	...	১৭/০
ভাইফোঁটা	(উপন্যাস)	...	১

—নিয়োগী নিকেতন—

১৯২৭ কৰ্ণওয়ালিস্ ষ্ট্রীট, কলিকাতা

